

SUTRINA PIGRORUM SCHOLA.

Argumentum:

Civi futuri duos fuisse filios fingimus, quorum natu majorem literis, minorem futorum opificio addixerat. Deprehensa tamen prioris pigritia fecit Parens, quod plures facerent, si cum hoc futore ultra crepidam saperent.

Scena ponitur in oppido duabns leucis ab urbe
Diligentia diffito, in ædibus Picasii.

Personæ.

Picafius, civis Sutor.

Pigrillus, Picafii filius natu major.

Prudentulus, Picafii filius natu minor.

Fabrillus, Syntaxista minor Pigrilli condiscipulus.

Stupacius, e gymnasio nuper dimissus.

Caprasius, Sartor.

Coriasrus,] Sutores.

Grobrianus,]

Mopsus, Rusticus.



Pars Prima.

Scena Prima.

Picasius Sutor, Prudentulus filius.

Picas. Lætare jam Prudentule! hora proxima

Solemniter collecta Sutorum Tribus
Albo suorum nomen inscribet tuum.

Solemnitati publicæ præsens erit

Dominus Pigrillus frater. *Prud.* anne ergo
Dominus

Pigrillus est, qui tertiam classem, & quidem
Ex gratia vix attigit? *Picas.* saltem brevi
Dominus futurus. *Prud.* ah Pater! mallem etiam ego

Esse dominus, quàm sordidus Sutor. rogo.

Picas. Mitte ista. sed num calceos fratris bene,
Ut jusseram, purgasti? *Prud.* an ipse calceos
Suos nequit purgare Pigrillus? *Picas.* Puer!

Fac, quod Parens tibi imperat tantum citò.
Namque absoluto prandio impatiens moræ

Urbem Pigrillus repetet. â scholis negat

Abeffe velle, aut posse se diutius;

Ardore tanto in studia fertur optimus

Meus ille natus. nil nisi Musas amat.

Prud. Ardore tanto in studia si fertur Puer,
Cur, quæso, toties urbe deserta & schola
Excurrit huc? cur jam biduum, & ultra
manet

Hæretque nimium deses in nostra domo,
Et nunc adhucdum stertit in lecto piger?

Picas. Noli invidere. frater assiduo nimis
Tractus labore nunquid indiget subin
Quiete, ne succumbat? arcus si nimis
Intenditur, disrumpitur. - -

Scena Secunda.

*Accedit Prioribus Sartor Caprasius cum
veste.*

Cap. - - - Bonam diem

Picasio precatus affero impigre
Confarcinatum pallium cum pileo

Splendente limbis aureis. *Picas.* in tempore

Ades Caprasi. - tu mone fratrem, cito

Veniat, probetque, num satis quadret hu-
meris

Hoc pallium. *Pigr.* Quid? Pallium tam
splendidum

Detur Pigrillo, dum interim vili tegar

Lacernula? *Pic.* quia sutor es tantum &
recens

Sutoriae artis tyro. Fac jussu Patris.

Scena Tertia.

Picasius, Caprasius.

Picas. Placeat sedere, non morabor te diu.

Aderit brevi Pigrillus. *Cap.* es felix Pater,

Cui filius studiosus est. *Pic.* solatium

Fatebor, hoc est maximum mihi & meæ

Toti

Toti Familiæ. Tota spes nostræ domus
Est in Pigrillo posita, nam doctor brevi
Futurus & fors Parochus, aut forsitan etiam
Decanus, aut quid amplius. quantum afferet
Picasianæ stirpi honorem! *Cap.* utinam mihi
Pariter liceret filium meum, cui
Satis capax est ingenium & amplum caput
Ad litterarum studia in urbem mittere!
Ast inopia mea hoc prohibet; ut namque
audio

Studentium opificium Parentibus solet
Multo ære stare. *Pic.* fateor, & mea
sumptibus

Tantis crumena neutiquam foret satis,
Ni dextra Mœcenatis inopiam meam
Levaret. *Cap.* Et quis ille Mœcenas tuus?
Picas. Dominus Parochus in oppido, quod
dicitur

Guettwillig, est hic frater uxoris meæ,
Et hic Pigrillo suppetit vestes, libros,
Victumque liberaliter. *Cap.* Fors pallium hoc
Et pileum tam splendidum pariter manus
Hæc liberalis filio præbet tuo?

Pic. Hæc cuncta jussit confici sumptu suo,
Solusque solvet omnia affinis meus.

Cap. Nempe ut Pigrillo ad studia calcar ad-
deret?

Picas. Non indiget calcaribus Natus meus.
Jam sponte currit.

Scena Quarta.

Accedit Prudentulus redux.

Prud. - - - Clamo jam ter centies:
A 3 Pigrille

Pigrille surge! - se nihil truncus movet,
 Et cochlea citius deferet domum suam,
 Quàm lectulum Pigrillus. *Picas.* miror aliàs
 Jam mane primo surgere, quod ipse asserit,
 Solemque provenire solet. *Prud.* hoc in
 Hyeme

Credidero. nervum bubulum capias Pater,
 Hoc excitabis optimè pigrum pecus.

Prias. Quid cogitas? quid loqueris? in juve-
 nem pium

Et diligentem verberibus agat Parens?
 Sine, dormiat Pigrillus, & quantum volet,
 Quiescat hodie. Tu Caprasi pallium
 Et pileum mihi cede, non dubito, satis
 Aptus humeris Pigrilli erit. *Cap.* solvat prius
 Pretium laboris, quod, quia affines sumus,
 Non exigo, nisi tenue: florenos duos
 Pro pallio, pro pileo totidem. *Pic.* satis
 Carò laborem vendere affini soles.

Cap. Plura potuisssem exigere jure maximo,
 Namque hunc laborem debui festa die
 Urgente te, conficere neglecto sacro
 Non absque conscientiaè stimulo gravi.

Prud. Quàm tenera conscientia est sartoribus!

Picas. Non disputabo pluribus. cedas modò
 Hæc interim, tum Dominus affinis meus
 Pretium laboris solvet. *Cap.* excurrere procul
 In oppidum & solutionem poscere
 Ab extero, mihiq; non noto viro
 Non allubescit, confici hæc tu jufferas
 Tu solve. *Picas.* non excurrere procul hinc
 opus,

Huc veniet ipse Dominus affinis meus.

Cap.

Cap. Et quando veniet? *Picas.* hoc adhuc, spero, die.

Adveniet invitatus humanissime
Solennem ad actum, quo puer hic hodie
tribum

Sutorianam augebit adlectus recens.

Prud. Solennis omnino actus & dignus viri
Tanti sacra praesentia. *Cap.* Dixi, vir hic
Non notus est mihi. pallium à me confici
Tu jusseras, tu solve, vel - *Pic.* simus
boni,

Simus boni, ni veniat hac adhuc die
Reverendus iste Dominus affinis meus
Solvatque pretium, cras ego solyam omnia
Certissimè. *Cap.* quod pignus interea? *Pic.*
cape.

Hanc dexteram, ni sufficit, juro insuper,
Tibique honesti obstringo Sutoris fidem.

Cap. Quàm dextera tua est picea! tam fidei
tenax

Ut sit precatus, abeo. vah! quantum pice
Maculata foetet dextera! lavanda illico.

Scena Quinta.

Picasius, Prudentulus.

Pic. Quid? hanc manum foetoris accuset caper?

Prud. Et jure merito: namque sordidissimum
Opificium est sutoris. hinc & ego horreo.
Nolo esse sutor. *Pic.* Ergo sartorum in tribum
Consortiumque poscis admitti puer?

Prud. Neque hoc, sed inter litteratos, ô Pater!
Atque studiosos, fac, ut annumerer brevi.

Jam legere novi, & insuper jam nomina
Novi aliqua declinare. verbi gratia:

Musa, Dominus. Picas. Musa Dominus?

Prud. didici quoque

Jam conjugare verba: *Amo, lego, atque doceo.*

Pic. Nec amare, nec docere te puerum decet

Sed conjugare calceos discas, volo.

Nimium superba est indoles tibi Puer,

Tuus Parens est Sutor, avus, atque Proavus

Noster etiam fuere sutores. Patrum

Vestigia humilis sequere, nec sis degener

Prud. Non degener ero. at sordidæ immer-
sam Pici

Extollere cuperem altius avitam domum.

Pic. Hæc gloria est parata fratri; non tibi.

Nunc abeo, Matrem moneo, prandium
paret,

Et lautius non nihil, & hoc in gratiam

Domini Pigrilli, prandio isti tu quoque

Sutoriæ artis tyro, ut accumbas, sinam.

An displicet fors titulus hic mensæ tibi?

Prud. Ah malo jejunare, quàm tam sordido

Prandere titulo - ad litteras Pater, rogo,

Ad litteras cum fratre me mittas. *Pic.* file!

Vel regulam Sutoriam, puer impudens,

Mox te docebo. pallium isthoc interim

Et pileum suspende clavo proximo.

Donec Pigrillus surgat. hæc ubi viderit

Sibi parata, fervor accendet novus

Ad studia mentem juvenis - -

Scena

Scena Sexta.

Prudentulus solus.

Prud. - - - ò sortem meam
 Miserrimam! sic sordidus sutor sîam,
 Dum frater est studiosus? An non etiam ego
 Gestare possem pallium? & capiti meo
 Quadraret iste pileus, possem & gradu
 Sat fastuoso incedere, ut quidam solent
 Ex litteratis * ora tegere pallio,
 Nasôque prominente, torvo lumine
 Despicere plebem rusticam, & vilem gregem;
 Nunc pallio pendente per lævum latus
 Jactare dextrum btachium. nunc pileum
 Imprimere fronti, nunc rotare per latus
 Dextrum, aut sinistrum, nunc sub axilla
 premens
 Urente sole mille variatas modis
 Edere figuras, quæ asseclam Musæ probant.

Scena Septima.

Prudentulus. Pigrillus in toga nocturna tergens oculos.

Pig. Quota hora? num jam strata mensa?

Prud. Hora decima

Audita nondum est. *Pig.* ergo mature nimis,
 Ut video, surrexi, repetolectum. *Prud.* cave
 Conterere pullos. Ecce! *Pig.* quid puer?

Prud. Cave

Puerum vocare. Pallium, ut vides, gero.
 Jam

* Prudentulus gestibus, quod dicit, exprimit.

Jam semidominus. *Pig.* Pallium hoc novum mihi

Est destinatum. *Prud.* Convenit pariter mihi Aptissime. *Pig.* depone! quid tibi sordide Sutorcule hoc cum pallio? *Prud.* bilem cave, Mi bone domine fratercule? *Pig.* illudis mihi Pumilio? *Prud.* revereor gigantem. *Pig.*

Jam ocyus

Depone, dico, vel brevi ostendam tibi - *Prud.* quid? *Pig.* dæmonem in vitro. *Prud.* in speculo asinum.

Pig. Me dicis asinum rabula? *Prud.* tu lixa, cacula,

Calefactor, & - *Pig.* furore rumpor! ubi meus

Est gladius? *Prud.* En! congregere, si audes, provoco.

Congregere. * -

Scena Octava.

Picasius accedit prioribus.

Picas. - Quis tumultus hic Nati? *Pig.* ah Pater!

Hic impudens - *Prud.* hic impudens -

Pig. Puer - *Prud.* Puer

Es ipse. *Pig.* præ furore non possum loqui,

Prud. Tace ergo. *Pig.* pallium induit meum insuper

Asinum vocare est ausus. *Prud.* & me ille rabulam.

Pic.

* Pigrillus arripit gladium, quem non potest evaginare, Prudentulus vero arripit subulam & se opponit.

Pic. Quiescite, rogo, filii, quiescite!

Tu pallium cum pileo redde Domino
 Fratri, cui ista Dominus affinis meus
 In diligentiae & laboris præmium
 Donata voluit. Tu* quoque ignoscas, rogo,
 Fraterculo; namque puer est, nondum sapit,
 Discetque te cum tempore colere altius
 Atque revereri. *Pig.* hoc spero, doceatur aliter
 Mecum loqui: si tamen ad alloquium meum
 Admiserit sutorculum. Veniet dies,
 Cum doctor ego sublimis in sella sedens
 Docto superbus pileo stantem procul
 Ad janua, vel in angulo extremo mei
 Conclavis, atque supplicem cernam mihi
 Tum capite nudo, voce submissa inquires:
 Commendo me, commendo, demississime
 Commendo me Excellentiae vestrae. *Prud.* dies
 Hæc quando veniet? credo iudicii ultima
 Hæc est futura. *Pic.* finito garrere puerum.
 Nunc indue novum pallium, & vide, an satis
 Aptum sit humeris. *Pig.* Pallium ad scho-
 las redux

Cras induam - nunc gladius exornet latus,
 Dum versor inter rusticos. Novum tamen
 Impono capiti pileum, veterem tibi
 Relinquo** quamvis meritis es de me parum

Pic. O crude puer! an gratias nullas agis
 Pro munere isto? *Prud.* frater est me crudior,
 Pro Pallio tam splendido, atque pileo
 Adeo elegante gratias nullas tibi
 Dum reddidit. *Pic.* non gratias ullas mihi
 Debet

* Ad Pigrillum.

** Tradit Prudentulo.

Debet Pigrillus. Omnia hæc auro suo
Solvit Dominus Affinis. Huic soli refer
Pigrille grates. Prodigam illius manum,
Si veniat, osculare. *Pig.* Prodigam manum
Satis mereri debuit, credite, mea

Industria indefessa. *Pic.* ter vera asseris.
Meritis tuis debentur his plura. at modo
Contentus istis perge, quo hæctenus pede
Coepisti, ut habeas proxime & togam novam.

Pig. Pergam, Pater (sic voveo) quo coepi pede.
Sed mensa, fac, sternatur, est stomachus meus
Jam debilis labore protracto nimis.

Prud. Protracto ad usque meridiem somno?

Pig. Putas

Me tamdiu dormiisse? *Prud.* saltem tamdiu
Sternisse. *Pig.* multum falleris. Dum somnio,
Laboro. Nocte ruminor, quæ de die
Vellecta sunt, vel scripta. Studiosus bonus,
Qualis ego sum, in lecto studet plus, quam
in schola.

Pic. Miror quidem, sed neutiquam laudo
nimiam

Hanc, nate, diligentiam; nam destruit
Intensio continua vires corporis,
Et ingenî, atque exhaurit omnes spiritus.

Prud. Delirii periculi fratri imminet,
Si sic studere pergat in lecto diu.

Pic. Ergò modereris studia. Sufficit dies,
Noctem quieti tribuere, & somno decet.

Pig. sequar parentis monita. Sed mensam modò
Jube instrui: nam debeo ante vesperam
Redire in urbem, ut crastinæ intersim scholæ.

Pic. Tantum breves fer, Nate charissime, moras,
Donec

Donec hodie solenniter frater tuus
Sutorium receptus est inter gregem,
Tum prandium parabitur lautum, cui
Tecum assidebit tota Sutorum Tribus.

Pig. Dedignor assidere sordido gregi.

Prandebo solus & cito. Culinam peto *

Pic. Fac, quod placebit, Nate. Tu verò in-
terim

Cubiculum hoc purgabis, ut, ubi venerint,
Cuncta videant mundata Collegæ mei,

Tui Magistri. *Prud.* rapiat, opto, styx nigra

Tales magistros, tyro Sutorum haud ero.

Pars Secunda.

Scena Prima.

Picafius, Prudentulus.

Pic. Prudentule! heus! Prudentule! an non-
dum tui

Adfunt Magistri? *Prud.* utinam procul &
Indos super

Atque Garamantas. *Pic.* Et ubi Pigrillus?

Prud. ubi erit?

Superflua est hæc Quæstio. Vorax puer

Sedet in culina, & devorat, quidquid Parens

In prandium paraverat mihi, & tibi,

Totique domui. *Pic.* proficiat opto, meruit

His plura juvenis diligens, & tam probus.

Hunc ut imiteris, cupio. Quantum proficit

In litteris Pigrillus, & tu profice

Su-

* Abit Pigrillus.

Sutorum in arte. Et tibi quidem facilis labor
Incumbet: etenim tu laborabis manu
Tantum sine ingenio, interim frater tuus
Graviter capite laborat. *Prud.* etiam ego,
Pater,

Malo capite laborare, quàm tantum manu.
Ad litterarum studia me - *Pic.* file! file!
At quis huc? an non filius nostri fabri
Fratrisque condiscipulus? *Prud.* est ipsissimus.

Scena Secunda.

Picasius, Prudentulus, Fabrillus.

Fab. Salve Picas. *Pic.* quid Fabrillus me petit?

Fab. Has ocreas opto refici per te & cito;
Namque mihi redeundum est in urbem, &
ad scholas

Adesse mane crastino - *Pic.* Et natus meus
Sub Vesperam redire in urbem vult, negat
Abesse se diutius posse à scholis.

Fab. Scio. Facultas emanendi non fuit
Concessa, nisi per biduum, & hoc ægre
quidem.

Væ, nisi rediret crastina ad scholas die.

Væ! væ! *Pic.* Pigrillum, credo, non poenæ
timor

Sed propriâ diligentia, & Musarum amor
Exstimulat. *Fab.* equidem miror insolitam
hactenus

Hanc diligentiam Pigrilli. *Pic.* absque dubio
Insolita diligentia hæc uni meo

Innata dudum filio. *Fab.* narras nova.

Ludimagister loquitur aliter de tuo

Hoc

Hoc filio - *Pic.* quid ergo? nunquid diligit
Præ cæteris, & æstimat miris modis,
Et penemactat laudibus? *Fab.* miris modis.

Pic. Pietate, studio, industria, & morum
omnium

Urbanitate non habet parem sibi

Meus Pigrillus. *Fab.* non habet parem sibi.

Pic. Constanter in schola occupat locum suum.

Fab. Omnino sic est, nam, nisi sedeat humi,
Constans solet sedere fornacem prope.

Prud. Quid hoc, Pater, sedere fornacem prope?
Hoc quale signum est? *Pic.* eminent & in-
ter suos.

Fab. Quia eminenter ultimus. *Pic.* in amo-
ribus

Ludimagistro est unicè. Ante terminum
Anni scholaris meritis esset scandere

Ad altiore classen. *Fab.* ad altiore?

Pic. Ita.

Nempe ad supremam grammaticam. At
adeo probum

Charumque sibi discipulum, & unicum decus
Scholæ suæ non passus est sibi eripi

Ludimagister. *Fab.* miror hæc. Annotamen

Priore vix ægerrimè, atque ex gratia

Et ad potentes, nescio cujus, preces

Ad tertiam Pigrillus admissus scholam est.

Ludimagistro plurimum invito. At satis.

Hæc dicta fors ingrata sunt. Modo ocreas

Has refice. Huc redibo post horam. Vale.

Scena Tertia.

Picasius, Prudentulus.

Prud. Andistin hæc? Pigrillus in schola sua
Est eminenter ultimus, & ex gratia
Ad altiora admissus. *Pic.* haud capis satis
Contraria nimis dicta - *Prud.* Quæ contraria?

Pic. Paterfamilias, cujus in domo cubat
Pigrillus, ad me litteras heri dedit,
Queis ille ad astra filium extollit meum.

Prud. Quis hic Pater familiæ? *Pic.* in urbe
civis est,

Et eruditus tutor. *Prud.* & quis litteras
Has attulit? *Pic.* Quis attulit? frater tuus
Pigrillus, ipse Bajulus laudis suæ.
Has ipsemet, nam legere jam nosti, lege,

Prud. * *Laudare cogor filium tuum. Ipsemet
Hoc petiit à me. Diligentiam ipsius
Ex his abunde colligo, multos libros.
Jam devoravit, namque vix duo amplius
Illi supersunt, qui remansere, laceri
Omnes, & (usu nempe continuo) admodum
Detriti, ut ipse sæpius vidi. Novos
Ut possit emere, petit à me identidem
Pecunias. Jam porro scribendo calamus
Ne forte desit, anseres, quotquot potest,
Intercipit. Pic.* de industria en adhuc
Dubitare poteris? anne plus puero putas
Credamus uni, quàm viro, & civi, & probo
Patri familias? *Prud.* Sæpius tamen audii,
Cives in urbe proxima cupidos lucri,

Quod

* Legit.

Quod à suis sperare convictoribus
Possunt, favere sæpè studiosis nimis.
Ego, si Pigrilli dominus & Pater forem,
Ludimagistum accederem, & de moribus
Industriaque filii ex hoc quærerem.

Pic. In urbe nuper dum fui, jam statueram
Ludimagistrum accedere, & de filio
Inquirere. At dissuasit hoc idem mihi
Paterfamilias, asserens, urbe in sua
Non esse moris, ut Parentes multum apud
Ludimagistros, semper austeros viros
De filiorum moribus quærant. *Prud.* mihi
Suspectus esset talis, ut vera fatear,
Paterfamilias. *Pic.* scrupulum & mihi moves.
Incipio suspicari. At ipse redit
Pigrillus - -

Scena Quarta.

Picasus, Prudentulus, Pigrillus.

Pig. - - Offa sumpta sedavit famem;
Sed impotens jam viscera exurit sitis.
Fac, afferatur, quæso, cerevisia nigra.

Prud. Cur nigra, cur non alba? *Pig.* quia
nigra scilicet.

Est aptior pro capite studiosi. Parit
Subtiliores Spiritus, & ingenî
Excitat acumen. Id quod experientia
Me propria dudum docuit. *Pic.* experientiam
Nolim, frequenter admodum, fili, probes,
Hodie tamen concedo. Cauponam pete,
Prudentule! atque huc affer haustum.

Pig. sed citò:

Exer. Theat. Tomul. II. B Laf.

Lassum studendo sustinent ægrè pedes.

Prud. Ergo sedere placeat * *Pig.* hac in sordida,
Picemque olente sede futorum ? -

Scena Quinta.

Picasius. Pigrillus.

Pic. - - - in schola

Ubi soles sedere ? *Pig.* litterario

In scamno. *Pic.* & à fornace non procul ?

Pig. quia

Tempore Hyemis percomodus mihi hic locus,

Pic. Sed destinatus ultimis. Nunquid ?

Pig. Quis hoc ? tamen ludimagister ipsemet

Suam cathedram nuper admovit prope

Fornacem. Hic utique non potest dici ultimus.

Pic. Sed aliud insuper audio : quod ex gratia

Tantum, ad potentes, Nescio cujus, preces

Ad altiorem denique admissus scholam

Fuerit Pigrillus. *Pig.* ista quis de me impudens

Mendaxque ? num fabrillus ista ? *Pic.* forsitan

Is ipse. *Pig.* credesne puero huic, plus, quam mihi ?

Plus, quàm meo Patrifamilias ? litteras

Testes meæ virtutis, & scientiæ,

Quas attuli longissimas, nondum Pater

Perlegit ? *Pic.* utique legi, & inter lachrymas,

Quas uberes solatium expressit, quater

Legi

* Offert fellam futoriam.

Legi & relegi ; sed hodie jam . Pig.
quid hodie ?

Scena Sexta.

Picasius, Pigrillus, Stupacius.

Stup. Heus Sutor ! an laboribus modò vacas ?

Pic. Quis iste Dominus ? aut quid à servo
exigit ?

Novosne poscit calceos ? statim . **Stup.**
novos

Novique moris calceos Lutetia
Exspecto per cursorios equos mihi
Cras afferendos. Interim hos veteres breve
Ad tempus à te refici velim. **Pic.** statim.
Placeat sedere, & calceos deponere.

Stup. * Adesto puer, & calceos mihi exime.

Pig. Non sum puer. **Stup.** quid ergo ? **Pig.**
Studiofus. **Stup.** dabis

Ergo, veniam. Æstimare Studiosos scio ;
Namque Studiosus ipsemet nuper tui,
Et essem adhucdum, nisi tribus abhinc
mensibus

(Cum honore tamen) emissus è scholis forem.

Pic. Et quid Scholis emissus agitabis modo ?

Stup. Scribendo jam applicatus in praxi omnia
Addiscere potero, & facilius, quàm in schola.

Pic. Bona fors amavit oppidum nostrum, cui
Adeò eruditum in litteris scribam dedit
Et quomodo Dominatio vocatur sua ?

Stup. Olim Stupax, modo vocor Stupacius.

B 2

Pic.

* Sedens ad Pigrillum.

Pic. Stupax? puto audivisse me jam sæpius
Hoc nomen, aut affine quid hunc nomini.

Stup. Esse poterit. Stirps nostra jam latissime
Diffusa, ubique nota clarescit. **Pig.** nisi
Me fallit oculus, etiam in hospitio puto
Aliquoties vidisse me Dominum. **Stup.** potest
Hoc esse. Sed quam jam attigit classem? cui
Scientiæ se Dominus impendit? **Pig.** Deo
Favente, classem tertiam, ut spero, brevi
Superabo. **Pic.** Saltem ex gratia ad multas
preces

Stup. Difficilis est hæc classis; at valde utilis.
Hinc ego biennium integrum huic uni dedi.

Pic. Etiamne Dominus scriba classem tertiam
Conscendit? **Stup.** Imo jam supremam,
quam vocant,

Quartamque pedibus Ingenii percurrere
Occiperam, cum subita tempestas stitit,
Rupitque cursum. **Pic.** Subita tempestas?
Stup. Jovem

Dira minantem flumina ut fugerem, scholas
Deserere tandem malui. **Pic.** Num Jupiter
Fulmina minatur in scholis frequentius,
Quàm ruris & alibi? Nate! sollicitus cave.

Pig. Aduſtus ego jam sæpius non amplius
Multum timere soleo cæruleum Jovem.

Pic. Non capio vestra dicta, cæruleum Jovem?

Stup. Nos litterati mutuo intelligimus
Capimusque, quod non percipit Sutor rudis,

Pig. Omnino. **Stup.** Sed quod nomen est
Domino? **Pig.** vocor

Pigrillius. **Stup.** Ex prosapia Matris meæ
Etiam Pigrillos numero cognatos mihi.

An dominus à majoribus suis habet
Hoc nomen? *Pic.* à sartore Patrino suo,
Hic forsan è prosapia est matris suæ
Dominationis - *Stup.* Poterit hoc esse. *Pic.*

Et quia

Hic sartor est ex latere cognatus mihi,
Ego atque Dominus scriba cognati sumus.
Salve ergo Domine Agnate, plurimum mihi
Meisque talem affinitatem gratulor,
Et obsecro, meum filium, agnatum tuum
Tentare placeat, & scientiam illius
Tantum obiter explorare. *Pig.* Protestor,
Pater!

Examinari me ante Litteraril

Anni exitum non patior. *Pic.* ast ego volo,
Jubeoque respondere te, quasi tuus

Ludimagister esset hic Dominus. Modo

Examina, oro - calceos gratias tibi

Resarciam. *Stup.* proposita conditio placet.

Facitisne jam *Participia*, ut scholæ vocant,

In Ans, & Ens? *Pig.* Sæpissime, ac *in rus*
quoque.

Stup. Si dico, verbi gratia: *Si essem in schola,*

Fors verberarer. Quomodo hæc dicta efferes

Per participia? *Pig.* verto sic: *Ens in schola*

Ens in schola - fors verberaturus forem.

Pic. Dixitne bene? *Stup.* benissimè. At difficilior

Jam de *Reciprocis* afferro exemplum, mihi

In ultimo olim examine impostum. Bene

Adhuc recordor - nempe sic illud sonat,

Si pauca tantum muto mutanda. *Pic.* cupidus

Examini huic attendo. Si, Fili, bene

Respondeas, mox omne, quod mentem premit,

Depono dubium. *Stup.* Nempe ita Exemplum sonat:

Stupacius ist ein Arcadisches Pferd, und v. g. Der Herr *Pigrillus* ist ihm ganz gleich.

Capitne bene? *Pig.* quid significat ein Pferd. *Stup.* *Pecus.*

Pecudis. *Pig.* *Stupacius* est. *Stup.* Quid? *Pig.* Arcadicus pecus.

Stup. Und der Herr *Pigrillus* ist ihm ganz gleich

Dominus Pigrillus - *Pig.* Est sui similis. *Stup.* notet,

Verbisque cunctis Dominus attendat bene Ganz gleich *superlativus* est. Ganz gleich. *Pig.* scio,

Corrigo: *Pigrillus* est sui similissimus.

Stup. Sic optimè. Nam sic & ego in Examine Respondi, & à præsentibus plausum tulit Responsio mea. At gloriari non decet.

Pic. Respondit ergo filius meus, prout Debebat? *Stup.* Exactissimè, & modo meo. Omnino doctus per parum cedit mihi, Multumque superat tertiæ scholæ gradum.

Pig. Audis Pater? *Pic.* solatio summo audio Hæc omnia. Ubi Prudentulus? nondum redux

Cerevisiam attulit petitam? nam indiges Post rigidum ita examen recenti poculo.

Pig. Appropinquantem video. -

Scena

Scena Septima.

Picasius, Pigrillus, Stupax, Prudentulus.

Pic. * - - - - - Quid fricas caput?

Pig. Ubi Potus? ubi Cerevisia? *Prud.* extra januam.

Pic. Ergo afferas intro huc, cito. *Prud.* ignoscas Pater;

Nam non mea - sed - Asini culpa accidit.

Pic. Quid accidit? *Prud.* cum nempe caupona redux

Potum ferebam, ad ostium nostræ domus

Stans Asinus impedivit ingressum. Hunc ego,

Ut cederet, aditumque panderet mihi,

Dum fuste cœpi pungere, & tundere latus,

Iratus asinus urceo impegit pedem,

Et vase fracto tota defluxit in humum

Cerevisia. *Stup.* Quis hic crudus asinus?

Prud. ut puto

Molitoris est. *Pig.* o semper infaustum pecus!

Ut styx asellos! *Pic.* Nate, ne jures, cave

Afferenda est mox alia cerevisia, redi

Prudentule ad cauponis ædes & novum

Exposce potum; at ligneo in vase hunc refer,

Ne denuò illud asinus iratus queat

Diffringere, & si quis iterum occurrat tibi

Asinus, cave irritare tam crudum pecus.

Prud. Quomodo satis cavebo? nam sunt tot asini

B 4

Nos

* Ad reducem Prudentulum.

Nos inter, ut - *Pic.* propera citò. *Stup.*
exspecta parum.

Pro me simul, fac, afferas cerevisiam.

Prud. Cerevisiam pro Semistrenuo viro?

Stup. Pro more sueto non nisi vinum bibo
Burgundicum; est hodie tamen, cum litteras
Debebo plures scribere illustrem ad virum,
Et Principem, cerevisia ast longè aptior
Sublimibus conceptibus. *Prud.* Quantum
jubes

Ut afferatur? nempe mensura integra?

Stup. Dimidia pro me sufficit; nam sobriam
Oportet esse publicum scribam, suo
Ut muneri faciat satis. *Pic.* potus utique
Largior obest conceptibus sublimibus,
Exterior ipse hoc sæpius, si sum ebrius
Non consuo aptos calceos. *Stup.* Quanti
solet

Mensura media stare? *Prud.* binis crucigeris.

Stup. Æris minuti copiam haud mecum fero,
Tantum aureos crumena concludit mea.
Cede Domine cognate crucigeros duos,
Mihi mutuos, fideliter reddam omnia,
Ubi resectos calceos solvam simul.

Pic. Quin mutuos do quattuor; nam quattuor
Tandem crucigeros talis agnatus valet. *

Pig. Sed nonne Domine scriba tibi nimis gravis
Iste locus, & sutrina tam foetens pice?
Ego ferre non diutius possum. Pater
Clavem ad cubiculum superius. *Pic.* Quod
petis,

Con-

* Dat Prudentulo pecunias, qui abit

Concedo promptē. * ascendite. *Stup.* absque calceis ?

Pic. Cape interim hæc sandalia conjugis meæ. *

Stup. Præcedere velit Dominus. *Pig.* honor hic hospiti

Debetur. *Stup.* In honorante potior est honor.

Scena Octava.

Picasius solus.

O me beatum filio tali Patrem !

Non capio me præ gaudio ; & quantum quoque

Solatum perfundet affinem meum,

Quando veniens huc audiet, quòd tam bene Sit collocata liberalitas sua

Talem in Nepotem, utinam jam adesset ?
at quis huc ?

Scena Nona.

Picasius, Mopsus.

Mops. Per me salutem plurimam mittit tibi.

Pic. Quis ? *Mop.* nempe Dominus Parochus affinis tuus.

Pic. Non veniet ipse ? *Mop.* non puto. *Pic.* cur non ? *Mop.* quia

Me misit. *Pic.* Humanissime tamen in diem Hanc fuerat invitatus, & avidissime

B 5

A fa-

* Dat clavem.

** Stupax induit Sandalia muliebria oblata.

A familia expectatus. *Mop.* Hoc credo;
at tamen

Non credo, quod venturus est. *Pic.* cur
non? *Mop.* quia

Me misit his cum litteris. Reddas citò
Responsa; nam redire debeo domum.

Pic. Prius legendas cede, & interim subi
Huc intus. *Mop.* Expectare non possum, cito
Responsa reddas. *Pic.* Ocyus. Sume
interim

Panis aliquid potumque. *Mop.* Quis dabit
hæc? *Pic.* Ego.

Mop. Hoc si sit, expectare jam possum.
Pic. veni

Mecum ergo. *Mops.* promptus venio. *Pic.*
* sunt auro graves

Hæ litteræ. *Pigrille* plaude, præmium
Industria tuæ speres ex merito novum.

Pars Tertia.

Sena Prima.

Picasius *Mopsus.*

Pic. Subsiste *Mopse* hic, & oculis tuis vide
Spectaculum, quod poteris affini meo
Parocho tuo narrare responsi loco.

Mop. Quale hoc erit spectaculum? *Pic.* dabo
Horrendam Tragœdiam, mirabere, exem-
plum dabo

Tristissimum, dignumque verno tempore
Popu-

* Acceptis à *Mopso* litteris.

Populo referri publica ex cathedra. *Mop.*
novi

Moliris aliquid. *Pic.* Terreat pueros novum
Spectaculum hoc, ne porro vesani audeant
Suos Parentes ludere, & decipere. -

Scena Secunda.

*Picasius. Mopsus, Prudentulus cum
urceo.*

Prud. - - - *Ubi*

Pigrillus & scriba? affero, quam petierant
Cerevisiam. *Pic.* refer, refer, nec gut-
tulam

Gustabit inde geminus hic stupor. *Mop.*
Stupor!

Tu me stuporem? *Pic.* Falleris. De aliolo-
quor

Stupore gemino. *Prud.* forte de me, &
te Pater?

Pic. Dixi, refer cerevisiam, cito refer.

Prud. Sed caupo non recipiet & pecunias

Non reddet. *Pic.* Ergo defer ad matrem
& mone,

Ut prandio reservet. *Prud.* in Matris manus

Si vasculum deveniat, haud multum Pater

Tibi manebit. *Pic.* ergo depone hic prope.

Mop. Si prandium expectetis, hæc potio nimis
Tepescet, ex sententia mea statim

Est haurienda. *Pic.* adverto: te sitis premit.

Sed potio hæc pro rustico est fortis nimis.

Mop. An rusticus suture non sit fortior?

Non

Non timeo totum vasculum hoc. Sinas
statim

Congrediar illi. *Pic.* Siste! non patior meis
In ædibus duella. Ne videar tamen
Avarus esse, patiar infundi tibi.

Prudentule, age. duc intus hunc bonum
virum,

Illudque vitrum, quo utitur mater tua,
Dum vinum adustum mane jam summo
bibit,

Cerevisia imple, & porrige, at tantum
semel.

Generosa nimium est nostra cerevisia. Viam
In oppidum guettwillig, & reditum domum
Non amplius reperiret hic vir optimus.

Mop. Non est periculum. Sæpius redii domum
Plenè ebrius, nec tamen aberravi à via.

Prud. Veni ergo. *Mop.* Nunquid filio potum
quoque

Concedis? *Prud.* Ego non sitio, nec potus
sapit,

Nisi litteratus fuero. Pater! ah Pater!

Pic. eris

Prud. Studiosus? *Pic.* id quod esse te volet
Pater.

Intrate nunc, ne forte poeniteat meæ

Me liberalitatis, aut cerevisia

Te pescat. *Mop.* hoc periculum præveniam ego.

Scena Tertia.

Picafius solus.

Mirabilis mox scena se pandet. Novum
Specta-

Spectaculum & tragœdiam horrendam dabo,
Ad cujus aspectum oppidum totum tremet.*

Quis hoc putâisset? - ô! ut ego puerum!

- at decet

Tantisper iram premere, bilemque nimiam,
Et sanitati noxiam compescere.

Scena Quarta.

Picasius, Pigrillus.

Pig. Quousque Dominus scriba & ego de-
bebimus

Ore arido expectare? *Pic.* Quid? *Pig.* ce-
revisiâ.

Pic. Prudentulus jam rediit, ast iterum novus
Casus asininus accidit. *Pig.* An adhuc foris
Asellus adstat? *Pic.* non foris, sed in domo
Hic est asellus. At brevem patientiam.

Fili, brevem patientiam. *Pig.* patientiam!

Pic. Mox veniet huc collecta Sutorum tribus,
Mox, mox. *Pig.* Quid ad me hæc olida
Sutorum tribus?

Fac potius, ut citò prandeam, & solus qui-
dem,

Mecumque Dominus scriba; nam sutoribus
Dedignor assidere. *Pic.* Scriba si volet,

Tibi assidere poterit, est dignus pari

Uterque mensa. *Pig.* Fac igitur, ut sit brevi

Instrata, nam redire in urbem debeo,

Et ante noctem adesse, ne clausæ fores

Urbisque portæ mihi aditum negent. *Pic.*
fatis

Matu-

* Litteras tacitè relegit.

Maturus aderis. Nam de equo celerrimo
Tibi providebo. *Pig.* sic quidem places
Pater.

Sed non sit equus hic rabidus & ferox.
Pic. metum

Hunc pone - mansuetissimus & aptissimus
Erit tibi, nec indiget calcaribus,
Et ne quidem scutica. *Pig.* Placet hic
equus mihi,

Scena Quinta.

Picasius, Pigrillus, Fabrillus.

Fab. An jam refectæ, ut jusseram, ocreæ meæ?

Pic. Hic paululum Fabrille ut expectes, rogo.
Solennitatis publicæ testem velim

Te adesse. *Fab.* quæ solennitas domi tuæ?

Pic. Quam cum stupore, credo, spectabis. Voco,
Quos pariter huic adesse spectaculo decet.

Hac actione terminata denique,

Si sic placet, cum filio meo potes

Redire in urbem, vel comes, vel Dux viæ.

Scena Sexta.

Pigrillus, Fabrillus.

Pig. Te comite non indigeo, nec posses sequi
Equidem pedes. *Fab.* Equitabis ergo? sed
quo equo?

Illône, quem vocare vulgo suevimus des
Schusters Rappen.

Pig. Sed sarcinulam equo patiar imponi meo,
Sic

Sic levior incedere poteris , etſi parum
Hanc gratiam promeritus es. Nam quid
Patri

De me? niſi Patrifamilias litteras
Teſtes meæ virtutis habuiſſem, malè
Me denigrâſſes proditor famæ meæ.

Fab. Non denigravi - candide dixi omnia,
Quæcunque de te publice , & ſæpe in ſchola
Ludimagiſter dixit. *Pig.* at, ſi vellem ego
Me vindicare, nunquid & Patri tuo
Referre poſſem talia, ut adhuc hac die
A litteris retractum ad incudem faber
Damnaret? at quia Chriſtianus , & bonus,
Probusque ſum, condono jam illatam mihi
Injuriam; ſed ſpero, proxima vice
De me loquêris cautius coram Patre.

Fab. Gaudebo, ſi boni aliquid, & veri ſimul
Narrare de te poterò. Dicis interim,
Qualis hodie ſolennitas veſtra in domo
Celebranda? quiſve hic actus, ad quem
me cupit

Tuus Parens adeſſe? *Pig.* ſimpliciſſimus
Parens meus ſolennitatem nominat,
Quod nec videre poterit absque naufea
Studioſus aliquis. *Fab.* quid igitur? *Pig.*
fraterculum

Meum Parens Tyronibus Sutoria

In fœce ritu publico inſcriptum cupit.
Et jam propinquat ſordida hæc tribus. *Picem.*
In naribus jam ſentio. -

Scena Septima.

Accedit Grobianus.

Grob. Salve! manum
Mihi negabis? *Pig.* jure. Qui tangit picem,
Manum inquinatam retrahet. Hinc absis
procul.

Grob. Optasne fieri sutor, & picem times?
Pig. Sutor ego fieri? *Grob.* sic tuus dixit
Parens

Et ipse invitavit huc totam tribum
Sutoriam. *Pig.* de fratre dixit hoc Parens,
Hic sutor olidus fiet infelix puer.

Grob. Quid ergo tu? num Sartor, & foetens
caper?

Pig. Grobiane! *Grob.* nomen unde jam no-
tum tibi?

Ita, Grobianus vocor. *Pig.* Et es. *Grob.*
nec me pudet

Nominis aviti, num tui te fors pudet?

Aut tu quis? *Fab.* an non esse studiosum
hunc vides?

Grob. Unde videam? deinde studiosi quoque
Possunt adhuc fieri, favente Numine,
Factique sunt jam sæpe Sartores. Tibi
Fortuna fors favebit, ut Sutor - *Pig.* file
Crudissime! greges pascere, aut porcos
velim

Lubentius, quam sordidum hoc opificium
Sutoris exercere. *Grob.* talia parcius!

Et nos sumus homines honesti, tam bene,
Quàm vos studentes. *Pig.* literato num
audeat

Se Comparare Cerdo? *Grob.* non tantum audeo

Me comparare, sed tibi me plurimum

Præferre. Panem namque lucrari manu

Hac potero, quod tu capite toto non potes.

Pig. de litteratis hominibus, qualis ego sum,

Discas loqui modestius, vel gladius hic

Mores docebit. *Grob.* dilce de tutoribus

Tu quoque loqui modestius. Vel senties

Quid crepida - *Pig.* Domine scribe! Do-

mine scribe! -

Scena Octava.

Accedit scriba.

Scriba.

Quid

Rerum agitur? an lis fortè de cerevisia?

Ubi illa? *Fab.* non lis ulla de cerevisia,

Est causa gravior, & gravior injuria

Illata nobis. Oldus iste, & impudens

Cerdo Studioforum omnium in me sauciat

Authoritatem. *Scrib.* Cedere studentes cave,

Et me scias fuisse studiosum. *Grob.* scio

Quod fueris, & cur fueris ejectus schola,

Scrib. Ejectus ego? *Fab.* dimissus est tantum.

Scrib. & quidem

Cum multo honore, litterisque testibus

Industriæ haud mediocris. Hæc tutor scias,

Pig. Et cogites, quod Dominus hic forsan brevi

Judex futurus oppidi possit acriter

Se vindicare, & me pariter. *Grob.* ergo veniam

Deposco. *Scrib.* veniam dabimus. Ast im-

posterum.

Exer. Theat. Tomul. II. C

Tum

Tum propter alia, tum meam in Reverentiam
 Discas revereri, pallium quisquis gerit.
Grob. Si gestet asinus pallium impostum sibi,
 Asinum verebor in tuam reverentiam.
Pig. Recedimus. Non tolero. . .

Scena Nona.

*Personis prioribus accedunt Picasius,
 Coriastrus, Caprasius.*

Pic. . . . placeat interim
 Intrare & expectare tantum paululum;
 Dum huc advoco Prudentulum. * Tu quo?
 mane hic,

Pig. Nequeo, Pater, perferre foetorem unius
 Sutoris hujus ** quomodo plures feram?

Pic. Subsiste! *Pig.* nequeo. *Pic.* faciam ego,
 ut possis † Puer!

Docebo te Patri obsequi. †† *Pig.* Puer, Puer!
 Minor ergo Syntaxista sit puer? *Stup.* grave
 Hoc est, fatebor, in corona tot hominum.

Coriastr. Taxista sis major, minorve, te Pater
 Puerum potest vocare: nam nondum vir es.

Pig. Sed nec Puer. *Grob.* quin insolens valde
 puer.

Non creditis, quæ scommata in nostram
 tribum

Effuderit. Quin dicere est ausus palam:
 Se malle porcos pascere. (ô infamiam!)

Quàm sordidum Sutoris opificium sequi.

Cor. Os impudens! hæc crepida mea dentes tibi
 Elidet omnes. *Cap.* forfice hac linguam tibi

Aures-

* Ad Pigrillum abiturum. ** Grobianum delignat.

† Minatur baculo. †† Abit Picasius.

Auresque puer abscindo. *Stup.* cessate, moneo

Aut mox jubebo ad carceres vos abstrahi.

Grob. Quid? scribanos ad carceres? *Cor.* solvas prius,

Quod jam diu pro calceis debes mihi.

Cap. Atque mihi pro caligis reffectis jam quater,
Aut quinquies.

Scena Decima.

Persona omnes. Prudentulus indutus pallio.

Pic. * - sequere, mox plura audies.

Pig. Quid hoc? an iterum pallium meum tuis
Imponere humeris sordidissimis? *Prud.* Parens
Sic jussit. *Pig.* exue ocyus, vel te puer -

Pic. ** Tu Puer, & iterum Puer. In hoc modo
angulo

Subsiste. Nec te commove, & sile, nisi - †

Vos interim Sedete collegæ mei.

Tu litteras Prudentule has palam lege.

Prud. †† *Bonifacius Picasio.* *Cor.* Bonifacius
Quis est? *Mop.* Parochus in oppido nostro,
ut vocant,

Guetwillig. *Pic.* atque Dominus affinis meus,
Et maximus Patronus. At perge legere.

Prud. Charissime affinis. Fui besterna die

In urbe. Post confecta ih negotia

Ludi magistrum filii tui quoque

Accessi & ex hoc audii, quæ me pudet

Scripsisse. Certe pœnitet me vel obolum

Tam lurido impendisse lurconi. Novum,

C 2

Quod

* Ad Prudentulum. ** Ad Pigrillum.

† Minatur. †† Legit.

*Quod destinavam pallium cum pileo,
Si jam Pigrillo traditum est, rursum eripe;
Nam tale tegumen neutiquam quadrat asino.*

Stup. Acrem stylam habet hic Dominus affinis tuus,

Fuitne quondam scriba? *Pig.* Non faveat mihi

Ludi magister, sat scio. Hinc ab hoc malè
De me edoceri Dominus agnatus petit,
Interroget Patrem familias, vel si huic
Non credit uni, poterit ancillam quoque
Interrogare. Denique audiisti Pater

Paulo ante ipse, quid Dominus hic publicè
Testatus est: quàm in litteris profecerim,
Multumque superem tertiæ scholæ gradum.

Stup. Testor etiamnum. *Pic.* testis es tu absque dubio

Exceptione major. *Prud.* ò Pater! Pater!

Hic quid lego! quàm læta! *Pic.* lege palam omnia.

Prud. Prudentulo, si litteris amat imbui,
Pecunias, vestesque, quas male hætenus
Asino Pigrillo impenderam, impendam lubens
Illumque in urbe sumptibus meis alam.
Ut spero, respondebit hic melius meis
Favoribus, quàm frater, & merus Stupor.
Pigrillus. Hunc monebis, ut domum meam
Subire caveat, ni canibus & fustibus
Inde exigi velit. Vale - affinis tuus

Bonifacius. *Stup.* Sententias satis graves
Epistola ista continet. *Mop.* Ego hanc attuli,
Sed nescius sententiis plenam. Gravem

Auro

Auro putabam. *Pig.* Bajulum hunc styx devoret,

Pic. Audite nunc etiam Patris gravissimam Sententiam. Fabrille, commendo tibi Prudentulum. Duc tecum in urbem, & crastina

Ludimagistro siste discipulum novum, Dum proximè ipsus Dominus affinis meus Veniens in urbem pluribus de re hac agat.

Prud. O gaudium! sine osculer manum, Pater.

Fab. Et quò Pigrillus? *Pic.* lecta tutorum tribus

Tibi trado puerum hunc, ut tuis solenniter Tyronibus digneris adscribere, rogo. *

Coriast. In gratiam parentis immeritum licet Adscribimus, & his testibus nostram in tribum

Admittimus. *Grob.* Jam noster es, porrige manum,

Promptamque obedientiam tyro novis Sponde magistris. *Pig.* sistite. Ah! Pater optime!

Suavissime! oro, obtestor, obsecro, spondeo.

Ero diligentior, atque probior. *Pic.* in schola

Sutoria sis diligens. *Grob.* aut vix tibi,

Pig. Ah! Domine scribe! *Stup.* condoleo, sed - *Pig.* optime

Fabrille, condiscipule mihi charissime

Pro me perora. *Fab.* si Parens meus hac die

A Litteris domum me ad incudem fabri

* Tradit Pigrillum.

Revocaret, etsi invitus, obsequerertamen.

Pig. Prudentule! ah fratercule! *Prud.* ad nutum Patris

Domum paternam deferens urbem peto.

Cur non eadem mente Sutrinam subis?

Grob. Nil disputandum. Noster es. Sutor fias,

Olim futurus grande Sutorum decus,

Mihique similis. *Pig.* ah! similis sui

Mallem esse, quàm - *Cap.* Sic impudens tyro suos

Spernat Magistros? *Cor.* Jam novos mores brevi

Sutrina te docebit. *Pig.* ah Pater! Pater!

Tantum hac vice - *Pic.* nihil audio. *Pig.* ah saltem date,

Ut scriba fiam. Honestius id est non nihil

Quàm sutor. *Pic.* Etiam scriba sis. Ecce! calamum.

Ecce & Papyrus! scribe. Sed modo pileum Hunc cede, qui Prudentuli exornet caput.**

Prud. Reddo vicissim pileum veterem tibi,

Vel si placet stramineus, En! capiti tuo

Hic fortè quadrat melius. *Pig.* insultas mihi

Et tu? *Coriaft.* caput sutoris ex more oppidi

Nostri vetusto tegmen ex corio decet.

Grob. Pro pallio pariter bovis corium tegat

Firmetque pectus. *Pic.* indue hic coram vides

Utrumque. † *Pig.* non possum pati has sordes Pater,

Ah!

* Offert ipsi subulam, & corium. ** Detrahit Pigrillo pileum novum. † Offert ei corium, quo pectus tegere solent sutores.

Ah! malo fieri miles. *Pic.* hic ecce gladium! *

Grob. hoc perforabis absque misericordia
Cruda vitulorum tergora, & Prussos boves.

Pic. Vis esse Pyrobolarius? globum hunc cape. **

Fab. Quin tangere cave. Namque quitangit picem,

Manum inquinatam retrahet. *Pic.* accipe, jubeo. ***

Cor. Insignia artis projicis? *Pic.* tolle ocyus,
Tolle, ajo, nonvis? *Grob.* Euge Collegæ! novus

Tyro doceatur. † *Pig.* sustuli jam. *Scrib.* rigidum satis

Tyrocinium hujus artis. *Pic.* in signum quoque

Reverentiæ, qua tyro debet prosequi
Sutoriam artem, jam osculum fige huic pici.

Pig. Mallem osculari centies humum in schola
Quam sordidum istud. - *Grob.* Euge Collegæ! ††

Pig. - - - osculor.

Jam, jam osculor. *Prud.* quàm me tui miseret! picis

Hic foetor utique litteratis naribus.

Non est ferendus. *Pig.* in meis tot miseriis

C 4

Ride-

* Offert ei iterum subulam.

** Offert ei globum piceum, quo uti. futores solent.

*** Pigrillus quidem globum accipit, sed mox iterum abjicit.

† Omnes futores sublati crepidis Pigrillo minantur, qui tandem globum humo tollit.

†† Iterum sublati crepidis minantur futores.

Ridetis? * *Pic.* En! & quem sponponderam
prius

Equum tibi. Conscende. Mansuetissimus
Est, crede. Non te excutiet & calcatribus
Non indiget. *Fab.* licetne sarcinulam meam
Tuo gaballo imponere? quia per pedes
Redibo in urbem. *Prud.* tu præibis nos eques

Pic. Equum citus conscende, conscende, impero.
Et inside. Hæres? *Grob.* Euge collegæ!
novum **

Pig. Jam sedeo, sedeo. *Pic.* nunc proba,
num mollior

Hæc sella fit scholastico scamno. *Fab.* tui
O si viderent ista condiscipuli. *Pig.* adhuc
Ludere mihi audebitis? *Fab.* quin gratulor
Novos sodales, *Cap.* gratulor & ego tibi
Novos Magistros, gratularer & mihi
Tyrone Tali. Visne discipulus meus
Sartorque fieri potius, ac sutor? Parens
Fors annuet. *Cor.* non cedimus. Jam noster est
Hic candidatus. *Fab.* visne me nomine tuo
Dicere tuis sodalibus vale ultimum?

Prud. Et me referre nomine tuo debitas
Ludi magistro gratias? *Pig.* ne, ne, obsecro,
Cuiquam in urbe pandite hanc sortem meam
Adeò pudendam. Fingite, atque dicite,
Quod miles, aut quod scriba sim factus;
Cor. Puer

Superbe nimium! tene nostræ artis pudet,
Pigetque? *Grob.* pudeat, aut pigeat, es, at-
que eris

Sutor

* Picasius admovet Pigrillo sedem Sutoriam.

** Iterum sublati crepidis minantur.


Sutor mihi simillimus. *Mop.* Ego ista referam
Domino meo Parocho. Probabit omnia.

Stup. Domine Pigrille, calceis meis manum
Potèris statim admove. Mercedis loco
Hæc acta tecum publicis actis manu
Propria fate eleganter inscribam. *Fab.* ocreas
Meas prius refarcias, ut ad scholam,
Urbemque dum rediero, possim ostendere
Sodalibus opus dexteræ primum tuæ.

Prud. Commendo me, commendo demississimè,
Commendo me excellentiæ vestræ. *Fig.*
ò Pudor!

Pic. Spectate pueri, & discite hoc spectaculo
Tristissimo: Pigricia quò tandem trahat.

Q. A. M. D. D. V.
H. E. G.





GYMNASISTA NOCTAMBULO.

Argumentum.

Nocturna Dominorum Academicorum deambulatio, & Symphonia Adolescentem Gymnasistam pariter in plateas invitabat, modis omnibus è domo exitum quærentem. Non prohibuit conscius occulte moderator, ita tamen cum amicis ordinavit omnia, ut hic pruritus prima nocte evanesceret.

Scena figitur nocte in urbe.

Personæ.

Florinus, Synt. major.

Rosmundulus, Florini frater.

Bertrandus, moderator.

Staphilus, Florini Famulus.

Antonius, Medicinæ studiosus, Florini cognatus.

Dorylas, Antoniæ famulus Academicus.

Studiosi Academici.

Symphoniaci.

Actus

Actus Primus.

Scena Prima.

Florinus, Rosimundulus, Staphylus.

F*Lor.* Abi modo Rosimundule, & lectum
pete,

Et suaviter dormito ad usque septimam

Ros. Et quando tu cubitum ibis? utique no-
na iam

Insonuit hora noctis. *Flor.* hanc noctem dabo

Non Morpheo, sed Palladi, doctas agam,

Et litteratas vigilias. *Ros.* præter tuum

Morem. Unde tantus, tam subitus in litteras

Exarsit ardor? *Flor.* nempe cerebrum sentio

Serenius, & ad vigilias aptum caput.

Non solita dispositio ne fors transeat,

Utamur illa. Cudo, dum ferrum calet.

Vade ergo, posce lectulum, somnum precor

Suavissimum. *Ros.* & ego vigilias doctas tibi.

Scena Secunda.

Florinus, Staphylus.

Staph. An serio ista loqueris? hanc noctem
vigil

Inter libros & litteras totam exiges?

Flor. Dixi, vigilias litteratas hodie agam.

Nostine quales litterati Academici

Soleant vigilias agere? quænam sint iis

Nocturna studia? nunquid audiisti prius,

Ut per plateas Musicos inter choros

Deambulet integra studentum cohors?

Hæ litteratæ vigiliæ & mihi placent.

Quid

Quid cogitari lætius possit? *Staph.* Tibi
 Farsen videri vigiliæ hæ lætæ queunt,
 Quando otiosus per diem totam sedens
 De nocte facile currere plateas potes;
 Ego servulus, qui curro per totam diem,
 De nocte malim Stertere in lecto. *Flor.* file!
 Attende! nunquid audis? *Staph.* à longe
 audio

Aliquid moveri. *Flor.* Isti Orphei non te
 movent?

Staph. Non sum lapis, nec truncus; hos enim
 Orpheus

Movisse fertur. *Flor.* At ego jam vixdum
 queo

Mesustinere. Per fenestras è domo
 In publicas defilio plateas. *Staph.* defili,
 Ego non sequar. *Flor.* si me reculabis sequi,
 Saltem cave, ne cuipiam prodas, domo
 Hac nocte me avolasse. Præsertim nihil
 Moderator ex te relciat. *Staph.* Dudum mea
 In te fides notissima est tibi. Sæpius
 Equidem solet moderator ex me plurima
 De te, tuisque moribus perquirere,
 Extollo semper laudibus miris tua
 Facta omnia, etsi sæpe conscientia
 Reclamet. At si quidpiam factum male,
 Tibi imputatur, pernego id factum, nisi
 Aliunde rem jam proditam, & notam scio.
 Quin imo, nec tunc desero causam tuam;
 Sed fingo, quidquid suggerit mihi cerebrum,
 Ut si quid à te perperam factum, elevem.

Flor. Parem igitur isthac nocte præstabis fidem?

Staph. Præstabo. Certus esto. Sed num serio
 Alta

Alta ex fenestra deſilire in publicam

Paras plateam? *Flor.* adeone me ſtupidum putas,

Ut crura vellem frangere, & collum, & caput?

Non per feneftras utique, ſed fores domus

Exibo. *Staph.* Sed jam arctiſſime occluſit fores

Moderator, has, ni ſpiritus ſis, neutiquam

Transire poteris. *Flor.* Clauſerit Cato fores,

Erit alius, qui pandet. *Staph.* & quis? obſecro.

Flor. Tibi cuncta facilis pando, quia fidum ſcio, Et indigebo forſitan opera tua.

Natalis hodie eſt, aut ſacer ſaltem dies

Hypocratis. *Staph.* & quis Dominus Hypocrates. *Flor.* colit

Illum facultas medica tanquam Principem.

Staph. Credo, quid inde? *Flor.* Principis feſtum diem

Quicumque noſtra in urbe Medicinæ ſtudent, Celebrare læti geſtiunt & Muſicos

Ducent per urbis compita & plateas choros.

Staph. Credo, quid inde? *Flor.* jungit his ſemet quoque

Antonius, quia & ipſe Medicinæ ſtudet.

Staph. Credo, quid inde? *Flor.* hoc inde; nempe iſte Dominus

Antonius me pariter ad lætiſſimum

Hac nocte conuenticulum ſecum trahet.

Staph. Quid cogitas? putasne Domini Academici

Te Gymnaſiſtam, & ut vocant, puerum ſuo

Patientur in conſortio? *Flor.* cur non? licet

Sim gymnaiiſta, ſum tamen prænobilis,

Plu-

Pluresque novi, eosque de nostra schola,
 Qui sapius cum Academicis nocte subeunt
 Hospitia. *Staph.* Sit. Putasne Moderator tibi
 Licentiam concedet? *Flor.* hac opus nihil,
 Nil resciat Moderator. Habet Antonius
 Utpote Academicus propriam clavem. Poteſt
 Exire, dum libuerit, è nostra domo.

Et cum hoc ego. *Staph.* Sed num Dominus
 Antonius

Conſenſit, atque hoc nocte te ſecum trahet?

Flor. Ægre quidem conſenſit, at tandem tamen.

Staph. Ego neſcio. Non fiderem huic Antonio.

Flor. Cur non? meus cognatus eſt, & plurimum
 Me diligit, nil ambigas. *Staph.* num autem
 ſtatim

Modò exeuntem ſequeris? accinctus etenim
 Ut ipſe vidi, ad exitum jam eſt. *Flor.* non
 ſimul

Exibo cum illo, circuit adhuc dum vigil

Moderator. Hic ſi ceſſerit ſomno, fores

Per Dorylam pendentur; huic etenim dabit
 Claves ſuas Antonius.

Scena Tertia.

Florinus, Staphylus, Roſimundulus.

Rof. *

Succurrite!

Succurrite citi. *Flor.* quid adeo clamat
 puer?

Staph. Videamus. Aſt en! ipſus huc. *Flor.*
 Quid accidit?

Rof.

* Intra ſcenam.

Ros. Adesne frater vivus, & salvus domi?

An nihil ab urfis læsus? omnino nihil?

Flor. Qualibus ab urfis? *Ros.* in platea publica

Te stare ab urfis obrutum vidi prius,

Hinc territus de lectulo exsilii. *Flor.* tuo

In capite sunt hi urfi, *Ros.* quid in capite meo

Sunt urfi? *Flor.* age, repete lectulum. Per somnium

Intraverunt, per somnium exhibunt quoque,

Quos tibi mihi que metuis, urfi. *Ros.* sed ita-

men

Si jam exeuntes denuo te invaderent,

Ac forsàn & me? *Flor.* nil metue, collo teneus

Involve te met lectulo, atque mortuum

Simulato te: nam mortuos numquam solent

Attingere urfi. *Ros.* repeto lectum, sed rogo,

Ut frater etiam dormias & mortuum

Simulare te studeas. Secus malum tibi

Erit timendum grande - -

Scena Quarta.

Flor. Somnia pueri

Ridicula nunquid? nempe me urfis obrutum.

Staph. Mihi non videntur ridicula, sæpe omina

Sunt somnia. Cave, ne impleantur. *Flor.* te quoque.

Superstitio an ille tenet? quid somnium

Nisi somnium? *Staph.* me docuit experientia

Quod somnium non omne tantum somnium

Sit; Namque nocte nupera gravissime

Me verberatum somniaveram; dies

Ostendit hoc verissimum. *Flor.* sed somnium

Fraterculi qui poterit impleri? aut ubi

la

In urbe tota est urfus? *Staph.* Ego certe
domi

Manere malle. Sæpius namque audii :
Amica nox est Nemini. *Flor.* At mihi hæc
erit

Amica nox, & læta, quin lætissima.

Scena Quinta.

Bertrandus, Florinus, Staphylus.

Bert. Adhuc ne vigilas more non sueto?

Flor. incidi

In hunc libellum, curiosas qui refert

Historias, hinc longior me lectio

Detinuit. *Bert.* & quis iste, da videam, liber?

* *Noctambulones.* Forsan & tu horum cupis

Augere númerum? *Flor.* hoc ablit, In le-

cto quies

Deambulatione nocturna mihi

Est gratior. *Bert.* vade igitur. Optata modo

Fruere quiete. *Flor.* promptus imperium
sequor.

Scena Sexta.

Bertrandus, Staphylus.

Bert. Tu Staphyle mecum. *Staph.* quod jubes.

Bert. scis, quam fidem

Mihi debeas. Florinus est herus tuus,

Ego Moderator & caput sum Heri tui.

Dependet à me fors tua. Nisi invenero

Ho-

* Legit titulum.

Hodie fidelem, vā tibi. Dic candidē,
Florinus eccur vigilat? an nihil tibi
Innotuit? *Staph.* utique. Candidē dicam
omnia.

Quando Phonnscos audiit paulo antea
Hic transeuntes, impetu tanto fuit
Abreptus, ut vix contineri potuerit,
Quin per fenestras desiliret musico
Semet choro juncturus. Ast demum mea
Inflexit animum suada, quæ pericula
De nocte plateas publicas oberrantibus
Minentur, ita depinxi, ut extra januam
Florinus egredi horreat. *Bert.* Et hoc serio?
Staph. Non ambigo. *Bert.* cubiculum meum
subi.

Nec ex eas exinde, donec iussero.

Scena Septima.

Bertrandus, Antonius, Dorylas.

Ant. Jam Domine Bertrande abeo conditum
in locum

Et ad sodales: namque abesse non licet
Honore salvo. Cæterum, ut dixi prius,
Si gestiat Florinus, ut gestit, sequi,
Et per plateas currere, efficiam brevi,
Ut improba hæc prurigo cesset, & satur
Florinus omnes noctis, atque extra domum
Excursionē damnet æternum. *Bert.* tibi
Debeo iteratas gratias, quod jam prius
Fideliter detexeris pueri improba
Consilia, quod porro spondeas manum.

Exer. Theat. Tomul. II. D Ope-

Operamque, qua correctus insanam exuat
 Puriginem Florinus & discat domi
 Manere noctu. Mollius tamen prius
 Tentare remedium juvat, quod si nihil
 Profecerit, tum denique statutum antea
 Adhibebimus. *Ant.* gaudebo, si levi modo
 Insania queat corrigi. Florinum enim,
 Ut ipse nosti, diligo, agnatum mihi.
Bert. Lætus igitur Sodalium cætum pete,
 Sed Dorylas tantisper hic maneat, jube.
 Per hunc monebo, quomodo paratus dolus
 Successerit, vel porro quid agendum tibi.
Ant. Hic ergo remane, Doryla, ad vota Domini
 Bertrandi. *Doryl.* Here! ignosce, famulus
 ego sum tuus,
 Ubi Dominus, ibi servus ut fiat, decet.
Ant. Imperia Domini servus impleat, decet.
 Hic te remanere jubeo, quamdiu volet
 Bertrandus. *Bert.* agedum Doryla, me-
 cum veni
 Non siccus in cubiculo hærebis meo,
 Nec detinebo te diu, venies satis
 Maturus ad Sodalium cætus pios.

Actus Secundus.

Scena Prima.

Bertrandus, Dorylas, Staphylus.

Bert. Sequamini, sed absque strepitu. In an-
 gulo

Hoc sta quietus, Staphyle, donec janua
 Egressus

Egressus est Florinus, atque extra fores
 Stet in platea : tunc age impositam tibi
 Fideliter personam. *Staph.* again dexterrime,
 Persona tantum est muta, qualem sapius
 Egi in theatris. *Bert.* Præmium fidei feres.
 Tu Doryla, notaveris pariter, tibi
 Quid fiat agendum. *Doryl.* repete modo
 tacitus tuum
 Cubiculum. Mox lumine extincto dabo
 Initium tragoediæ risibili.

Scena Secunda.

Florinus intra domum, Dorylas extra domum.

Doryl. Florine ! citò Florine ! nemo se movet.
 Clamare debeo altius. Cito Domine
 Florine. Nunc est tempus acceptabile.
 Antonius te expectat, & - *Flor.* Quæso,
 ne ita
 Clamato, ne moderator audiat. *Doryl.*
 nihil
 Ille audit, altum dormiens. *Flor.* clamor
 tuus
 Et dormientes excitat, *Doryl.* metuas nihil:
 Altissimos moderator hic ronchos trahit.
 Nil audit. *Flor.* obsecro, loquare cautius
 Ubi clavis est ad limina ? *Doryl.* En ! tene.
 - an tenes ?

Flor. Jam teneo. Salve millies, ò aurea
 Clavis. *Doryl.* modo præcedo, tu me clanculum

Sequere. Jam videbo, num Staphylus quoque

Tam dextere impositam sibi personam agat.

Scena Tertia.

Florinus, Staphylus personatus ut spectrum. Dorylas in angulo plateæ proximo.

Flor. * Feliciter! Jo! evasimus. Ubi Dorylas? Quid hoc? - heu spectrum, eheu spectrum! cito

Doryla juvato, Staphyle! Doryla! spectrum eheu

Succurrite. - .

Scena Quarta.

Bertrandus, Florinus, dein Rosimundulus.

Bert. - . Quis hic clamor? aut quid accidit?

Flor. Ah Domine Moderator! *Bert.* quid?

Flor. ah! terror vetat

Quidquam eloqui. Sum mortuus. *Ros.* quid audio?

Fraterne mortuus es? an ursi forsitan

Te devorarunt? *Flor.* aliquid urfis omnibus Terribilius me invasit. Irascimihi

Noli Domine Moderator. En plusquam satis Punitus adsum, Lemures! heu! lemures!

Bert.

Bert. Quid Lemures? *Flor.* ò te beatum
mi innocens

Fratercule! utinam pariter in lecto domi -
Infausta nox! Platea maledicta! - -

Scena Quinta.

Accedit Dorylas.

Doryl. - - Domine

Betrande, mittit me Dominus Antonius

Et nomine omnium Sodalium cupit

Te denuo invitatum. Ad horulam unicam

Dignare te illis jungere ad stellam auream.

Bert. Humanitati gratias ago debitas,

Sed nequeo vel ad unam horulam discedere

Hac nocte, dum Florinus in tali statu est

Miserabili. *Doryl.* Florinus in quo ergo sta-
tu est?

Ros. Se dicit esse mortuum. *Doryl.* Quid ac-
cidit?

Flor. Quæris etiam seductor, atque author
mali.

Hanc recipe clavem, proh nimis tristem mihi!

O si attigissem neutiquam. *Bert.* clavem
domus

Ad exitum de nocte Dorylas dedit?

Doryl. Antonio jubente. *Bert.* Florino tamen

Nunquid petente? Siccine - *Flor.* ah!
dixi prius

Noli domine Moderator irasci mihi.

Jam sum satis punitus, excussit animo

Infana desideria, queis flagraveram,

Noctu vagandi per plateas publicas

Terribile spectrum, in limine domus obvium.

Doryl. In limine domus obvium spectrum tibi?

Flor. Quasi ipse hoc non videris. Nonne pariter

Et te voluit invadere? *Doryl.* Ego vidi nihil.

Flor. Larva illa mortualis, at vivens tamen,
Movensque se, nunc parva, nunc altum
caput

Instar gigantis erigens non sit tibi

Conspicua? *Bert.* Quid? Florine? Larva il-
la tetrica

Famosa, quæ nunc pumilio, nunc est gigas,
Prius in platea publica occurrit tibi?

Flor. In limine ipso. *Bert.* Væ tibi, si dextera
Aut ungue deprendisset. Hoc spectrum satis
Vidi ipse olim, plura de illo inaudies

Ex civibus. *Doryl.* Quid ergo de spectro hoc
solent

Narrare cives? *Bert.* nescio, quot annis
abhinc

Vixisse in urbe dicitur petulans puer,

Exire noctu solitus, & per publicas

Plateas vagari. Sæpe, sed frustra Parens

Corrigere studuit insolentem. Denique

Ira gravi correptus hisce filio

Est imprecatus: *Opto, post mortem quoque*

Obambulare debeas nocte plateas

Umbra malefausta. Valuit hoc votum Patris:

Nam tempore brevi raptus è vivis puer

Visus plateas publicas. & mortuus

De nocte circumcurrere. Pueri tamen

Infestus est quàm maxime. Quin dicitur

Quos-

Quoscunque deprehendit unguibus suis
Merfisse puteo. *Flor.* Eheu! redit spectrum,
juva

Moderator. *Bert.* ubi? nil video de spectro.
Doryl. etiam ego

Non video quidquam. *Flor.* nempe me so-
lum petit.

Succurrite, ah succurrite! *Ros.* En fontem
sacrum!

Aspergite fores, ne ingredi spectrum queat.

Flor. Disparet iterum. *Bert.* vade florine cu-
bitum,

Domi manentem invadere hoc spectrum
nequit,

Tantum in plateis obvios secum abripit.

Flor. Ah! præ timore somnus ex oculis fugit,
Debebo tota nocte remanere hic vigil.

Ros. Ego tamdiu vigilare non possum, peto
Quem deserueram, lectulum. *Flor.* solus
quoque

Non audeo hic manere. *Bert.* Staphylum
huc advoco,

Tecum ille vigilet. Staphyle, Staphyle! -

Scena Sexta.

Accedit Staphylus.

Staph. - - - - - Quid jubes?

Bert. Hic remaneas. Tu Doryla mecum
veni.

Scena Septima.

*Florinus, Staphylus.**Flor.* Ah Staphyle! vix non exanimis ægre trahoTerrore fractum spiritum. *Staph.* præ risu ego

Vix non crepo. Prô! quantus Heros tu? prius

Pericula noctis cuncta ridebas ferox,

Nunc stratus ob puerile figmentum jaces,

Flor. Quid asseris? puerile figmentum? puto

Loquereris aliter, si quod horribile mihi

Hac nocte spectrum occurrit, etiam oculis
tuisSese obtulisset. *Staph.* utique vidi, nec
semel

Tantum, quod adeo terruit, spectrum.

Flor. procul

Forte è fenestris videris. sed me prope

Invasit & pene unguibus tenuit suis.

Staph. Propinquior ego & proximus spectro
fui,

Domusque nostræ ad limina in vestigio

Omnino eodem, crede, cum spectro steti.

Flor. Falsissimum hoc; nam debuisssem te
simulVidere. *Staph.* vidisti utique; nam spectrum
atque ego

Idem sumus realiter. Terribilem ego

Induere larvam iussus (est hæc sub rosa)

Cogente Moderatore finxi lemurem.

Flor. Hæc ipsa fingis, nempe ut eximas mihi
Nimium timorem, & suadeas somnum. Satis

Con-

Consideravi spiritum hunc. Nunc parvulus,
Nunc ut gigas, teque altior duplo fuit.

Staph. Sirenis ergo credere, poteris mea
Pace integram vigilare noctem territus.

Flor. Sistito, quo abis? *Staph.* timori ut occur-
ram tuo

Huc afferam Amuleta contra spiritus
Nefarios, Lemuresque. *Flor.* sed redeas
cito.

Vix audeo manere solus unico
Momento. *Staph.* adero, ponas metum, ci-
tissime.

Flor. Infausta nox! lætissimam hanc mihi fore
Speraveram. Quam sentio contrarium!

Quàm bene monuerat Staphylus, & bene
dixerat:

Amica nox est Nemini. Insanus nimis
Pruritus evagandi, & urbis compita
De nocte percurrendi. Heu! quæ me modo
Conjecit in pericula. - -

Scena Octava.

Florinus, Staphylus.

- - heu spectrum redit!
Spectrum! juvato Staphyle! Staphyle!

Staph. quid jubes?

En adsto. Credisne modo, quod spectrum,
atque ego

Unum sumus realiter? *Flor.* siccine improbe
Me ludere ausus in ultimas angustias

Conjicis herum tuum? & quod improbum
magis

Deambulatione nocturna impedis
Dolo maligno? abscedito in malam cru-
cem.

Staph. Ignosce, quidquid hætenus feci,
haud mea

Id sponte feci, induere spectrum jusserat

Moderator. Ille edoctus, à quo nescio,

Tenocte quærere exitum è domo, dolo

Te detinere voluit & salubriter

Terrere. *Flor.* Moderator, ais, ista jusserat?

Staph. Certissime. *Flor.* cur ergo me de hoc
non prius

Et clanculum monuisti? *Staph.* inexpectata erant

Imperia. Nec me latere dimisit suo

Moderator, imo totius scenæ arbiter

Et è fenestris cautus inspector fuit.

Flor. Quàm me pudet timoris! at longe am-
plius

Me pœnitet; quod Dorylæ clavem domus

Restituerim vesanus & præceps nimis.

Staph. Quid? reddidisti Dorylæ clavem domus?

Flor. Hanc Staphyle, si recipere denuo potes,

Mihique ferre, cœtera ignoscam tibi

Omnia. *Staph.* domone exire tentas denuo?

Flor. Cur non? Pavor me solus & vanus licet

Spectri timor detinuit. Hic postquam modo

Expulsus, ibo lætior, quo me vocat

Antonius, cœtusque jucundus nimis.

Staph. Inquirò promptus Dorylam, at forsan
domo

Jamjam exiit? *Flor.* non exiit, adhuc dum
domi

Mode

Moderator illum detinet. Videas modo
Ut convenire possis, at solum. *Staph.* interim
Anne hic manere solus audebis? nihil
De reduce spectro metuis? *Flor.* armatus
fatis

Jam sum. Diabolus ipse si me invaderet,
Hunc esse Staphylum crederem, & non
diabolum.

Actus Tertius.

Sena Prima.

Bertrandus, Dorylas.

Bert. Domusne clavem redditam prius tibi
Florinus iterum repetit? *Doryl.* Ita Staphy-
lus mihi

Bert. An reddidisti? *Doryl.* neutiquam, fe-
ci tamen

Spem januæ pandendæ, ubi primum domo
Exivero. *Bert.* conceptus ex spectro timor
Terrorque tantus tam cito evanescere,
Et abire in auras potuit? jam denuo
Obire plateas gessit, & noctu vagus
Percurrere urbis compita? *Doryl.* dubito
nihil.

Ipsè Staphylus, quem struxeras pium dolum,
Florino aperuit. *Bert.* Perfidus nimis. Luct
Juro, luct Florinus, & Staphylus simul.

Age, ocyus ad Antonium revertere.

Ut, quæ statuimus antea, efficiat, mone.

Doryl.

Doryl. Quid antea statuistis? *Bert.* Ex Hero audies.

Prius tamen, si Staphylus occurrat tibi,
Clavem petitam redde. Ne dicas tamen,
Hoc me jubente fieri, ut omnis inscius
Molitionis credar. *Doryl.* ad nutum omnia.

Scena Secunda.

Bertrandus, Florinus, Staphylus.

Bert. Adhuc vigil Florinus? *Flor.* obdormiscere

Non potero tota nocte. Spectrum semeis
Identidem objicit oculis, & ad latus
Adstare mihi videtur. *Staph.* Egi ego omnia,
Ut hunc timorem demerem, frustra omnia
Nec claudit oculum, nec finit me claudere.

Bert. Abi ad quietem Staphyle. Ego loco tui
Vigilabo. *Staph.* si concedis, obsequor lubens.

Scena Tertia.

Bertrandus, Florinus.

Flor. Quæso Domine Moderator, ob causam
meam

Ne te fatiges. *Bert.* Munus hoc poscit meum

Flor. : Intra domum sat tutus à spectris ero.

Bert. Tecum tamen manebo, dum cesset metus.

Flor. Jam jam incipit cessare, quin jam evanuit.

Obrepat oculis somnus & caput grave

Jam titubat. *Bert.* an præsentia mea tam cito
Somnum tibi conciliat, & pellit metum?

Dormi

Dormi ergo, dormi. Fausta nox fluat, precor
Flor. Abiitne spectro omni mihi molestius
 Spectrum vigil Moderator? at quo se interim
 Staphylus recepit? Staphyle!. Staphyle!

Scena Quarta.

Staph. Num Draco
 Hesperius iterum abcessit? *Flor.* Elusus dolo,
 Et arte nostra, *Staph.* Ergo triumphas, an
 vides

Quid dextera hæc contineat? *Flor.* an cla-
 vem domus?

Staph. Hanc denique mihi Dorylas, ego tibi.

Flor. O chara clavis, quam prius male pro-
 vidus,

Timidusque nimis abjeceram. Quam te
 modo

Recipio lætus! Sed ubi Dorylas modo?

Staph. Præcessit, atque Antonio adventum
 tuum

Pronuntiavit. *Flor.* ergo vestes huc cito.

Non me sequeris Staphyle? *Staph.* grates
 maximas.

Dormire malim, quam plateas currere

Flor. Vah pigrum asellum! dormias ergo, &
 utinam

Moderator adeo pronus in somnum foret.

Sed nescio quæ, hac nocte præsertim, stryges

Invaferint hominem. Angulos omnes domus

Percurrit, ut Judæus ille, quem ferunt

Nunquam quietum sistere in eodem loco.

Tu Staphyle saltem tamdiu mecum mane,

Dum

Dum dormiat Moderator, & tutum exitum
Reperire detur. Interim festo, ut decet,
Conventui me accingo. gladium porrige.

Staph. Sic indues. *Flor.* exlatere, non humeris decet

Dependeat. *Staph.* quin more jam sueto diu
Noctambulonum pendeat ab humeris. Ita
Olim ipse vidi quempiam armatum foras
Prodire noctu. *Flor.* Num fuerat Academicus?

Staph. Non fuerat, at volebat in tenebris
tamen

Talis videri. Nempe sicut tu modo.
Tum vulnerare coepit innocuos licet
Lapides plateæ & fortiter gladium vibrans
Loco cruoris è siliice flammam ferox
Elicit Heros. Ecce! sic -- *Flor.* cessa, obsecro,
Ne strepitus iste denuo infestum advocet
Domus Draconem. *Staph.* Nomine hoc
quem denotas?

Flor. Dubitare potes? nunquid Hesperius
Draco,

Quin hoc Dracone peior est semper vigil
Moderator? *Staph.* Ergo & pallium modo
indue.

Flor. Cur pallium de nocte? *Staph.* sic pariter
solent

Noctambulones tegere semet palliis
Totamque faciem involvere. Ecce sic. Simul
Fronti imprime alte pileum. Ecce sic. --
Flor. bene

Omnia notasti, credo, quod sæpe plateas
Obambularis ipse. *Staph.* antequam fui

Stu-

Studiosus, atque famulus. *Flor.* ergo isthac quoque

Mecum ambulabis nocte. *Staph.* si tandem velis,

Consentio. Sed scrupulus angit me novus,

Moderator hæc si resciat? *Flor.* Quid resciat?

Cautissime rem agemus. Explora modò

An dormiat, longosque jam ronchos trahat.

Staph. Periculosa iussa sunt; sequor tamen.

Flor. Sed pallium cum pileo redde, & tuum

Assume. *Staph.* sed non habeo gladium.

Flor. sufficit

Unus duobus: mutuabimus vices.

Actus Quartus.

Scena Prima.

Antonius, Bodavinus, Albuinus, Promius, Gallatius, Dorylas.

Ant. * An jam domo Florinus excessit? *Dor.* brevi

Cum Staphylo aderit. *Ant.* igitur initium damus

Comœdiæ. *Bodav.* Choragus esto. Strenue

Agemus omnes. *Alb.* Militem nunquid trucem

Me vestis hæc, & vultus, & barba hæc probant?

Prom. Et me gradivus crederet alumnum suum.

Gall.

* ad Dorylam.

Gall. Et me Sagata Pallas. *Ant.* Ergo ad rem, state
Utrunque in insidiis. Video puerum prope
Hinc prodeuntem.

Scena Secunda.

Florinus, Staphylus.

Flor. - - - Tuta jam sunt omnia:
Pergamus ergo strenue. O quanta Staphyle
Nunquid voluptas nocte de media forum
Et compita urbis terere generoso pede!

Staph. Mihi voluptas alia quæritur. Citò
Caupona, quà se Antonius cum cœteris
Sodalibus recipit, adeunda est Here.
Stellam petamus auream recta. *Flor.* Tibi
Si præplacet Caupona, mihi lætissimæ
Noctis tenebræ præ atrea stella placent.
Jam stringo gladium, quotquot hic cerno
lapides,;

Fingo esse turcas, irruo, atque demeto
Barbarica capita. *Staph.* siste! non tuta
est satis

Hæc pugna. *Flor.* cur? quis subsidia tur-
cis feret?

Staph. Ferire lapides noctu, ut audis, est idem
Ac provocare cœteros, si fors quoque
Sunt in plateis. Si quis Academicus foret
Hic in propinquo, vix tibi. *Flor.* Quid co-
gitas?

Hominemne timeam, spectra qui risi prius?
Tamen videbo Staphyle, num nemo moveat
Hæc

Hac parte gressum. *Staph.* Neminem ad-
verto quidem:

Flor. Age ergo ferrum, turcicum bibe sangui-
nem,

Maſta, trucidæ, vulnera, feri, neca.

Staph. Quæ barbarorum funera! videris mihi
Novus eſſe Scanderbegus, Aſt ecce hîc do-
mus

Lapidem angularem. Nunquid hîc Vezi-
rius

Et barbarorum ſummus eſt ductor? *Flor.*
veni,

Congredere, ſi audes, congredere. *Bodav.*
venio ſtatim,

Venio. *Flor.* Quid hoc? recedimus. *Staph.*
fero nimis

Fugam paras. Jam jam imminet. *Flor.*
Gladium meum.

Abſconde, téque hînc eripe. Evadam dolo.

Scena Tertia.

Bodervinus, Florinus.

Bod. Quem provocâſti, cernis. Age ferrum
exſere,

Congredere. *Flor.* Parce Domine. Cer-
te neminem.

Ego provocavi. Repeto contubernium
Pacificus, atque inermis, ut coram vides.

Bodav. Quis ergò provocavit? utique videris
Audiverisque? loquere. *Flor.* Turcarum
Ducem

Exerc. Theat. Tomul. II.

E

Ve.

Vefirium, quis nescio, finxit sibi
 Se cernere hoc in Capite prægrandi domûs.
 Hunc provocavit ergo. *Bod.* Turcarum
 ducem?
 Vel tu, vel ille, quisquis hoc finxit sibi,
 Stultescitis. Sed video. - - - persequor
 hominem
 Subsiste. Tûne me provocâsti? *Staph.* Ni-
 hil
 Minus, nec uno verbulo. *Flor.* testor id
 ego:
 Est innocens hic. *Bod.* Quid igitur nocte
 plateas
 Percurris? *Staph.* haud percurro; sed do-
 minum meum
 Inquiro, quem reducere jubeor domum.
 Vides inermem, gladius est nullus mihi.
Bodav. nunc innocentem credo. Persequor
 alium,
 Qui provocavit. - - -

Scena Quarta.

Florinus, Staphylus.

Staph. - - - Sint Deo laudes, Here,

Evasimus periculum grande nimium.

Flor. Non terret hoc periculum. At gladius
 ubi,

Quem tradidi tibi antea? *Staph.* Exem-
 plum tuum

Sum strenue securus, abjeci procul.

Flor. Et quò? *Staph.* Plateæ in angulum.

Flor. recipe cito,

Et

Et affer huc. *Staph.* deinde cauponam via
Brevissima petamus. Est securior.
Hæc, quàm platea. *Flor.* Vappa! qui primo impetu
Terretur. Animus crescit ex discrimine.
Obeo plateam lætior, sed cautior.

Scena Quinta.

Florinus, Staphylus, quatuor studiosi personati.

Prom. Fugiamus. Insequentibus sumus impares.

Gallat. sequimini, & tenete. *Flor.* vah! cruda pecora!

Heu! Staphyle! Staphyle! *Staph.* Quid video? num faucius

Procumbis? *Flor.* Haud sum faucius; sed impetu

Currentium prostratus, impletum modo

Est somnium Fraterculi. Urfis obrutus

Jaceo in platea. Da manum. Non me quo

Levare solus. *Staph.* condoleo. Discedimus

Cito è Platea. *Staph.* sed ubi Pileus tuus?

Flor. Excussus est cadenti; at haud aberit procul.

E 2

Red.

* Prorumpunt è Scena quatuor studiosi, alii tanquam fugientes, alii, ut persequentes & quati impetu cursus, studiose tamen humi prosternunt Florindum. Alius ejusdem pileum capite delapsum inadvertente Florino tollit & aufert.

Redde modo gladium. *Staph.* quomodo
queam reddere

Necdum repertum? *Flor.* Quære melius,
& cito

Ego quæro pileum. *Staph.* Puto, foret tu-
tius

Statim hinc abire, & petere cauponam cito.

Flor. sine gladio, sine pileo? *Staph.* næ pal-
lium

Perdatur etiam, timeo. *Flor.* jam quære
gladium,

Ego Pileum.

Scena Sexta.

Florinus, Solus quarens pileum.

Flor. - - Hic puto, video aliquid. Est nihil.
Ibi jacet. Deceptus iterum sum. Procul
Abesse tamen haud poterit. Invenio nihil
An fascinatus pileus mala à strige
Sursum per auras avolavit?

Scena Septima.

*Florinus, Gallatius, Antonius, Chro-
mius, Dorylas.*

Chrom. * Ubi Gymnastis visus est tibi? dic,
ubi

Noctambulo? *Gall.* non hinc procul. *Flor.*
num me petunt?

Heu! fugio, fugio. *Chrom.* Siste! siste - -
pallium

Jo-

* intra Scenam.

Joseph novus reliquit in mea manu.

Gall. An persequamur ulterius? *Ant.* haud est opus,

Jam stant parati cæteri, in quorum manus Puer incidet. *Chrom.* Quin, credo, punitus sat est,

Hac nocte gladio, pileo, atque pallio Spoliatus. *Ant.* Imo molior adhuc dum genus

Pœnæ aliud, & Catastrophen Tragœdiæ, Quam cœpimus bene congruam, evolutio Scenæ fiet mirabilis. Calidissimas Puero movebit lachrimas, risum mihi, Vobisque.

Scena Octava.

Accedit Albinus personatus ut Miles.

Ant. - - - Numne incurrit in vestras manus Florinus? *Alb.* hæret, & quidem, ut credit puer,

Sub militum custodia: nam milites Dexterrime simulavimus nutu tuo

Ant. Et quid agitat, dicitque? *Alb.* plorat, & gemit,

Subinde frendens execratur impetum Noctu vagandi. Antonium quoque sæpius Inclamat. *Ant.* Anne & prodidit nomen suum?

Alb. Nihil minus, quin se esse studiosum negat,

Sed exterum, qui advenerit in urbem recens.

Ant. Ergo simulate porro: Puerum, qui suum
Non audet edere nomen, & sine pileo
Plateas oberrat, jure suspectum omnibus
Furunculum esse, craftina per vos die
Ad judicem ducendum. *Doryl.* acerba mo-
liris nimis

In proximum cognatum. *Ant.* acerba si
fiat

Medicina, dummodo sanet, est optabilis.
Vos interim redeatis ad stellam auream,
Gladium tamen cum pallio, atque Pileo
Florini in unum Doryla collige locum.

Bodov. Ecce gladium! *Gall.* Ecce pileum! *Crom.*
ecce pallium!

Bodov. Nunquid sumus nos milites valde pii;
Qui spolia justo Marte parta reddimus.

Doryl. quò deferenda hæc spolia? *Ant.* me
sequere, statim

Docrbo. Te quoque Albuine pluribus,
Quid porro agendum, ut instruam, mecum
veni.

Actus Quintus.

Scena Prima.

*Bertrandus, Antonius, Dorylas in cor-
be gestans, gladium, Pallium, & pi-
leum Florini.*

Bert. Est acta belle fabula; at nondum tamen
Peracta, nam Florinus ubi? *Ant.* Socii mei
Mox attrahent, quos milites credit puer.

Bert.

Bert. Bene est. Ego simulabo me ignarum omnium,

Quæ gesta sunt hucusque. *Doryl.* ni fallor, fores

Pulsantur. *Ant.* adfunt nempe, quos dixi, mei

Commilitones. Interim abeo non nihil

In tempore rediturus. *Bert.* hæc spolia quoque

Huc defer intus Doryla. - - -

Scena Secunda.

Bertrandus, Albuinus, Bodovinus.

Bert. - - - - - Quis ad fores?

Quid nocte media milites nostram ad domum?

Alb. Admitte tantum. Adducimus alumnum tuum.

Bodav. Deprensus hic de nocte per plateas puer

Vagatus est. Cum prodere negaret suum

Nomen statumque. Jure suspectus fuit,

Et interim custodiæ, ut mos est, datus.

Tandem superveniens aliquis è civibus

Testatus est se nosse puerum perbene:

Esse, studiosum nobili natum domo,

Tuæque curæ creditum. Hinc adduximus

Alb. si vera civis dicta sunt. Tibi reddimus

Tam Charum alumnum; sin minus, reducimur

Ad militum custodiam, dum crastina

Magis pateſcat, quis vel unde ſit puer.

Bert. Sunt vera civis dicta. Veſtræ gratias
Humanitati. Capite congiarium.

Alb. Grates ago, & fauſtiſſimam noctem pre-
cor.

Scena Tertia.

Bertrandus, Florinus.

Bert. Unde igitur huc florinus? aut quid in
foro

De nocte quod agat, habuit? & cur hic ad-
eſt.

Quaſi Trivialis ſcurra, & abſque pileo?

Flor. Ah Domine moderator, prius linguam
mihi

Terror ligavit, nunc ligat acrius pudor.

Bert. Unde hic pudor?

Scena Quarta.

Accedit Staphylus palliatus.

Bert. - - - Sed Staphylus unde? num tibi

Etiam evagari placuit, & nocte plateas

Obire? *Staph.* Parce Domine Moderator,
mea

Hæc culpa non eſt. Omnibus ſtudui modis,

Ut ipſe noſti, inhibere Florinum, domo

De nocte nolit egredi; at poſtquam omnia

Fruſtranea eſſe monita vidi, denique

Non auſus in periculis tantis herum

Deſerere ſolum, credidi munus fore

Famuli fidelis, quo præcat herus, ſequi.

Flor.

Flor. Quid? tu dedisti monita, ne domo ex-
eam?

Cur ergo clavem à Doryla ad domus fores
Ipse petiisti? & denique obtentam mihi
Huc attulisti? *Bodov.* ficcine? *Flor.* An
non sedulo

Num dormiat Moderator, & lecto hæreat
Affixus, explorâsti, ut exitus foret
Utrique nostrum tutior? *Bert.* belle omnia.

Staph. Sit hoc. Sed an non postea vixdum
foras

Et in plateam publicam egressum infimis
Precibus rogavi, ut denno redires domum,
Ne perdito jam pileo, & gladio simul
Amitteres & pallium. *Bert.* cum palliis,
Gladiisque cincti existis? ubi modo omnia?
An forte cum solvendo non erat hospiti
Florinus, hoc pro pignore reliquit? *Flor.*
domum

Nullam, minus cauponam adivi. *Bert.*
quomodo

Ergo gladius cum pileo, atque Pallio
Deperditus? *Flor.* Funesta nox! stultus
nimis

Pruritus! heu quàm caro stat hodie mihi!

Scena Quinta.

Bertrandus, Florinus, Dorylas.

Doryl. Nondum domum rediit dominus An-
tonius

Bert. cur jam redierit? jamne conventus hi-
laris

Sodalium solutus est? *Doryl.* Nondum qui-
dem; E 5 Sed

Sed evocavit, nescio quis, Antonium
 Domumque redeat, monuit, ut negotium
 Non differendum absolvat. Et sane audii
 Invitus hoc; nam læta nox inter jocos
 Meros fuisset acta. *Bert.* Florino quoque
 Nox læta fluxit in plateis publicis.

Doryl. Ergo in plateam publicam exivit ite-
 rum

Florinus haud deterritus spectri metu?

Flor. Utinam forem deterritus inani licet
 Terrore spectri: quàm salutaris mihi
 Timor hic fuisset! - improbe nimium puer
 Cor prodidisti, quem salutarem dolum
 Instruxerat Moderator? *Bert.* Anne ergo
 Staphyle

Tu prodidisti hæc omnia? *Staph.* Ignosce
 Domine

Moderator, adeo invalerat spectri timor
 Florinum, ut ægrè traheret animam. Proxi-
 mum

Instare mortis credidi periculum

Hero meo, nisi dedocerem, & panderem
 Fuisse tantum panicum spectri metum.

Sic exigebat nunquid in dominum suum.

Famuli fides, pietasque? *Bert.* pietatem &
 Fidem

Remunerabor. Pallium exue ocyus,

Dimissus à famulitio, quo lubet, abi,

Et hoc abi momento. Abi inquam, vel
 foras

Ejicio te vi. *Staph.* Ah domine modera-
 tor! sacra

Per

Per omnia - *Bert.* sile! *Staph.* Domine Florine! precibus

Tuis misello - *Flor.* cede, tu mali mei

Es sola causa, *Staph.* Domine Doryla, obsecra

Pro me, *Bert.* sileto! sunt preces frustraneæ.

Discedito, vel addo fustuarium;

Nam tale talis famulus est bene meritus

Salarium, *Staph.* Nefasta nox! *Bert.* abito.

Scena Sexta

Florinus, Dorylas.

Flor. Et Dorylas est causa præsentis mali,
Dum tradita à te clavis est Staphylo. *Doryl.*
tamen

Ipse petiisti, ut traderem. *Flor.* petii; sed
heu!

Quàm improvide! *Doryl.* Quid accidit de-
mum mali?

Fors incidisti noctu in aliquot ebrios

Noctambulones, à quibus habitus male

Mulctatus es verberibus? *Flor.* ah! mille
potius

Tolerâsse vellein verbera: at gladius simul

Cum pileo, atque pallio, & tali quidem

cum pallio, tam splendido, & misso recens

A Patre, jam deperditus nocte unica.

Doryl. Et quomodo hæc deperdita? an casu?
an dolo?

An

An vi? *Flor.* sat ipse nescio. Hoc solum scio,

Sunt perdita. O maledicta nox! ò impetus

Domo evagandi insanus! utinam pallium Saltem reciperem! *Doryl.* quomodo illud perditum?

Flor. Noctambulones aliquot ex Academicis Quo, nescio, prodente, cognorunt, forum Plateasque Gymnastam obire, cum illico Facto impetu omnes irruunt. Fugiens ego Cùm me teneret aliquis, in manu illius Trepidus reliqui pallium. *Doryl.* an notus tibi

Academicus hic? *Flor.* ignotus omnino mihi est.

Doryl. spes ergo superest tenuis, aut nulla penitus

De recipiendo pallio. *Flor.* an verò potest Retinere, quisquis pallium hoc habet, bona Tutaque conscientia? *Dor.* Tutissima; Noctambulones namque gaudent juribus Licentiaque militum, nulla spolia

Reddere tenentur. *Flor.* perdita ergò hæc omnia

Sint absque spe? *Doryl.* mortalium vix quispiam

Juvare poterit. Confuge ad divorum opem. Scis ipse divum Antonium ad res perditas Rursum obtinendas plurimis potentem opem Tulisse. Votum concipe, & divum stude Tibi demereri Antonium. *Flor.* votum lubens

Con-

Concipio, sed dic, quale? responsoria
(Nam sic vocantur solitæ ad hunc Divum
preces)

Recitabo centum. *Doryl.* gratius aliquid
petit

Hic Divus à te, nempe te voto obliges,
Quod absque venia Superiorum neutiquam
Exire noctu in publicam plateam velis.

Flor. Hoc absque voto, crede, præstabo satis.
Edoctus hodie, quid sit extra limina
Domus vagari nocte. Propositum efficax
Feci, facioque denuo, nemo amplius
De nocte me visurus est extra domum.

Dor. laudo pium propositum: & hoc voto
quoque

Firmabis? *Flor.* ergo voveo Divi Antonii
Honoribus, nunquam amplius, nunquam
amplius

Absque venia extra limina efferam pedem,
Amissa si reperero. Saltem pallium
Ut Redeat, ò Sanctissime Antoni! juva.

Scena Septima.

Florinus, Antonius, Dorylas.

Ant. Florine, cur, quod unice exoptaveras,
Non es secutus Dorylam ad stellam auream?
Te cupidus expectaveram satis diu.
Fors limina Moderator occlusit tibi?

Flor. Utinam fuissent clausa millenis seris,
Et obserata limina! ò quàm improvide
Tot precibus, ut concederes clavem domus,
Tibi fui molestus. O quantum luo

Ho.

Horam unicam, qua nocte sum ausus publicas

Calcere plateas! *Ant.* Quid igitur mali accidit?

Doryl. Vix nempe limen ædium egressus manus

Noctambulorum incurrit, atque pileum

Simulque gladium, & pallium amisit miser.

Ant. Illumne gladium argenteum nuper ab Avo

Dono datum? *Flor.* ah ipsissimum. *Ant.* paulo antea

Stantem in plateis quempiam audiavi sibi

Congratulantem de reperto per viam

Argenteo ense, & pileo, undique aureis

Cincto parergis. *Flor.* Gladius hic meus fuit,

Et pileus. *Doryl.* Jam Antonius potens manus

Cœpit operari, jam aliqua se produnt spei

Læta omina. *Flor.* & quis ille, qui à se talia

Reperta lætabatur? an Academicus?

Ant. Inter tenebras noctis haud potui satis

Distinguere hominem. *Flor.* quisquis is sit, o potens

Patrone, Dive Antoni! hominis animum rege,

Stimulaque conscientiam, ut reddat ocyus Inventam.

Scena Octava.

Bertrandus, Antonius, Florinus, Dorylas.

*Bert.** Jamne audiisti, quàm hilariter traduxeris Florinus istam noctem? *Ant.* aliqua modo audii.

Condoleo. *Bert.* sed ego rideo, & plaudo, & tibi

Florine multum Gratulor lætissimam Recreationem. *Flor.* Domine moderator! feri,

Et verbera, ut placuerit, unum deprecor, Desistito insultare jam misero satis.

Ant. Deperditus enim Gladius, atque pallium Poenæ genus sunt neutiquam leve. *Bert.* pallium

Quod attinet, Florine curas exue.

Jam teneo manibus. *Flor.* pallium meum?

Bert. tuum,

Mox afferam. *Flor.* ò quàm mira, quàm potens manus

Antonii est. Quas gratias referam tibi

O Dive! *Doryl.* vota facta si compleris, erit

Antonio hoc gratissimum. *Flor.* fideliter

Complebo. Me nunquam amplius, nunquam amplius

Nox ulla cernet ædium extra limina.

Bert. En pallium! *Flor.* Quid video? Staphyli pallium hoc?

Bert. Staphyli fuit, nunc est tuum. Cedo hoc tibi.

Age

* ad Antonium.

Age, indue, ut videamus, an belle tuis
Conveniat humeris. *Flor.* pallio famuli
tegar?

Sic in schola apparebo crastina die?

Bert. Indue, jubeo. *Flor.* prò gaudium ni-
mis breve,

Quàm lusus à te sum! *Bert.* indue, inquam.
Quid modo

Vobis videtur? *Dor.* qui ante florinus fuit,
Videtur esse Staphylus. *Flor.* ò Sancte!
ò potens!

Antoni, an ergo despicias votum meum?

Bert. Et quale votum? *Dor.* vovit, & sanctè
quidem

Vovit, ope Divi Antonii si perdit

Receperit, nunquam amplius noctu foras

Se proditurum. *Bert.* Multa Florinus vo-
vet,

Sed pauca servat, semper inconstans puer.

Flor. Servabo fidelissime posthac, modo

Succurre Dive Antoni. *Ant.* an auris de-
cipit?

An limina Domus pulsant aliquis? Doryla

Accurre, num quis ad fores fiat, vide.

Bert. Florine! tandem lectulum fessus pete.

Somnumque suavem post tot ærumnas
cape.

Flor. Liceat Domine Moderator hanc noctem
integram

Vigilare. *Bert.* cur? ut denuo domo ex-
eas?

Flor. Orabo tota nocte Divum Antonium,

Ut

Ut vōta tandem exaudiat, & in crastinum
Reddi faciat amissa. Saltem pallium.

Bert. Hic, hic habes jam pallium. *Flor.* hoc
in pallio

Non audeo apparere publica in schola.
Succurre Sancte Antoni, hac tantum vice
Succurre! *Bert.* frustra es. Cœlites non
audiunt

Petulantium, sentumque puerorum pre-
ces.

Flor. Petulans fui, fatebor, ast posthac ero
Totus alius. *Ant.* Num quisquam stat ad
fores?

Bert. Quis ille? *Doryl.* vidi neminem; ast in
limine

Intra domum (mirabile) hic corbis stetit
Depositus. *Bert.* à quo depositus? *Ant.*

Et limine,

Foribusque clausis? *Ant.* & quid in corbe
hoc latet?

Doryl. Cernogladium cum pileo, atque pallio.

Flor. Miraculum! *Bert.* Putasne divum An-
tonium

Patrare mira in Gratiam ruentium,

Quò cæca mentem improvidam, quà non
licet,

Effusioris indolis studia trahunt?

Quæ rursus accipis, piis hæc fraudibus

Dolisque debes. Gratus ut fias, tua

Promissa comple; nam secus, moneo,
time,

Ne puniaris gravius. *Flor.* haud monitis
opus

Exer. Theat. Tomul. II. F. Ser.

Sevabo, quod promiseram. Nunquam amplius,

Nunquam amplius nox ulla me cernet foris,

Extraque limen ædium, nunquam amplius.


Vos Gymnasistæ discite exemplo meo.

Noctu domi manere. Nox nulli favet.


Nec semper ipsis tuta fuit Academicis.

Q. A. M. D. D. V.

H. E. G.



NE.



N E M O.

Argumentum

Scenulæ nostræ suppeditavit nemo. Solent nempe Pueri, cum in eorum delicta inquiratur, pertinaciter omnia negare, ut denique nemo reus appareat: ab hoc vitio puerilem, & simplicem ætatem deterrebit nemo

Scena figitur In oppidulo Nuspiam. In domo Ludimagistri.

Personæ.

Beryllus, Filius Dynastæ.
Vulpulus, Ephebus Dynastæ Honorarius.
Scribaci, scriba Dynastæ.
Dorylas, stabularius Dynastæ.
 Duo pedissequi Dynastæ, personati Fauni.
Tityrus, Pueruli.
Melibæus, Rustici.
Mænalcas.
Ludimagister.
 Pueri scholares.

Pars Prima.

Scena Prima.

Beryllus, Vulpulus, Scribacius, Dorylas, Ludimagister.

Beryllus ad Ludimagistrum. Ergo mihi non credis illustri Viro?

Servos meos interroga. *Vulp.* Hac quidem vice,

Sic testor, haud mentitus est Dominus Baro.

Scriba. Testor ego pariter. Ipsus audi vi graves

De te querelas civium, & pro munere

Meo annotavi in publicis scriptis. *Beryll.*

Cave,

Sincerus iterum moneo. Compesce melius,

Quos disciplinæ tradidit nuper tuæ

Toparcha pueros civium, nisi velis

A Pædagogi munere amotus iterum

Per rastra panem quærere. *Ludimag.* an culpa est mea,

Si sint petulci civium pueri? Patres

Cur filios non corrigunt? *Scrib.* Curam hanc Patres

Tibi relinquunt. Pædagogus factus es,

Ut litteris, & moribus rite instruas

Pueros tibi concreditos, & corrigas

Petulantiam, *Ludim.* Qui corrigam, si nesciam,

Quis sit reus tot inter? *Vulp.* Hoc ut rescias,

Inquirere tuum est. *Lud.* Centies una die

Inquiro: Pueri! pulverem tantum in schola

Abfen-

Absente me quis movit? unde inconditus
Qualem audii ipsus, clamor? aut quis in
foro

Rixatus? aut garrivit in templ? citò
Fateamini. Quid refero responsi? nihil.
Se scire dicunt. Nemo se prodit reum.
Nemo excitavit pulverem. Nemo in schola
Clamavit, aut rixatus est. Nemo in sacra
Garrivit æde. Quidquid est factum malè,
Hoc Nemo fecit. Nemo reus est omnium.
Hinc castigare neminem juste queo.

Vulp. Si Pædagogus essem ad horulam unicam,
Pueros docerem candidè omnia eloqui,
Faceremque. nemo Neminem posthac reum
Auderet accusare. *Ludim.* Quo, quæso, hoc
modo?

Atque arte? doceas obsecro. *Scrib.* Non te
pudet

Jam Pædagogum discere à puero modum
Pueros regendi? *Beryll.* Video, non aptus
tuo

Es munerì. Monebo denuo Patrem,
Alium tibi substituat hoc in oppido
Ludimagistrum. *Doryl.* Domine Baro Do-
mino Patri

Dignare Commendare me fidum diu
In arce vestra servulum, ut munus mihi
Ludimagistri deferat. *Beryll.* Posses modo
Vel pauca legere, & scribere, hac adhuc die
Conarer, ut succederes inepto huic.

Doryll. Et si legere, vel scribere haud norim;
tamen

Pueros sciam compescere. Scutica hæc potest
F 3 Equos

Equos domare, parvuli haud erunt equis
 Ferociores. *Vulp.* Domine scribaci, tibi
 Hoc Pædagogi munus aptum sat foret.

Scrib. Ego Pædagogus? stupide! *Beryll.* plu-
 rimos ego

Jam candidatos muneris tanti scio.

Est absolutus artium, & Juris quoque
 Studiosus hoc in oppido, qui brachio

Utroque spartam hanc ambit. Accedo Pa-
 trem,

Ludimagistrum in oppido instituat novum.

Ludim. Ah Domine Baro, da perbreve sal-
 tem moram.

Scholam subi. Videbis hac tandem die,
 Annon sciam comperescere pueros meos.

Beryll. Scholas tuas subire me? quid cogitas?

Ludim. Vel Dominus hic scribacius saltem.

Scrib. mihi

Graviora sunt negotia. Hac adhuc die

Plus, quàm triginta litteras ad Principem

Decet expedire. *Ludim.* Vulpulus saltem
 mihi

Sit oculatus testis, an non denique

Petulantiam Puerorum, & insolentiam

Quamcunque possim frangere, & munus
 meum

Implere cum totius oppidi Bono.

Beryll. Si Vulpule ipse ingredi scholam velis,
 Et omnia explorare. Prohibeo nihil.

Vulp. Sed quis meus character? aut quæ au-
 thoritas?

Vel quæ potestas mihi tribuitur in scholam?

Ludim.

Ludim. Vice Pædagogi authoritas. *Vulp.*
Vicebuzlium

Me vis tuum agere? *Ludim.* si parum hoc,
eris mihi

Æqualis, & quasi simul Regens. *Vulp.* Quasi!
Quasi! *Ludim.* parumne? *Vulp.* In gra-
tiam tandem tuam

Intrabo, quasi supremus Inspector scholæ,
Et visitator iure cum plenario.

Ludim. Quocunque titulo. Dummodo testis
mihi

Et Advocatus sis ad Illustrissimi
Domini tribunal. *Beryll.* sit igitur, ego no-
mine

Domini Parentis Constituo te, Vulpule,
Ut sis supremus hac die Inspector scholæ,
Fidusque referas omnia Patri, vel mihi:
Nos ambulemus interim. Dominus tamen
Scribacijs redire debet domum,
Ut expedire possit hac adhuc die
Plusquam triginta litteras ad Principem.

Scrib. Sequi tamen te potero: nam manus
mihi

Est expedita. Siquidem velim, unicâ
Horâ facilis expedio centum litteras.

Doryl. Tibi dignitatem Vulpule novam gra-
rulor.

Scena Secunda.

Ludimagister, Vulpulus.

Ludim. Jam nos scholas ingredimur. *Vulp.*
Expecta, decer,

Præire me. *Ludim.* Superbus es nimis.
Simul

Ingredimur ambo, & pariter æquali Gradu.
Vulp. Sit; sed tamen mihi vendico dextrum
 latus.

Ut Visitator, summus Inspector utique
 Ludimagistrum simplicem præeam, decet.

Scena Tertia.

Ludimagister, Vulpulus. Pueri Scholares Gastrimargulus, Gorulus, Glaphyrus, Ruffulus, Dastilus, Bartolus, Pigrellus, Stupacius, Gispilus &c.
Auditur intra scholam clamor, & Strepitus.

Bart. Silentium! Ludi Magister advenit.

Ludim. ad Vulp. En quàm verentur, atque reverentur mei

Me subditi. Vix conspicior, in ordinem
 Sese recipiunt singuli, & scamna occupant.

Vulp. Sed antea qualis tumultus in schola?

Quis clamor, & rixantium strepitus? adhuc
 Scholam excitati pulveris nubes replet.

Luaim. Quis excitavit pulverem? Quis per
 scholam

Vagatus, aut rixatus est? dic Barthole,

Bart. Ego nescio. *Ludim.* Dic Gispile. *Gisp.*
 etiam nescio.

Ludim. Tu, Ruffule, inquietus es semper puer,
 Amansque rixæ, nonne tu rixatus es?

Ruff. Scamnis ego quietus, ut sutor pice
 Affixus hæsi. *Ludim.* Dastilus, satis scio,
 Dasti-

Dastilus ita clamavit. *Dast.* Est falsissimum.

Præ pisce murus semper hoc sedi loco
Immobilis. *Ludim.* Tu Gorule saltem videris,

Vel audieris. Edicito, & tantum citò.

Quis visus extra scanna vagabundus tibi?

Gorul. Vagatus extra scamna nemo à me fuit
Aut visus, aut auditus. *Glaph.* Omnes
sedimus.

In ordine quietissimi. Nemo pedem,
Manumve movit. *Ludim.* Nemo? *pueri*
omnes. Nemo, nemo. *Bart.* sic

Testamur omnes. *Vulp.* * Fregit hoc
scamnum quoque

Rupitque, nunquid, Nemo? *Ludim.* Tu
Stupax soles

In ultimo hoc sedere scamno. Tu sine
Dubio insolens rupisti. Age, nega, si au-
deas.

Stupax. Scis ipse, jam ultra quatrimum iussus
sum humi

Sedere, quo modo potuerim rumpere?

Ludim. Socius tuus Pigrillus in scamno fuit,
Ergo Pigrillus rupit. *Pigrill.* Etiam ego
dies

Jam quatuor, humi flecto. Scamnum ne
quidem

Tangere licebat. *Ludim.* Quis igitur ru-
pit? *Bart.* Mihi

Nil constat. *Gisp.* Ego nil vidi. *Ruff.*

Ego studiis meis

Intentus, atque totus absorptus, nihil

Adverti. *Gisp.* Ego pariter quid agerent
cæteri

Parùm fui sollicitus. *Gorul.* Et ego ne-
minem

Vidi moventem quidpiam. *Dast* Nemo
fuit

Nos inter, hoc qui fregerit scamnum. *Vulp.*
ad Ludim. * Vides

Et hanc fenestram? *Ludim.* Quæ nova in-
solentia?

Tres video rotulas, improbè fractas, furor
Mentem occupat. Jam dicite Pæri citò.

Quis fregit? *Gorul* Ego non. *Gisp.* Nec
ego. *Glaph.* Multò minùs ego.

Pigr. Ego omnium minimè; scholas namque
ultimus

Ingressus. *Ludim.* Ergo quis fuit primus,
scholam

Qui subiit hodie? *Strob.* Nemo vel primus
fuit

Vel solus hodie; sed scholam plures simul
Intravimus.

Scena Quarta.

Reliquis accedit Tardellus.

Ludim. - - Sed unde Tardelle ad scholam

Serus adeò? *Tard.* Quia nemo me matu-
riùs

Ho-

* Fenestras fractas ostendit.

Hodie excitavit. *Ludim.* Nemo? *Vulp.*

Nunquam ergo soles

Nisi excitatus surgere? *Tard.* Quid ad te hoc puer?

Ludim. Puerum cave vocare. Quem coram vides,

Est Visitator, summus Inspector scholæ

Authoritate par mihi. *Vulp.* Dic aptius,

Te Major. *Ludim. ad Tardell.* Ergo sup-
plice inflexus genu

Precare veniam, & osculare dexteram

Novi hujus Inspectoris. Et vos similiter

Rite Venerari discite hoc vestrum caput.

Gisp. An tu ergo non es amplius nostrum ca-
put?

Ludim. Sum, sum utique? sed sicut aquilæ
est duplex caput;

Sic & duplex est nobile huic scholæ Caput.

Sed jam scholis præmissimus longum nimis

Præludium. Ne tempus, atque hora effluat,

Sedete pueri. Dominus Inspector quoque

Velit sedere. Dastile huc sellas cito

Pro utroque nostrum. *Vulp.* Dexterum
occupo latus. *

Ludim. Ubi scheda garrientium? *Dast.* co-
ram Vides.

Ludim. Et scheda nescientium? *Gorul.* co-
ram Vides.

Ludim. Tamen notatum video neminem. *Dast.*
Quia

Nemo hac die garrivit. *Gorul.* Et Nemo
fuit

Nos

* Sedet.

Nos inter hodie nesciens. *Ludim.* Nemo?
hoc placet.

Vulp. Quæso, experire. Fac recitet aliquis
palam.

Ludim. Pigrelle recita. *Pigrell.** Nemo-Ne-
mo. *Ludim.* Pergito.

*Pigrell.*** Nemo. *Ludim.* Quid ultra? *Pigr.*
Nemo-*Vulp.* Quid nemo? nihil

Nonne didicisti? *Pigr.* Nemo-*Ruff*** Fu-
ratur. *Pigr.* scio.

*Furatur-Ruf.**** Alteri. *Pigr.* Alteri. to-
tum scio,

Nemo furatur alteri.

Vulp. Sed quis tibi suggessit hæc? *Pigr.* Ne-
mo mihi

Suggessit aliquid. *Vulp.* Nemo? tamen
ipse audii.

Scena Quinta.

*Personis prioribus accedunt Tityrus, &
Melibeus.*

Tityr. Salvete Pueri! Quis, rogo, quis dicite,
Vos inter est Ludimagister? *Gisp.* Maxi-
mus.

Ludim. Quid vultis? an fors esse Discipuli
mei?

Melib. Custodiat nos Dominus à tanto malo.

Vulp. Scholas adire dicitis magnum malum?
Tityr.

* incipit recitare.

** suggerit.

*** iterum suggerit.

Tityr. Sub hoc Magistro. Sæpius dixit Parens:

Inter suos malim educari Filios,
Quàm cum oppidi scholaribus sub hoc novo
Ludi magistro; namque Porci neminem
Seducere solent; at scholares hi nihil
Discunt, nisi garrere in ædibus sacris,
Parentibus mentiri, agricolis clepere.

Ludim. Nimiùm maledica fœmina est Mater tua.

Melib. Dicit tamen verissima. Experti sumus,
Et primum heri sub vesperam duo ex tuis
Scholaribus clepsere nostro in prædio
Pendentia ex arboribus, & nondum satis
Matura poma. *Tityr.* Hinc adsumus, &
à te modò

Jubente Matre petimus, ut pueri tui
Ablata reddant poma, nî tu cum tuis
Scholaribus damnandus æternùm velis
Perire. *Ludim.* Ego damnandus? *Mel.*
alieni reus

Peccati es, atque particeps furti, nisi
Puoire furca facta per tuos studes.

Ludim. Quinam ergo, qui clepsere poma?
Edicite

Mox singulorum nomina. *Tit.* Equidem
nomina

Nescimus. *Mel.* Hoc Ludimagistri est.
Omnia

Hic scire debet. *Ludim.* At ego plane
nescio.

Tit. Interroga ergo. *Lud.* Poma quis vestrum abstulit?

Bart

Bart. Ego non. *Daft.* minus ego. *Glaph.*

Ego omnium minimè. *Sacra*

Juro per omnia - Lud. sistito. Credo nihil
Jurantibus. Jurare qui audet, nec timet
Mentiri. Ain, sed absque iurando, nihil
Heri abstulisti è prædio? *Glaph.* Omnino
nihil.

Ludim. Quis ergo? *Gorul.* Mentiuntur hi
pueri. Nihil

Quisquam abstulit. *Tit.* si mentior, lepo-
res statim

Devorent, & pedibus anates proterant.

Melib. Me Grando, nix, & fulmem hoc ster-
nant loco.

Glaph. En! Domine Pædagoge dixisti prius,
Jurantibus nihil credo, nam qui non timet
Jurare, nec mentirier timet. *Ludim.* Bene
Ratiocinaris. Igitur è vobis heri

Nemo ulla clepsit poma? *Pueri omnes.* Ne-
mo, nemo. *Glaph.* sic

Testantur iterum singuli. Nemo abstulit
Poma ulla. *Pueri omnes.* Nemo, nemo.

Ludim. * Discedite igitur,
Matrique vestræ nuntiate, Neminem
Poma abstulisse. Repetat ergo à Nemine.

Vulp. ad Tityr. Venite mecum. Judicem
vobis dabo

Multò æquiores hoc homine. **

Scena

* ad Tityr. & Melib.

** Egredientem Vulpulum sequitur Ludimagister. Clau-
ditur schola.

Scena Sexta.

Vulpulus, Ludimagister, Tityrus, Melibæus.

Ludim. - - - Quid agis Vulpule?

Abibis ante tempus? aut nō iam mea
Perspecta satis industria est? *Vulp.* Plus, quam
fatis.

Jam Parvuli venite ad Illustrissimum
Dominum Toporcham. Exponite huic in-
stissimas

Matris querelas. *Tit.* Domine, nescimus
loqui

Magnatibus nos simplices. *Mel.* Nec mu-
nera

Habemus ulla, ut Judicem - *Vulp.* Verbis
nihil,

Credite, opus, aut muneribus. Illustrissi-
mus

Noster. Toparcha Divites non respicit,
Tenaxque justī pauperum causis favet.

Venite. *Lud.* Quin subsistito, obsecro, pa-
rūm,

Scena Septima.

Personis prioribus accedit Menalcas.

Menal. Parūm erudite Domine, num fures tui
Jam deprehensi, de quibus ego heri tibi?
Anatésne restituere? *Vulp.* Quid de furibus?

Menal. Gemini scholares oppidi hesternā die
Anates mihi abstulere geminas. *Vulp.* sic-
cine Non

Non poma tantum, sed anates etiam tui
Didicere puericlepere? *Ludim.* Quomodo
potes

Probare, quod sint ex meis scholaribus
Furunculi isti? *Menal.* heri probavi jam
fatis,

Uterque nempe pallio indutus fuit.

In oppido hoc portare pallium solent

Soli scholares. *Ludim.* pande, quæ illis
nomina.

Menal. Ignoro furum nomina. Hinc munus
tuum

Inquirere, atque examinare, quis reus

Sit ex tuis scholaribus. *Ludim.* Nemo reum

Semet fatetur. Nemo furatus anates.

A Nemine illas repete. *Vulp. ad Menal.*

Me velis sequi,

Amice, vosque parvuli. Illustrissimo

Nostro Topachæ refero causam omnium.

Ludim. Ad quid Toparcha Judice est vobis
opus?

Tityr. Quia tu negas, quod exigit munus
tuum,

Implere. *Melib.* Quin furunculos tuos
foves.

Vulp. Ero Advocatus vester. *Ludim.* Ergo
Vulpulus.

Me forsitan accusabit, & pueros meos?

Vulp. Pro veritate, & innocentia integer

Stat Advocatus, qualis in paucis ego.

Menal. Eamus igitur. *Ludim.* Obsecro simus
boni,

Examinabo denuo pueros meos,

Faciamque certò, ut omnibus fiat satis.

Hoc interim Cubiculum ad brevem moram
Subite. *Menalc.* Non, non perfero inoras.

Tit. Domi

Et nos Parens exspectat. *Ludim.* Audite:
est mihi

Est vini adusti vasculum. Totum hoc lu-
bens

Exhauriendum ad ultimam guttam dabo.

Menalc. Dicis aliquid. *Melib.* Sed poma num
nobis dehinc

Redduntur? *Ludim.* Omnia, omnia, omni-
bus omnia

Redduntur. Agedum Vulpule, & mecum
veni.

Juro, tibi certè sapiet hic liquor meus.

Vulp. Ego vino adusto neutiquam assuevi:
tamen

In parvulorum gratiam tandem sequor.

Ludim. Præeat Dominus Inspector, & vos
hospites

Præite. * Jam silentium! silentium

Servate Pueri. Nemo vel moveat pedem,

Manumve. Nemo mutiat, donec redux

Ego fuero. Tu Rufule fidelis nota,

Si garrientem quempiam, aut extra locum

Suum vagantem videris. Secus, cave!

* aperit non nihil scholæ januam.

Pars Secunda.

Scena Prima.

Ludimagister. Vulpulus.

Ludim. Hoc vinum adustum spiritus in me
novos

Accendit. An non pariter in te Vulpule?

Vulp. Plenus ego sum spiritibus absque spi-
ritu

Hoc vini adusti. *Ludim.* Jam bene. Ri-
gidissimum

Examen instituamus. Assessor mihi,

Vel, si placet, Director examinis eris.

Vulp. Com. itto totum industriæ tuæ hac vice.

Ludim. Eris ergo saltem auditor, & testis mihi.

Sed quid Menalcas dixit? haud memini satis,

Cujus coloris pallio indutus fuit,

Qui clepsit anates? *Vulp.* Dixit hic, Furun-
culos

Fuisse geminos. Candidum uni pallium,

Fuscum alteri fuisse. *Ludim.* Memoria est
tibi

Sat fausta. Sed qui poma clepserunt, qui-
bus

Hi palliis fnère contecti? *Vulp.* Nihil

Scis amplius? num vinum adustum memo-
riam

Exhaust omnem? *Ludim.* Vinum adustum,
puto, nihil

Exhaust ex me; sed ego vobiscum omnium

In sanitatem vasculum exhausti integrum;

Et hinc parumper sentio ambustum Caput.

Vulp.

Vulp. Credo, quotidie spiritum ambustum bibis.

Ludim. Mittamus ista. Dic modò, quibus palliis

Tectos fuisse Tityrus dixit, qui heri Poma abstulerunt? *Vulp.* Candidum uni pallium,

Fuscum alteri, sicut prioribus anatum Furunculis. *Ludim.* sat est. Patebunt omnia.

Mecum scholas subito. Vel quod aptius, In atrio hoc tribunal erigimus novum. *

Scena Secunda.

Ludim. Vulpulus. Pueri scholares omnes.

Ludim. Absente me silentium an rite pueri Tenuistis? *Dist.* Utique. Nemo se movit loco.

Barth. Nemo vagatus per scholam est. *Gisp.* Nemo omnium

Garrivit, aut rixatus est. *Ruf.* Hinc neminem

Potui notare. *Ludim.* Modestia hæc nobis placet.

Jam qui coloris candidi pallia gerunt, Huc pròdeant. Huc pariter adsint, pallia Qui fusca gestant. ponite hic geminas quoque

G 2

Sell-

* aperit scholam.

Sellas utroque ex latere. Claudatur schola.

Scena Tertia.

Ludim. Vulpulus. Sex Pueri Gastrimargulus. Rufulus. Gorigellus. Glaphyrus, Gispulus. Edmundulus.

Ludim. Hic state pueri utrinque. Se nemo moveat,

Nisi vocatus. Nemo responsum, nisi Interrogatus, reddat. Auribus quoque Apponite manus *. nemo verbulum audiat, Nisi ille, cui dignabor ego soli loqui.

Placeat sedere. ** *Vulp.* Examen hoc cernam lubens.

Ludim. Adesto Gastrimargule! edic candidè, Quid abstulisti rustico hesternæ die?

Quid hæsitās? responsa da, *Gastr.* Non audio,

Quod dicis, aures manibus occlusæ nihil Percipere possunt. *Ludim.* Ergo remove-to manum.

Quid abstulisti Rustico hesternæ die?

Jam devorasti anatem? *Gastr.* Quid anatem? conterant

Me pedibus anates, si -- *Ludim.* Loquere pressâ magis,

Nec tam sonorâ voce. Dic -- *Gastr.* anates ego

Non abstuli. *Ludim.* sum lapsus in verbulo anatis.

Dice-

* Pueri aures manibus occludere iubentur.

** ad Vulpulum.

Dicere volebam Poma. Poma Rustico
Heri abstulisti. *Gastr.* Quisquis hoc de me
asserit,

Mentitur, & si tu ipse hoc de me asseris,
Mentiris, & mentiris in collum tuum.

Ludim. Ne, rogo, ita clames. *Gastr.* Clamo
pro fama mea,

Et altius clamabo: non sum Fur ego.

Non patior hæc opprobria. Non sum Fur
ego.

Ludim. Discede Gastrimargule, ad scholam
redi.

Gastr. Non redeo. Dicta repeto: non sum
Fur ego.

Ludim. Jam credo, credo, quod innocens sis,
modo

Discede. *Gastr.* Cedo; at repeto: non
sum fur ego. *

Ludim. Edmundule huc. Fateare. Quis, ut
anates heri

Subduceres, te induxit? *Edm.* Ego subdu-
cere?

Primum, priore hebdomade Mater anserem

Pinguissimum submisit in domum tibi,

Matris tam honestæ filium furti arguis?

Referam Parenti hæc. Anserem nullum
amplius

Videbis. *Ludim.* Esto Edmundule quietus,
Scio,

Esse innocentem; debui tamen modò

Simulare propter cæteros, teque pariter

* abit *Gastr.*

Examinare, pallium dum album geris.

Redi modò, securus ad scholam redi.

Edm. Redibo. Sed contenta vix erit Parens,
Si resciat - - *Ludim.* Nil dicere Parenti hæc
opus.

Alio modo pro injuria faciam satis. *

Ludim. Nihilne pueri audiistis ex dictis modò
Edmundulum inter, atque me? loquamini.

Gorig. Quid audiamus auribus clausis? *Ludim.*
Nihil

Ommino pereepistis? *Gisp.* obscure audii

Aliquid de anate. *Ruf.* Ego de ansere. *Ludim.*
Et quid de ansere?

Ruf. Qualem Parens Edmunduli, cui nescio,
Pinguissimum submitit, & dono dedit.

Ludim. Jam nimia pueri audiistis. Aures
claudere

Vobis oportet melius. En sic. Auribus

Circumligate vestra Collaria. Cito

Cito. ** An modò auditis nihil? *Pueri.* Ni-
hil, nihil.

Ludim. Jam *Gisp.* huc. Cur poma, vel ana-
tes heri

Subducere ausus Rustico es? quis tibi comes?

Furtique facti particeps? die candidè.

Noli negare quidpiam. Scio omnia.

Gisp. Quid ergo quæris, si omnia prius iam
scias?

Ludim. Quoniam fatentes cupio me coram
reos.

Gisp. An ergo cupis, ut mentiar, si me reum
Fate-

* redivit in scholam Edmundulus.

** Pueri collaria auribus circumligant.

Fatebor? *Ludim.* Istud neutiquam. Hoc tantum volo,

Ut omnia fatearis, & neges nihil.

Gisp. Sit ergo. Nil negabo. *Ludim.* Dic ergo mihi:

Quis particeps, & socius in furo fuit?

Anne Gorigellus, anne Glaphyrus? *Gisp.* Nihil

Negabo. *Ludim.* Sed quis ex duobus? Glaphyrus?

Gisp. Nihil negabo. *Glaph.* me argues furti? *Ludim.* Puer!

Sicne audiisti dicta clausis auribus?

Glaph. Quia longiores cæteris aures mihi; Nam sum tuus Cognatus. *Ludim.* Hodie nil valet

Cognatio. Haud respicio carnem, & sanguinem.

Veni, Arctius constringo vel proprio meo Strophio. - - At ubi - - nil reperio. Parum interest.

Sic pileo aures obtege, & ita longius Remotus à me. Pergimus modò, *Gisp.* Ut capimus. Num Glaphyrus furti tui Est particeps? *Gisp.* Nihil negabo. *Ludim.* sed anates.

An Poma subduxistis? Ediffere. *Gisp.* Nihil

Negabo. *Ludim.* Num jam devorastis omnia?

Gisp. Nihil negabo. *Ludim.* Poma, vel anates? *Gisp.* Nihil

Negabo. *Vulp.* Gispile. Unicam breviter tibi

Propono quæstiunculam. Dic, quid tibi Videtur, an non stultus hodierna die Ludimagister veiter est? dic candidè.

Gisp. Nihil negabo. *Ludim.* Quid puer? sic de tuo

Ludimagistro loqueris? *Gisp.* Ipse hoc prius,

Ut nil negarem, jusseras. *Ludim.* Es Gispilus

Et nomine, & re. Cede. Me quoque Gispilum

Efficere posses, si diutius tua

Audire vellem ludicra. *Gisp.* Negabo nihil.

Ludim. Sed advenit jam, Vulpule, Dominus Baro.

Vos * ad scholam redite, donec denuo

Vocabo vos. Examini necdum ultima

Imposita manus est. Judicis sententia

Fluctuat adhuc, & pectoris in imo latet.

Scena Quarta.

Beryllus. *Ludimagister.* *Vulpulus.*

Scribacius. *Dorylas.*

Beryll. An munere tuo, Vulpule, es functus bene?

Et quæ notasti? *Vulp.* Quæ, nisi his oculis meis

Vidissem, & hisce pariter auribus meis

Clare

* pueros remittit ad scholam.

Clare audiissem, facta nunquam crederem.
Ludim. Tantam mihi esse industriam? *Vulp.*

Tantam tuam

Socordiam, atque ineptiam. Pueri tui
Rixantur, & furantur - - *Beryll.* Ecquid
afferis?

Furantur etiam? *Ludim.* Poma tantum, &
anferes,

Anatesve. *Beryll.* Tantum!

Scena Quinta.

*Personis prioribus accedunt Menalcas,
Tityrus, Melibaeus.*

Menalc. - - - Quamdiu nos demique
Suspendis? *Ludim.* Ego suspendere soleo
neminem.

Sum publicus Didascalus, non carnifex.

Tityr. Sed tamdiu cur trahere nos cogis mo-
ras?

Melib. Nondumne, qui furunculi sint ex tuis,
Examinasti? *Ludim.* Examinaui strenue.

Examen interrupt aduentus tuus.

Generose Baro. *Beryll.* Vobisne furati ali-
qua sunt

Hujus scholares? & quid? *Menalc.* Anates
mihi duas.

Tityr. Et poma nobis plurima, & pulcher-
rima.

Scrib. An quis reum se fassus est? *Ludim.* Ne-
mo hactenus

Est fassus; at resumo jam coeptum bene
Exa-

Examen. An spectare tantisper iuvat?

Vulp. Spectate. Mirum, credite, hîc spectaculum

Videbitis.

Scena Sexta

Personis prioribus aperta schola accedunt pueri scholares omnes.

Ludim. - - - Silentium! silentium!

Audite pueri. Nolo vobiscum diu

Certare. Mox effamini, quis est reus

Vos inter, & quis poma, quis anates heri

Est ausus abstulisse? Nemo se movet?

Nemo fatetur quidpiam? moneo ultimum,

Fateamini. Quis abstulit anates? - semel,

Bis - - Ter. Renuitis eloqui? omnes flectite,

Omnes ad unum, & tamdiu, donec rei

Prodantur, & si clepsydra hæc effluxerit,

Nec proditi Furunculi sint denique,

Cædentur omnes, & cædentur ad necem.

Non flectitis? *Dast.* Ego sum innocens.

Ruf. Ego ad altius

Tribunal Inspectoris appello. *Glaph.* Ast ego

Domini Baronis. *Gastr.* Bene, Tribunal altius

Baronis appellamus. Hic Judex erit.

Gorig. Ita est. Ita appellamus. *Pueri omnes.* Appellamus. *Scrib.* Est

Æquissima appellatio, ut Jura approbant.

Est tale tali competens causæ forum.

Beryll.

Berill. Esto igitur. Æquus omnibus Iudex
ero.

Ludim. Authoritas patitur mea; tamen debeo
Domino Baroni cedere, & fasces scholæ
Submittere altioribus ad horam brevem.

Beryll. Claudite scholas tantisper. Huc ad
nos foras

Ludimagister.

Scena Septima.

*Personæ, quæ prius, exceptis Scholari-
bus.*

Beryll. ad Ludim. - - Dicito. E pueris tuis
Omnesne fures credis, & culpæ reos?

Ludim. Absit nefas hoc. Plurimi sunt ex meis

Boni, plique Parvuli, atque innocui,

Quin nec capaces fraudis ullius. *Beryll.*

Igitur

Cur plectis omnes, & quidem poena pari?

Innoxios cum noxiis? *Scrib.* Regula sacri,

Quin & profani Juris *in sexto* vetat

Procedere hoc. *Beryll.* Ineptus es, video
fatis,

Ad Pædagogi publici munus. Parens

Alium tibi substituet hac adhuc die

Doryl. Sed ne amovendus absque honore sit,
simul

Est promovendus. Nempe ab asinorum
Schola

Ad stabulum equorum. *Menalc.* Sed ubi
tunc anates meæ?

Tityr.

Tityr. Et poma nostra? *Beryll.* Cuncta successor novus.

Examinabit melius, & furti reos.

Ut cuncta reddant, coget. Ad Patrem interim

Venite mecum. *Menalc.* Exponere querelas tuo

Domino Patri licebit? *Beryll.* Ita. Liberimè

Exponite. *Scrib.* Advocatus ego vobis ero,

Satis levi pro pretio. *Vulp.* Ego dudum prior

In advocatum me obtuli, & gratis quidem.

Scrib. Gratis? adhuc indoctus es. Gratis nihil

Verus facit Causidicus. *Menalc.* Ita quidem hactenus

Nos docuit experientia. *Melib.* Abeamus cito hinc,

Ut causa finiatur. *Ludim.* O Illustris Baro!

Et vos amici! ah obsecro! miseremini:

Miseremini, si non mei, at saltem meæ

Uxoris, atque Infantium in cubiculis adhuc

Lallantium. Nam munere amotus Pater

Non poterit hos nutrire. Morientur fame

Tot innocentes animulæ. *Doryll.* Panem tibi

Per rastra quæras. *Ludim.* Fodere non valeo, nimis

Tenella manus est. *Menalc.* Ergo mendicam stipem.

Ludim. Hoc erubesco. *Vulpule!* ô mi

Et

Et auree etiam Vulpule! ah! pande, obsecro,

Arcana, quæ te nôsse dicebas prius.

Vulp. Et qualia hæc arcana? *Ludim.* Dixisti prius,

Si Pædagogus ad horulam esses unicam,

Facile adigendos parvulos, ut omnia

Fateantur, & non dicere amplius audeant:

Hæc nemo fecit. Nemo furatus anates,

Et poma nemo clepsit. *Vulp.* Hæc dixi prius,

Quid inde? *Ludim.* Doceas, obsecro, hunc & me modum.

En quindecim tibi crucigeros offero,

Plures enim non continent loculi mei.

Vulp. Ars tanta, credis, quindecim tantum valet.

Viles crucigeros? *Ludim.* Quindecim; credo, aureos

Valet, sed ego non habeo. Cum tempore tamen,

Si ditior ero, quindecim aureos dabo.

Vulp. Dominus Baro si iubeat, aperiam modum,

Artemque, qua deterriti pueri suas

Culpas rejicere in neminem nunquam audeant.

Ludim. Ergo Domine Baro, Vulpulus pandat, jube,

Et doceat artem hanc unicè optandam mihi,

Ne Pædagogi munere amotus hodie

Cum Coniuge, & cum prolibus trinis stipem

Co-

Cogar rogare publicè per oppidum.

Beryll. An ergo verum, Vulpule, an nostri modum,

Artemque talem? *Vulp.* Domine scribaci, anne adhuc

Illam tenes Comœdiam, nuper tibi

A Patriota quopiam missam, & mihi

Avidè audienti nocte prælectam? *Scrib.* Putas

Comœdiam illam, quæ data est de Nemine?

Beryll. Qualis Comœdia hæc, quæ agit de Nemine?

Scrib. Est illa partus Ingenii acutissimi, Authore quodam Nemini notissimo.

Vulp. ad Ludim. Votis tuis aptissima est, cujus scopus

Terrere pueros simplices, ne in neminem Culpas suas rejicere posthæc audeant.

Ludim. Hac utar, & sic munus implebo meum, Ut nemo de me conqueri posthac queat.

Hanc ergo Domine scribe concedas mihi.

Scrib. Hoc comicæ artis obstupescendum omnibus

Musis opus non facilis, aut gratis dabo.

Tres aureos deponco. *Ludim.* Quattuor dabo.

Doryl. Nec quindecim superesse crucigeros tibi

Paulo antea dixisti, & aureos modò

Promittere audes quatuor? *Ludim.* Equidem modò

Non est, fatebor, aureus mihi unicus;

Sed

Sed proximis angariis, quando pueri
Tributa solvent, debitum hoc solvam tibi.

Scrib. Sed interim quod pignus, aut qualem
vadem

Solutionis? *Ludim.* Quotquot in schola mea
Sunt parvuli. hos oppignoro cunctos tibi.
Et si hoc satis non fuerit, & trinos meos
His addo filiolos, licet charissimos.

Scrib. Ista tibi serva pignora, ego meam mihi
Comœdiam. *Ludim.* Quin obsecro. *Vulp.*
haud tandem hac opus.

Comœdiæ substantiam satis scio.

Modò velitis agere Personas, statim

Docebo paucis omnia, & - - *Ludim.* Per-
sonam ego

Quamcunque sustinebo, Lictoris quoque,
Aut publici Carnificis. *Beryll.* An & à me
petis,

Ut sim Actor hac in scena? *Vulp.* Utrique
Primaria

Persona tibi servatur. Ast opus nihil

Mutare vestes. Eritis & tu, & Dorylas

Et scriba, quales estis. Et vos parvulos

Adstare satis est. Solus alienum induet

Habitus Menalcas. *Menalc.* An etiam
multum loqui

Debebo? *Vulp.* Bina verbula. *Menalc.* Et
postea anates

Habebo? *Tityr.* Nos quoque poma hostra?

Ludim. Habebitis,

Quæ vultis omnes omnia. Ergo ad rem
citò.

Hic intus in cubiculo scenæ omnia

Apta-

Aptamus. *Scrib.* Ego non soleo Personam
sine

Stipendio agere. *Ludim.* Spondeo Cere-
visiæ,

Vel vini adusti liberalem haustum tibi.

Doryl. Et *Dorylæ* quid? pariter ego gratis
nego

Servire scenæ. *Ludim.* Pariter, & cum
Musiciis

Potabis. *Doryl.* ô cum Musiciis? sic sobrius
Vixdum domum redibo. *Beryll.* Sed de

Nemine

Quoniam hæc agit Comoedia: Equis Ne-
minis

Personam aget? *Vulp.* Nemo. Sed ad opus
jam citò.

Quid cuique agendum, breviter exponam.
Ludim. Patet

Cubiculum hoc. Hic melius, & sine ar-
bitris

Sunt transigenda cuncta. *Vulp.* Nisi Do-
minus Baro

Subire dedignetur. *Beryll.* Hoc tandem
tuis

Didascale dabo precibus. Ipse serviam,
Quantum patitur Authoritas, scenæ, ut tibi
Ludimagistri munus hac servem die.

Ludim. Exosculor tam Benevolam, & piam
manum.

Præite cuncti. Tum ultimus ego vos se-
quor;

Omnes enim tanquam hospites hodie colo.
Pars

Pars Tertia.

Scena Prima.

Ludimagister. Vulpulus.

Vulp. Attende, moneo: nam interest tantum
tuâ,

Comœdia ut procedat ad votum. *Ludim.*
Nihil

Quod est mearum partium omittam. In-
terim

Quid debeo tibi Vulpule! hac in ultima
Necessitate es Angelus Custos mihi.

Sine te fuisset, alius in Cathedra mea
Sederet, & pauper ego mendicabulum

Stipem rogare cogerer cum prolibus,

Lectissimaque Coniuge. *Vulp.* Hæc mite-
tas modo,

Dum res peracta tota. Discedo interim

Tantisper, atque ex arce servos colligo,

Quos pariter in scena agere Personas volo.

Ludim. Agentne gratis? *Vulp.* Haustus his
dandus utique.

Ludim. Sit. Dummodo Didascali munus mihi

Non auferatur, omnia expendam lubens,

Et si necesse fuerit, uxorem quoque

Cum Prolibus divendo.

Scena Secunda.

Ludimagister. Pueri scholares omnes
aperta schola.

Ludim. . . . Quid pueri interim?

Exerc. Theat. Temul. II.

H.

Si.

Silentium servastis? *Gisp.* Appellavimus.
Ad altius tribunal, haud tua amplius
Jussa reveremur. *Ludim.* Insolens! Jam
munere

Didascali me credis amotum? brevi
Sese alia scena pandet, appellatio
Injuriosa proderit vobis parum.
Sedete nunc, & scribite. Cito scribite;

Incipit dicere. Der Niemand, der Nie-
mand. *

Quid audio? num cuculus in nostra schola?
Dast. Rupta est fenestræ rotula, facilè potuit
hac

Intrare cuculus. *Ludim.* Capite. *Pueri.*
Cernimus nihil.

Barth. Credo, avolavit rursus. *Ludim.* Ergo
scribite.

Der Niemand, der Niemand.

Ruf. En! clamat iterum cuculus. *Glaph.* E
Scamno ultimo

Allapsa vox est. *Ludim.* Quærite in scam-
no ultimo,

Et capite. *Pueri.* Nil videmus. *Ludim.*
Ergo scribite.

Der Niemand, Der Niemand:

Gastr. Clamat iterum. *Ludim.* Ex qua par-
te? *Gastr.* dextra. *Ludim.* Quærite.

Tard. Nunc ex sinistra. *Ludim.* Cuculus hic
mali ominis

Ne sit, timete. Scribite tamen, scribite.

Der Niemand, der Niemand.

Scena

* Puerorum aliquis cuculum imitatur.

Scena Tertia.

*Accedit prioribus Menalcas personatus,
ut nuntius.*

Ludim. Quid tu hîc amice? litteras forsan
mihi

Affers, & à quo denique? *Menalc.* Hic le-
ges. **Ludim.** Mihi

Epistola est inscripta; sed manus tamen

Ignota. Dic, quis scripsit? *Menalc.* Hic lege.

*Ludimagister aperta Epistola subscriptionem
legit. Tuus servus fidelis Nemo. Jam
novi Virum.*

Videte pueri, quanta doctrinæ meæ

Sit fama! Quanta Authoritas! Servum
meum

Se profitetur nemo. Sed dic, qui valet

Hic Nemo? quid nunc agit? *Menalc.* Hic
leges. **Lud.** Nimis

Minutus est Character. Huc Rufule mihi

Mea perspicilia. At Glaphyrus quid mu-
stitat?

Glaph. Quæsit ex me Bartholus - - **Ludim.**
Quid quæsit?

Glaph. An ergo Nemo sit aliquis? **Ludim.**
Quid ambigis?

An Nemo posset scribere, nisi esset aliquis?

Sed porro, Conjux Nemini lectissima,

Et Filius qui vivit? *Menalc.* Hic leges. **Ludim.** Puer

Quid loqueris iterum? *Barth.* Habetne Ne-
mo Filium?

Ludim. Patri simillimum. Stupetis? forsitan
 Nanquam Virum hunc vidistis. *Gisp.* Ego
 nec Neminem,
 Nec Filium hujus Nemini vidi. *Dast.*
 Nihil
 Ego audii de utroque. *Gastr.* semper cre-
 didi,
 Quod nemo tantum nemo sit. *Gornul.* Ego
 non queo
 Percipere, quod aliquis sit hic Nemo. *Lud.*
 Brevi
 Forfan videbis ipsemet. * Sed quid puer
 Inepte! perspicilia fregisti mea?
 O ut ego te. - *Ruf.* Noli, obsecro, irasci;
 Pater
 Namque mihi Vitriarius. Huic clanculum
 Subducta perspicilia tibi post prandium
 Certo afferam. *Ludim.* sed interim quo-
 modo legam,
 Quod Nemo scripsit? *Ruf.* litteras cedas
 mihi,
 Libero oculo sat legere scripturam scio.
Ludim. Arcana forsan continent hæ litteræ
 Communicanda Nemini, minus tibi.
 Nunquid ita Bajule? *Menalc.* Hic leges.
Ludim. Sed Vulpulus.

Scena Quarta.

Personis prioribus accedit Vulpulus.

Vulp. Quid claudus hic Mercurius? aut quæ-
 nam nova

Mendacia affert? *Menalc.* Hic leges. *Vulp.*
 Mendacia?

Ludim.

Ludim. Amice, plures utique tibi erunt literæ

Allis ferendæ. Te morari non velim.

Si crastina redieris, ut decet, dabo

Ad Neminem responsa. * **Vulp.** Num nemo dedit

Epistolam ad te? **Ludim.** Nemo, qui servum meum

Sese fatetur. **Vulp.** Talem amicum gratulor.

Ludim. Nostine, fors ipse vidisti hunc Virum?

Vulp. Jam sæpe vidi Neminem. Quin primum heri

De nocte mecum nemo sat diu fuit.

Ludim. Tecum fuit? ubi? **Vulp.** In arce nostra. **Ludim.** Ergo solet

Etiam videri in arcibus Nemo? **Vulp.** solet,

Sed rarius; nam potius in solitudine

Suevit habitare nemo. Sed, quod dixi, heri

Mecum fuit. **Ludim.** Quid verò in arce negotii

Nemo habuit? **Vulp.** Accusavit, & gravissimè

Pueros tuos, & petiit, ut pro injuriis

Quas passus est graves, satisfaceret sibi.

Ludim. Injurias est passus à pueris meis

Nemo? **Barth.** Tamen non noscimus nos Neminem.

Dast. Quem nemo nostrum vidit unquam.

Vulp. Litteras

A Nemine datas perlege. Hic fors audies,

Quæ sint querelæ Neminis contra tuos.

H 3

Lud.

Ludim. Puer iste perspicillia confregit mea,
 His absque legere nescio minutam nimis
 Hanc Scriptionem. *Vulp.* Cedito chartam
 mihi,
 Tentabo, num libero oculo legere queam,
 Quod nemo scripsit. *Ludim.* Accipe.

Scena Quinta.

*Personis prioribus accedit Dorylas, cum
 duobus servis ex arce personatis,
 ut Faunis.*

Ludim. - - - At quid Dorylas?
 Quæ monstra tecum adducis? *Doryl.* Il-
 lustrissimo
 Nostro annuente venio. Tradas illico
 Duobus hisce, * quotquot è pueris tuis
 Furti reos deprênderis, vel qui mala
 Fraude, ut negarent propria delicta, omnia
 In Neminem rejicere sunt ausi, improbe
 Dixisse soliti: *Nemo fecit.* *Ludim.* Et duo
 Hæc monstra quænam? & unde? *Faun. pri-
 mus.* Nemo nos jubet
 Ad vindicandas denique illatas sibi
 Injurias includere his faccis reos,
 Sibique sistere pueros adeo improbos.
Vulp. Ubi ergo nunc est Nemo? in arce for-
 sitan
 Apud Toparcham? *Faun. 2.* Nemo non
 est amplius
 In arce, solitus horridam & nigram specum
 Inco-

* Faunos designat.

Incolere. Et hinc nos misit, ut pueros reos
Eo abstrahamus. *Doryl.* Annuit votis quo-
que

Dominus Toparcha. *Ludim.* Ast horrida in
cæca specu

Quid traditis hisce pueris fiet? *Faun. 1 mus.*
suo

Tractabit ex officio Nemo, ut solet.

Ludim. Et quomodo tractare captivos solet?

Faun. 2. Suspendit ex arboribus, aut puteo
cavo

Demergit. *Vulp.* O miserrimos vos par-
vulos,

Quicumque læsi Nemini adestis rei.

Doryl. Hos ergo trade, & ocyus: nam sic
jubet

Dominus Toparcha. *Faun. 1 mus.* Et Ne-
mo tales Victimæ

Sui furoris avidus expectat. *Ludim.* Reum

Ego scio neminem ex meis. Hinc neminem

Extradere queo. *Doryl.* Litteras à Nemine

Ad te datas si perlegis, in his omnia

Leges reorum nomina expressa. *Vulp.* Mi-
seri!

Miserrimi! Nemo utique sat clarè omnia

Nomina reorum hîc exprimit. *Doryl.* Igi-
tur lege,

Et trade, quos hæc charta designat reos.

Ruf. Mentitur hodie Nemo, si me inter reos
Signavit. *Gastr.* Et me. *Glaph.* Nemini
credite nihil.

Pueri omnes. Mentitur hodie Nemo. *Doryl.*

Palpabile nimis

Mendacium hoc est, si quis audet dicere:
Mentitur hodie Nemo. Ludim. Sed quomodo
potest

Certò rescire Nemo, quis furti reus?

Quis Poma, vel quis clepserit anates heri?

Faun. imus. An non perennis docuit expe-
rientia,

Quòd nemo videat omnia, & sciat omnia?

Ludim. Fatebor, ipse haud unico legi in libro:

Nemo videt omnia. Nemo novit omnia.

Faun. imus. Propheta nempe est Nemo, quem
nihil latet,

Doryl. Legas igitur. *Das.* An Epistola etiam
illos notat,

Qui scamna confregère? *Pigr.* Vel rotulas?

Vulp. Notat

Omnes reos omnino. *Ludim.* Sed cur vos
duo

Hæc quæritis? vos nempe conscientia

Accusat ipsa. *Das.* Conscientiam nihil

Mihi dicere audio. Timeo tamen, quia

Etiam innocens possem abripi. *Pigr.* Nu-
per & ego

A Pædagogo cæsus, etsi altissimè

Clamarim, & innocentem me esse dixerim.

Doryl. Nil innocens metuat sibi. Solos reos

Hic adnotavit Nemo. *Vulp.* Nec vos quid-
piam

Audebitis negare: nam auribus meis

Hæc dicta percepi utique: *Nemo garriens*

Et nesciens, & Nemo rixatus, anates

Nemo abstulit. Gisp. sic diximus; sed dixi-
mus

De Nemine illo, quem putavimus hactenus
Quod non sit aliquis. *Vulp.* Nemo talis,
dic, ubi est,

Qui non sit aliquis? *Gisp.* Credo, quod sit
nullibi.

Bartb. Ego dicta revoco. Namque volui di-
cere,

Dum nemo dixi, nemo nostrum vel anates
Vel poma clepsit. *Doryl.* Iste nemo ve-
strum ubi est?

Ostende sis. *Bart.* Num ostendere queam
Neminem?

Gisp. Non capio, quomodo Nemo queat esse
alicubi.

Faun. imus. Videbitis mox Neminem in tetra
specu,

Quo vos trahemus. *Vulp.* O malefaustos
nimis.

Doryl. Nunc ergo faccos pandite, atque in-
cludite

Mox nominandos, atque tradendos reos.

Edm. Ludi Magister adjuva! *Pueri omnes.* ad-
juva tuos.

Ludim. Ad altius tribunal à meo prius

Ipsimet appellastis, ibi jam quærite

Præsidia. Ego discedo. *Doryl.* Quin le-
gas prius

Nomina reorum prodita his in litteris.

Dast. Ah Domine Visitator! *Pueri omnes.* ah
miseros juva!

Vulp. Contra Toparchæ imperia nil possum.
Doryl. Lege

Nomina reorum. *Ludim.* Nimius heu! dolor vetat.

Caligat oculus. Nil video de his omnibus, Quæ Nemo scripsit. *Doryl.* Ergo Vulpulus legat.

Ludim. Valetè jam, valetè pupuli mei, Fors ultimùm conspicio vestrum plurimos, Et me ultimùm conspicitis omnes, qui rei Trahentur ad supplicia, quæ Nemo inferet. *Pars Puerorum.* ô iste Nemo! *pars altera.* O iste Nemo!

Scena Sexta.

Personis prioribus accedit Beryllus, Menalcas, Tityrus, Melibæus.

Beryll. ad *Ludimagistrum.* - - - Quo hinc abis?

Subsiste! *Pueri omnes.* Domine Baro, Domine Baro adjuva.

Edm. En ista Monstra abripere nos omnes volunt.

Beryll. Silete! novi jam omnia, & sententiam A Patre latam, Nemine urgente, in reos: Sed dicite, an jam lecta sint palam omnium Nomina reorum, quæ suis in litteris Nemo notavit? *Doryll.* Vulpulus statim leget.

Beryll. Expecta adhuc tantisper. En pueri! ultimam

Precibus meis placatus offert gratiam
Parens Toparcha, nemine invito licet,

Si

Si nempe sponte, & liberè, sed antequam,
Quam Nemo scripsit, charta prælecta fuerit,
Fateamini omnes, quidquid à vobis mali
Hodie patratum est. Venia delicti omnibus
Plenaria est concessa: sed tantum hac vice.

Ludim. O quanta gratia ista! quanta gratia!

Vulp. Utamini ista parvuli, atque in tempore
Utamini, vel nomina reorum lego.

Pueri omnes. Fatebimur. Fatebimur. *Ruful.*
an iis quoque

Hæc gratia est concessa, qui Poma, & anates
Cleptere? *Tityr.* Si reddatis ablata omnia.

Menalc. Aut saltem aliquid æquivalens, si non
habent,

Quod abstulerunt, amplius, & anates meas
Jam devorârunt. *Ruf.* Domine Didascalè,
peto

Veniam exeundi. *Gastr.* Hanc & ego. *Ludim.* Non tempus modò

Est exeundi, sed fatendi. *Beryll.* Si tamen
Exire forsan cupitis, ut, quæ adhuc domi
Residua habetis furta, reddatis, dabo

Veniam exeundi: sed redite huc sine mora.

Menalc. Quid abstulistis igitur? anne anates
meas?

Tityr. An poma nostra? *Gastr.* haud abstu-
limus anates tuas,

Tantum aliqua panis frustula obviantibus
Famelicisque objecimus, sponte ocyus

Nos sunt secutæ. *Glaph.* Poma non furum
modo

Nos Clepsimus; sed prædium plena die

in.

Tityr. Et poma nostra? *Beryll.* Cuncta successor novus

Examinabit melius, & furti reos.

Ut cuncta reddant, coget. Ad Patrem interim

• Venite mecum. *Menalc.* Exponere querelas tuo

Domino Patri licebit? *Beryll.* Ita. Liberimè

Exponite. *Scrib.* Advocatus ego vobis ero,

Satis levi pro pretio. *Vulp.* Ego dudum prior

In advocatum me obtuli, & gratis quidem.

Scrib. Gratis? adhuc indoctus es. Gratis nihil

Verus facit Causidicus. *Menalc.* Ita quidem hætenus

Nos docuit experientia. *Melib.* Abeamus cito hinc,

Ut causa finiatur. *Ludim.* O Illustris Baro!

Et vos amici! ah obsecro! miseremini:

Miseremini, si non mei, at saltem meæ

Uxoris, atque Infantium in cunis adhuc

Lallantium. Nam munere amotus Pater

Non poterit hos nutrire. Morientur fame

Tot innocentes animulæ. *Doryll.* Panem tibi

Per rastra quæras. *Ludim.* Fodere non valeo, nimis

Tenella manus est. *Menalc.* Ergo mendicæ stipem.

Ludim. Hoc erubesco. *Vulpule!* ô mi

Et

Et auree etiam Vulpule! ah! pande, obsecro,

Arcana, quæ te nôsse dicebas prius.

Vulp. Et qualia hæc arcana? *Ludim.* Dixisti prius,

Si Pædagogus ad horulam esses unicam,
Facilè adigendos parvulos, ut omnia
Fateantur, & non dicere amplius audeant:

Hæc nemo fecit. Nemo furatus anates,
Et poma nemo clepsit. *Vulp.* Hæc dixi prius,

Quid inde? *Ludim.* Doceas, obsecro, hunc
& me modum.

En quindecim tibi crucigeros offero,
Plures enim non continent loculi mei.

Vulp. Ars tanta, credis, quindecim tantum
valet.

Viles crucigeros? *Ludim.* Quindecim; credo, aureos

Valet, sed ego non habeo. Cum tempore tamen,

Si ditior ero, quindecim aureos dabo.

Vulp. Dominus Baro si iubeat, aperiam modum,

Artemque, qua deterriti pueri suas
Culpas rejicere in neminem nunquam audeant.

Ludim. Ergo Domine Baro, Vulpulus pandat, jube,

Et doceat artem hanc unicè optandam mihi,
Ne Pædagogi munere amotus hodie

Cum Coniuge, & cum prolibus trinis stipem

Co-

Cogar rogare publicè per oppidum.

Beryll. An ergo verum; Vulpule, an nosti modum,

Artemque talem? *Vulp.* Domine scribaci, anne adhuc

Illam tenes Comoediam, nuper tibi

A Patriota quopiam missam, & mihi

Avidè audienti nocte prælectam? *Scrib.*

Putas

Comoediam illam, quæ data est de Nemine?

Beryll. Qualis Comoedia hæc, quæ agit de Nemine?

Scrib. Est illa partus Ingenii acutissimi, Authore quodam Nemini notissimo.

Vulp. ad Ludim. Votis tuis aptissima est, cuius scopus

Terrere pueros simplices, ne in neminem Culpas suas rejicere posthæc audeant.

Ludim. Hac utar, & sic munus implebo meum,

Ut nemo de me conqueri posthac queat.

Hanc ergo Domine scribe concedas mihi.

Scrib. Hoc comicæ artis obstupescendum omnibus

Musis opus non facilis, aut gratis dabo.

Tres aureos deponco. *Ludim.* Quattuor dabo.

Doryl. Nec quindecim superesse crucigeros tibi

Paulo antea dixisti, & aureos modò

Promittere audes quattuor? *Ludim.* Equidem modò

Non est, fatebor, aureus mihi unicus;

Sed

Sed proximis angariis, quando pueri
Tributa solvent, debitum hoc solvam tibi.

Scrib. Sed interim quod pignus, aut qualem
vadem

Solutionis? *Ludim.* Quotquot in schola mea
Sunt parvuli. hos oppignoro cunctos tibi.
Et si hoc satis non fuerit, & trinos meos
His addo filiolos, licet charissimos.

Scrib. Ista tibi serva pignora, ego meam mihi
Comœdiam. *Ludim.* Quin obsecro. *Vulp.*
haud tandem hac opus.

Comœdiæ substantiam satis scio.

Modò velitis agere Personas, statim

Docebo paucis omnia, & - - *Ludim.* Per-
sonam ego

Quamcunque sustinebo, Liçtoris quoque,
Aut publici Carnificis. *Beryll.* An & à me
petis,

Ut sim Actor hac in scena? *Vulp.* Utique
Primaria

Persona tibi servatur. Ast opus nihil
Mutare vestes. Eritis & tu, & Dorylas
Et scriba, quales estis. Et vos parvulos
Adstare satis est. Solus alienum induet
Habitum Menalcas. *Menalc.* An etiam
multum loqui

Debeo? *Vulp.* Bina verbula. *Menalc.* Et
postea anates

Habebo? *Tityr.* Nos quoque poma hostra?
Ludim. Habebitis,

Quæ vultis omnes omnia. Ergo ad rem
citò.

Hic intus in cubiculo scenæ omnia

Apta-

Aptamus., *Scrib.* Ego non soleo Personam
fine

Stipendio agere. *Ludim.* Spondeo Cere-
visiæ,

Vel vini adusti liberalem hauſtum tibi.

Doryl. Et *Dorylæ* quid? pariter ego gratis
nego

Servire scenæ. *Ludim.* Pariter, & cum
Musiciſ

Potabis. *Doryl.* ô cum Musiciſ? ſic ſobrius
Vixdum domum redibo. *Beryll.* Sed de

Nemine

Quoniam hæc agit Comoedia: Ecquis Ne-
minis

Personam aget? *Vulp.* Nemo. Sed ad opus
jam citò.

Quid cuique agendum, breviter exponam.

Ludim. Patet

Cubiculum hoc. Hic melius, & ſine ar-
bitris

Sunt tranſigenda cuncta. *Vulp.* Niſi Do-
minus Baro

Subire dedignetur. *Beryll.* Hoc tandem
tuis

Didafcale dabo precibus. Ipſus ſerviam,
Quantum patitur Authoritas, scenæ, ut tibi
Ludimagiſtri munus hac ſervem die.

Ludim. Exoſcutor tam Benevolam, & piam
manum.

Præite cuncti. Tum ultimus ego vos ſe-
quor;

Omnes enim tanquam hoſpites hodie colo.
Pars

Pars Tertia.

Scena Prima.

Ludimagister. Vulpulus.

Vulp. Attende, moneo: nam interest tantum tuam,

Comœdia ut procedat ad votum. *Ludim.* Nihil

Quod est mearum partium omittam. Interim

Quid debeo tibi Vulpule! hac in ultima Necessitate es Angelus Custos mihi.

Sine te fuisset, alius in Cathedra mea Sederet, & pauper ego mendicabulum

Stipem rogare cogerer cum prolibus, Lectissimaque Coniuge. *Vulp.* Hæc mitas modo,

Dum res peracta tota. Discedo interim

Tantisper, atque ex arce servos colligo,

Quos pariter in scena agere Personas volo.

Ludim. Agentne gratis? *Vulp.* Haustus his dandus utique.

Ladim. Sit. Dummodo Didascali munus mihi

Non auferatur, omnia expendam lubens,

Et si necesse fuerit, uxorem quoque

Cum Prolibus divendo.

Scena Secunda.

Ludimagister. Pueri scholares omnes aperta schola.

Ludim. . . . Quid pueri interim?

Exerc. Theat. Temul. II.

H.

Si.

Silentium servastis? *Gisp.* Appellavimus
Ad altius tribunal, haud tua amplius
Jussa reveremur. *Ludim.* Insolens! Jam
munere

Didascoli me credis amotum? brevi

Sese alia scena pandet, appellatio

Injuriosa proderit vobis parum.

Sedete nunc, & scribite. Cito scribite.

Incipit dicere. Der Niemand, der Niemand.
mand. *

Quid audio? num cuculus in nostra schola?

Dast. Rupta est fenestræ rotula, facile potuit
hac

Intrare cuculus. *Ludim.* Capite. *Pueri.*

Cernimus nihil.

Barth. Credo, avolavit rursus. *Ludim.* Ergo
scribite.

Der Niemand, der Niemand.

Ruf. En! clamat iterum cuculus. *Glaph.* E
Scamno ultimo

Allapsa vox est. *Ludim.* Quærite in scam-
no ultimo,

Et capite. *Pueri.* Nil videmus. *Ludim.*
Ergo scribite.

Der Niemand, Der Niemand.

Gastr. Clamat iterum. *Ludim.* Ex qua par-
te? *Gastr.* dextra. *Ludim.* Quærite.

Tard. Nunc ex sinistra. *Ludim.* Cuculus hic
mali ominis

Ne sit, timete. Scribite tamen, scribite.

Der Niemand, der Niemand.

Scena

* Puerorum aliquis cuculum imitatur.

Scena Tertia.

*Accedit prioribus Menalcas personatus,
ut nuntius.*

Ludim. Quid tu hic amice? litteras forsan
mihi

Affers, & à quo denique? *Menalc.* Hic le-
ges. *Ludim.* Mihi

Epistola est inscripta; sed manus tamen

Ignota. Dic, quis scripsit? *Menalc.* Hic lege.

*Ludimagister aperta Epistolæ subscriptionem
legit. Tuus servus fidelis Nemo. Jam
novi Virum.*

Videte pueri, quanta doctrinæ meæ

Sit fama! Quanta Authoritas! Servum
meum

Se profitetur nemo. Sed dic, qui valet

Hic Nemo? quid nunc agit? *Menalc.* Hic
leges. *Lud.* Nimis

Minutus est Character. Huc Rufule mihi

Mea perspicilla. At Glaphyrus quid mu-
stitat?

Glaph. Quæsit ex me Bartholus - - *Ludim.*

Quid quæsit?

Glaph. An ergo Nemo sit aliquis? *Ludim.*

Quid ambigis?

An Nemo posset scribere, nisi esset aliquis?

Sed porro, Conjux Nemini lectissima,

Et Filius qui vivit? *Menalc.* Hic leges. *Lud.*

dim. Puer

Quid loqueris iterum? *Barth.* Habetne Ne-
mo Filium?

Ludim. Amice, plures utique tibi erunt litteræ

Allis ferendæ. Te morari non velim.

Si crastina redieris, ut decet, dabo

Ad Neminem responsa. * **Vulp.** Num nemo dedit

Epistolam ad te? **Ludim.** Nemo, qui servum meum

Sese fatetur. **Vulp.** Talem amicum gratulor.

Ludim. Nostine, fors ipse vidisti hunc Virum?

Vulp. Jam sæpe vidi Neminem. Quin primum heri

De nocte mecum nemo sat diu fuit.

Ludim. Tecum fuit? ubi? **Vulp.** In arcenostra. **Ludim.** Ergo solet

Etiam videri in arcibus Nemo? **Vulp.** solet,

Sed rarius; nam potius in solitudine

Suevit habitare nemo. Sed, quod dixi, heri

Mecum fuit. **Ludim.** Quid verò in arce negotii

Nemo habuit? **Vulp.** Accusavit, & gravissimè

Pueros tuos, & petiit, ut pro injuriis

Quas passus est graves, satisfaceret sibi.

Ludim. Injurias est passus à pueris meis

Nemo? **Barth.** Tamen non noscimus nos Neminem.

Dast. Quem nemo nostrum vidit unquam.

Vulp. Litteras

A Nemine datas perlege. Hic fors audies,

Quæ sint querelæ Neminis contra tuos.

Ludim. Puer iste perspicillia confregit mea,
 His absque legere nescio minutam nimis
 Hanc Scriptionem. *Vulp.* Cedito chartam
 mihi,
 Tentabo, num libero oculo legere queam,
 Quod nemo scripsit. *Ludim.* Accipe.

Scena Quinta.

*Personis prioribus accedit Dorylas, cum
 duobus servis ex arce personatis,
 ut Faunis.*

Ludim. - - - At quid Dorylas?
 Quæ monstra tecum adducis? *Doryl.* Il-
 lustrissimo
 Nostro annuente venio. Tradas illico
 Duobus hisce, * quotquot è pueris tuis
 Furti reos deprênderis, vel qui mala
 Fraude, ut negarent propria delicta, omnia
 In Neminem rejicere sunt ausi, improbe
 Dixisse soliti: *Nemo fecit.* *Ludim.* Et duo
 Hæc monstra quænam? & unde? *Faun. pri-
 mus.* Nemo nos jubet
 Ad vindicandas denique illatas sibi
 Injurias includere his faccis reos,
 Sibique sistere pueros adeo improbos.
Vulp. Ubi ergo nunc est Nemo? in arce for-
 sitan
 Apud Toparcham? *Faun. 2.* Nemo non
 est amplius
 In arce, solitus horridam & nigram specum
 Inco-

* Faunos designat.

Incolere. Et hinc nos misit, ut pueros reos
Eo abstrahamus. *Doryl.* Annuit votis quo-
que

Dominus Toparcha. *Ludim.* Ast horrida in
cæca specu

Quid traditis hisce pueris fiet? *Faun. 1mus.*
suo

Tractabit ex officio Nemo, ut solet.

Ludim. Et quomodo tractare captivos solet?

Faun. 2. Suspendit ex arboribus, aut puteo
cavo

Demergit. *Vulp.* O miserrimos vos par-
vulos,

Quicumque læsi Nemini adestis rei.

Doryl. Hos ergo trade, & ocyus: nam sic
jubet

Dominus Toparcha. *Faun. 1mus.* Et Ne-
mo tales Victimās

Sui furoris avidus expectat. *Ludim.* Reum

Ego scio neminem ex meis. Hinc neminem

Extradere queo. *Doryl.* Litteras à Nemine

Ad te datas si perlegis, in his omnia

Leges reorum nomina expressa. *Vulp.* Mi-
seri!

Miserrimi! Nemo utique sat clarè omnia

Nomina reorum hîc exprimit. *Doryl.* Igi-
tur lege,

Et trade, quos hæc charta designat reos.

Ruf. Mentitur hodie Nemo, si me inter reos
Signavit. *Gastr.* Et me. *Glaph.* Nemini
credite nihil.

Pueri omnes. Mentitur hodie Nemo. *Doryl.*
Palpabile nimis

Mendacium hoc est, si quis audet dicere :
Mentitur hodie Nemo. Ludim. Sed quomodo
 potest

Certò rescire Nemo, quis furti reus?

Quis Poma, vel quis clepserit anates heri?

Faun. imus. An non perennis docuit expe-
 rientia,

Quòd nemo videat omnia, & sciat omnia?

Ludim. Fatebor, ipse haud unico legi in libro:
Nemo videt omnia. Nemo novit omnia.

Faun. imus. Propheta nempe est Nemo, quem
 nihil latet,

Doryl. Legas igitur. *Das.* An Epistola etiam
 illos notat,

Qui scamna confregère? *Pigr.* Vel rotulas?

Vulp. Notat

Omnes reos omnino. *Ludim.* Sed cur vos
 duo

Hæc quaritis? vos nempe conscientia

Accusat ipsa. *Das.* Conscientiam nihil

Mihi dicere audio. Timeo tamen, quia

Etiam innocens possem abripi. *Pigr.* Nu-
 per & ego

A Pedagogo cæsus, etsi altissimè

Clamarim, & innocentem me esse dixerim.

Doryl. Nil innocens metuat sibi. Solos reos

Hic adnotavit Nemo. *Vulp.* Nec vos quid-
 piam

Audebitis negare: nam auribus meis

Hæc dicta percepi utique: *Nemo garriens*

Et nesciens, & Nemo rixatus, anates

Nemo abstulit. Gisp. sic diximus; sed dixi-
 mus

De Nemine illo, quem putavimus hactenus
Quod non sit aliquis. *Vulp.* Nemo talis,
dic, ubi est,

Qui non sit aliquis? *Gisp.* Credo, quòd sit
nullibi.

Bartb. Ego dicta revoco. Namque volui di-
cere,

Dum nemo dixi, nemo nostrum vel anates
Vel poma clepsit. *Doryl.* Iste nemo ve-
strum ubi est?

Ostende sis. *Bart.* Num ostendere queam
Neminem?

Gisp. Non capio, quomodo Nemo queat esse
alicubi.

Faun. imus Videbitis mox Neminem in tetra
specu,

Quò vos trahemus. *Vulp.* O malefaustos
nimis.

Doryl. Nunc ergo faccos pandite, atque in-
cludite

Mox nominandos, atque tradendos reos.

Edm. Ludi Magister adjuva! *Pueri omnes.* ad-
juva tuos.

Ludim. Ad altius tribunal à meo prius

Ipsimet appellastis, ibi jam quærite

Præsidia. Ego discedo. *Doryl.* Quin le-
gas prius

Nomina reorum prodita his in litteris.

Dast. Ah Domine Visitator! *Pueri omnes.* ah
miseros juva!

Vulp. Contra Toparchæ imperia nil possum.
Doryl. Lege

Nomina reorum. *Ludim.* Nimius heu! dolor vetat.

Caligat oculus. Nil video de his omnibus, Quæ Nemo scripsit. *Doryl.* Ergo Vulpulus legat.

Ludim. Valete jam, valete pupuli mei, Fors ultimùm conspicio vestrum plurimos, Et me ultimùm conspicitis omnes, qui rei Traherentur ad supplicia, quæ Nemo inferet. *Pars Puerorum.* ô iste Nemo! *pars altera.* O iste Nemo!

Scena Sexta.

Personis prioribus accedit Beryllus, Menalcas, Tityrus, Melibæus.

Beryll. ad Ludimagistrum. - - - Quo hinc abis?

Subsiste! *Pueri omnes.* Domine Baro, Domine Baro adjuva.

Edm. En ista Monstra abripere nos omnes volunt.

Beryll. Silete! novi jam omnia, & sententiam A Patre latam, Nemine urgente, in reos: Sed dicite, an jam lecta sint palam omnium Nomina reorum, quæ suis in litteris Nemo notavit? *Doryll.* Vulpulus statim leget.

Beryll. Expecta adhuc tantisper. En pueri! ultimam

Precibus meis placatus offert gratiam
Parens Toparcha, nemine invito licet,

Si

Si nempe sponte, & liberè, sed antequam,
Quam Nemo scripsit, charta prælecta fuerit,
Fateamini omnes, quidquid à vobis mali
Hodie patratum est. Venia delicti omnibus
Plenaria est concessa: sed tantum hac vice.

Ludim. O quanta gratia ista! quanta gratia!

Vulp. Utamini ista parvuli, atque in tempore
Utamini, vel nomina reorum lego.

Pueri omnes. Fatebimur. Fatebimur. *Ruful.*
an iis quoque

Hæc gratia est concessa, qui Poma, & anates

Cleptere? *Tityr.* Si reddatis ablata omnia,

Menalc. Aut saltem aliquid æquivalens, si non
habent,

Quod abstulerunt, amplius, & anates meas
Jam devorârunt. *Ruf.* Domine Didascalè,
peto

Veniam exeundi. *Gastr.* Hanc & ego. *Ludim.* Non tempus modò

Est exeundi, sed fatendi. *Beryll.* Si tamen
Exire forsan cupitis, ut, quæ adhuc domi
Residua habetis furta, reddatis, dabo

Veniam exeundi: sed redite huc sine mora.

Menalc. Quid abstulistis igitur? anæ anates
meas?

Tityr. An poma nostra? *Gastr.* haud abstu-
limus anates tuas,

Tantum aliqua panis frustula obviantibus

Famelicisque objecimus, sponte ocyus

Nos sunt secutæ. *Glaph.* Poma non furum
modo

Nos Clepsimus; sed prædium plena die

in-

Intravimus. *Gorul.* Quin absque vi detraximus.

Beryll. Quidquid sit. Ite, & reddite ablata ocyus.

Glaph. Absumpta poma reddere haud possum amplius.

Melib. Pecuniam ergo redde pro pomis mihi.

Glaph. Nec obolus est in sacculis. *Gorul.* sed nec mihi.

Tityr. Sit. Ergo aliud æquivalens redde. *Gorul.* Alvarum

Hunc cedo vobis. *Glaph.* Ego meum Canisium.

Tityr. Quid cum libris nos? *Mel.* aliud exsolve pretium.

Gorul. En! hîc sacra amuleta, sunt contra Magas

Remedia præstantissima. Hæc Mater dedis Gestanda collo. Exinde nulla venefica

Me fascinare potuit, et si plurimas

Nostra numeret vicinia. *Glaph.* Corollam quoque

Hanc offero. Non poma tot, crede, abstuli,

Quot grana numerat. *Tityr.* sed tamengrana omnia

Pomum valent nec unicum. *Melib.* Pecunias!

Pecunias! *Vulp.* Non scitis, ô pueri, satis Pretium æstimare mercium. An non, *Glaphyre*

Isthæc corolla venit è terra sacra?

Glaph. Piissimus Eremita donavit meæ

Matri

Matri, sorori Mater, & soror mihi.

Vulp. Nil ergo dubites, venit à terra sacra.

Tityr. Talem corollam, quæ sit è terra sacra,
Jam sæpius, ni fallor, optavit Parens.

Melib. Accipimus, & referimus ad matrem
domum.

Vulp. Etiam sacra amuleta noli spernere.

Infossa stabuli postibus cunctis Magis

Aditum vetabunt. *Melib.* Bene. Amitam
nostram Parens

Sagam esse suspicatur, & nuper caprum

Male fascinaſſe. Poterit adversus amitam

Servire res hæc sacra, *Tityr.* Matri ergo
ferimus.

Glaph. Soluta sunt jam poma. Redeamus
domum.

Melib. Valete modò furunculi. A vobis nihil
Ultra petemus, vos quoque à nobis nihil.*

Beryll. Fateantur etiam cæteri culpas suas,
Quas imputarunt Nemini. *Faun.* 1. Aut
sacco inditos

Ad Neminem deferimus in notam specum.

Pueri omnes. Fatebimur, fatebimur sponte
omnia.

Ludim. Quis ergo scamna fregit, aut quis in-
solens

Rotulas fenestræ rupit? *Pigr.* Alvarus. *Lud.*
Alvarus?

Nemo vocatur Alvarus veſtrûm omnium,

Pigr. Liber iste sic vocatur. *Beryll.* Hic igitur
liber

Ru-

Rupit fenestras? *Pigr.* Rupit. In causa tamen

Est Strobulus. *Strob.* Quid? me facinoris argues,

Quod tu patraſti? nonne tu iratus mihi
Licet absque causa debita hunc librum Alvarum

Projicere non es veritus in caput meum?
Ni providè adeo capite deflexo in latus
Tuum furorem effugere scivissem, gravi
Me sauciaſſes vulnere. *Pigr.* Imo improvide

Jactum paraſti effugere; Sic enim Alvarus
Impegit in fenestram, &, invito licet
Me, teque rotulas fregit. *Ludim.* Egiſtis male

Uterque, sed tu Strobule tamen pessime.
Est fragile vitrum. Fortius caput tuum
Excipere debuisset hunc jactum libri.

Vulp. Sapienter! *Menalc.* At furunculos anatum vides

Redire Domine. Fac modò reddant mihi
Ablata. *Beryll.* Faciàm.

Scena Septima.

Personis prioribus accedunt Rufulus, & Gaſtrimargulus.

Beryll. - - - adeste! num fertis anates,
Quas abstulisti? *Ruf.* Ecce! * *Men.* Quid? selem mihi?

Ruf.

* Rufulus ex corbe extrahit selem.

Ruf. Imo & anatem; nam felis hæc anatem tuam

Hæc nocte devoravit. Invenies adhuc

In ventre. Sic restituo surreptam tibi,

Quin addidi aliquid amplius, pellem Cati.

Gastr. Hunc anserem, cerne, anatis absumpta loco

Restituo. * *Menalc.* Recipio. *Beryll.* Sed unde tu anserem?

Nonne abstulisti? *Gastr.* Neutiquam. Soror mea

Mei miserta hunc obtulit. *Ludim.* Quænam tua

Hæc soror? *Gastr.* Adhuc est parvula. *Vulp.* Unde illa anserem?

Gastr. Deprendit in vicinia. Nil ultra ego Interrogavi, quis, quid, ubi, vel quomodo.

Menalc. Factum bene. Nec pluribus ego interrogo,

Unde anser iste. Accipio. Tu * pariter mihi

Des anserem, nil exigo ultra. *Ruf.* Jam Catum

Et in Cati stomacho tenes anatem tuam.

Abito. *Vulp.* Amice, pinguis hic anser satis.

Geminis anatibus, non putas, æquivalet?

Contentus esto, & Nemini grates age,

Dum pro anate macra jam anserem pinguem tenes

Menalc. Esto, igitur abeo. Nemini grates ago.

Scena

offert in corbe anserem.

Scena Octava.

Accedit scribacius.

Scrib. Has nomine Illustrissimi mei scholas,
Reviso, quæ sunt gesta, visurus. *Ludim.* Bene
Hucusque sunt gesta omnia ad votum meum.

Scrib. Nullosne pueros Faunus in locum hor-
ridum

Abstraxit, atque ad Neminem abduxit?

Faun. 1. Nihil

Ut conspicias; adhuc continet saccus meus.

Faun. 2. Debebimus redire vacui ad Neminem;

Nam sponte pueri jam fatentur omnia.

Edm. Fatebimur adhuc plura. Scamna nem-
pe ego,

Et Dastilus confregimus, sed non mala

Intentione. *Dast.* Finximus nobis, equum

Hoc esse scamnum. Incendimus uterque,
& alacres

Incepimus equitare; sed rupto pede

Concidit hic equus, & nos pariter. *Ludim.*

Et quis prius

Tibi recitanti plura suggestit? an adhuc

Asserere pergis: Nemo suggestit mihi?

Pigr. Non Nemo fuit, at Rufulus, qui mihi
prius

Suggestit aliqua. *Ruf.* Credidi hoc opus
pium,

Et charitatis esse perfectissimum.

Vulp. Et quid modo Tardellus? an te hodie
manè

Nemo excitavit? *Tard.* Nemo nil fecit
hodie

An-

Ancilla sola me excitavit. *Ludim.* Denique

An Nemo fuerat garriens, aut nesciens?
Daß. Non Nemo fuerat garriens, aut nesciens;
Sed nullus ex pueris voluit hodie mihi
Recitare. *Gorul.* Sed nec garriens Nemo
fuit.

Omnes simul garrivimus. *Beryll.* Sat est.
Placet

Confessio tam candida. Hac ergo vice
Pronuntio vos liberos pœna, licet
Bene meritâ. Vos ite Fauni, & Nemini
Renuntiate gesta. *Faun. 1.* Vix erit satis
Contentus iste Nemo, si nos viderit,
Saccis redire inanibus. *Faun. 2.* Saltem
duos

Concede pueros devorandos *Pueri omnes.*
Adjuva

Nos Domine Baro. Nos adjuva! *Beryll.**
Desistite.

Hodie nihil concedo; sed si proxime
Audebit iterum quispiam ex ista schola
Negare pertinaciter culpas suas,
Et Nemini imputare, dicendo, ut solent:
Hoc Nemo fecit. Nemo garrivit. anates
Et poma clepsit Nemo. Nemo est nesciens.
Tunc ocyus redite: & in solitudinem
Abstrahite tales, & lacunis mergite
Horrida in eremo, aut arboribus appendite,
Ut nempe Nemo jusserit. *Faun. 1.* redi-
bimus;

Et

ad Faunos.

Exer. Theat. Tomul. II. I

Et forte statim crastinâ. *Faun.* 2. Nil ambigo,

Cras denuo, delicta qui negent, erunt.

Barth. Cavebimus. *Edm.* De Nemine ego nec verbulum

Posthac loquar. *Ludim.* Vidistis, ô pueri, modo,

Quis Nemo sit, qualisque? *Gisp.* Non vidi quidem,

Sed nec videre cupio. *Dast.* Maneat in sua

Solitudine ista Nemo cum Faunis suis.

Ruf. Quàm nos hodie in angustias acerrimas Coniecit iste Nemô! *Ludim.* Semper Neminem

Ergo timete; nam mihi prodet omnia;

Quia Nemo novit omnia, & videt omnia.

Scrib. Hanc ergo gnomen dextera scriptam mea

In limine hoc suspendo, quò pueris fiat Frcenum salubre, ne audeant posthac suas Negare pertinaciter culpas. Quia

Nemo videt omnia. Nemo novit omnia.

Lud. Et prodere potest omnia, & prodet mihi.

Beryll. Nunc Ite! claudantur scholæ. Post prandium

Vacabitis. *Ludim.* Vacabitis, ita, in gratiam

Domini Baronis. *Pueri omnes.* Vivat, & vivat diu

Dominus Baro. *Gisp.* Etiam Dominus Inspector scholæ

Vivat

Vivat diu! *Pueri omnes*. Vivat diu! *Ludim*,
De me nihil?

Vulp. Ludimagister vester an hic non diu
Vivat? *Gisp.* Hodie vivat. *Pueri*. Hodie
vivat diu. *

Vulp. Finita jam Comoedia ad votum tuum.

Doryll. Actoribus nunc siste te gratum quoque.

Ladim. Si vini adusti placeat haustus, hoc
meum

Cubiculum subite; sed Domine Baro,
Nunc utique confirmatus in munere meo
Non habeo, cur sollicitus ultra sim? *Beryll.*
Potes

Securus esse, quamdiu pueri tui
Tam simplices, ut Neminem timeant, erunt;

Q. A. M. D. G.



I 2

AVA-

* Abeunt Scholares.



AVARITIA PUNITA.

Argumentum

Dedit civis, qui effigiem, qua se depingi curavit, acceptare renuit ob nimium, ut avaro videbatur, pretium. Pictor ingenioso usus dolo effecit, ut non modò petitum, sed majus etiam pretium pendere coactus fuerit.

Personæ.

Chremes.

Filius, Toparchæ;

Amanuensis, Toparchæ.

Filius, Chremetis

Apellinus, Filius Pictoris Urbani.

Pictor, Steinheimiensis.

Philippulus, Studiosus.

Dorylas, Famulus Chremetis.

Mopsulus, Puer Rusticus.

Apparitor.

Pars

Pars Prima.

Scena Prima.

Chremes, Filius.

Cbrem. Nunquid Fili! belle ornatum cubiculum meum? *Fil.* Quot, quæso Pater! pecunias pro fumosis his imaginibus prodigus expendisti? *Cbrem.* Nullas expendi pecunias: ex hæreditate fratris mei nuper defuncti hæc omnia mihi obtigerunt. *Fil.* Cur verò non

vendidisti hanc hæreditatem? semper enim solebas dicere, gratiorem tibi esse nummum solidum, quàm centum tabulas telæ lineæ, quibuscunque coloribus illinitæ? *Cbrem.* Cogitabam vendere has effigies, sed duplex obstitit ratio: Prima, quia nullum emptorem inveni; Secunda, quia has effigies in tuam gratiam reservare volui. *Fil.* In meam gratiam?

Cbrem. ut maiores tuos agnoscere, & venerari, atque etiam posteris tuis possis olim ostendere prælapiam tuam. Hi omnes enim tui sunt progenitores. Ecce! effigies hæc est avi tui, qui primus ex stirpe nostra ex sabaudia in germaniam transiit, & purgandis ibidem caminis magnam sibi famam peperit. *Fil.* Ex tam humili opificio magnam famam?

Cbrem. næ humile opificium dixeris, quod, qui exercent, semper ad altiora ascendunt, & super aliorum capita ambulant in excelsis. - Hic verò avi tui frater est, pariter ex sabaudia in germaniam delatus, muscipularum stru-

endarum, & capiendorum murium peritissimus artifex. *Fil.* Nobile nobilissimæ artis exercitium per campos, & agros insidias struere. *Cbrem.* Utique magnis belli ducibus comparari potest, qui semper in campo hostibus Patriæ invigilat, & captos trahit. Tercius hic tuus Patruus est, frater meus, qui etiam tenui ex mercatura, forficulis, cultellis, quin & sulphuratis lignis quæstum fecit eximium, apud Rusticos præsertim, & pueros, quos mirabili industria scivit inducere. Atque hic nuper defunctus omnem mercaturam suam, & hanc liberrimè exercendi facultatem mihi legavit, quam & ego olim legabo tibi. Hanc, si debita cum industria exercueris, ditissimus tandem efficieris, & filii tui se poterunt scribere prænobiles. *Fil.* Cur non jam Prænobilem me scribo tantis majoribus ortus? *Cbrem.* quia Prænobiles non solent exercere mercaturam tantum tenuiorem, sed grandioribus commerciis nomen suum, & sua marsupia dilatant. *Fil.* quæ verò hic pendet Regula sine ulla effigie? *Cbrem.* Meam effigiem hæc Regula expectat. *Fil.* Tuam? cur? *Cbrem.* quia & ego utique inter majores tuos æternam memoriam, & venerationem à te, & tuis posteris mereor, & exspecto. I, pictorem adi, & quære, an nondum absolverit, quam nuper pingendam petii, effigiem meam. *Fil.* Qualis hic pictor? *Cbrem.* Italus est, & Pictor in arte sua celeberrimus. *Fil.* italus? ergo erit pretiosus. Quantum putas debebis expendere pro

pro hac effigie? non prius convenisti cum pictore? *Cbrem.* non conveni. decem tamen denarios non invitus dabo. *Fil.* Pro trium palmarum rudi tela coloribus obfuscata decem denarios? *Cbrem.* non pluris æstimas effigiem venerandi Parentis tui? super omnia æstimare debes parentem, & præsertim parentem talem, qualis sum ego, tam pro te sollicitus, & pro te ditando in me ipsum parvus. Abi jam ad pictorem italicum - - at advenit ipsius filius.

Scena Secunda.

Accedit Filius Pictoris.

Apel. Pater meus strenuæ Dominationi suæ se commendat. *Fil.* Strenuæ Dominationi!

Apel. & petitam effigiem submittit ad vota, ut sperat, perfectam. *Cbrem.* Videamus ergo.

Ap. patere moras, dum evolvam pluribus picturis involutam. *Cbr.* An plures alii petiere exprimi effigies suas?

Ap. plures, ad quos modo præsentem deferre iubeor. *Fil.* Cujus hæc est effigies?

Ap. est effigies Dominæ illius modò viduæ - - nomen non occurrit - -

est Dominæ, cujus Maritus ante octiduum mortuus est, habitat propè domum nostram.

Cbr. Hæcne petiit se depingi? & cur post mortem Mariti?

Ap. quia novus illi sponsus oblatum est, qui tamen hanc foeminam cum nunquam viderit, ejusdem saltem effigiem sibi submitti petiit.

Cbr. Octava post mortem mariti die jam novum sponsum quærit?

saltem trigesimum expectet. *Ap.* hoc in negotio periculosa sæpe est mora. *Fil.* hinc & tu Pater secunda statim hebdomade post mortem uxoris tuæ matrem meam duxisti. *Cbr.* file tu puer! cæterum viduam hanc bene novi, sed ejus effigiem non nossem, nimis prototypo suo dissimilem. Imago enim formosam, & vix viginti trium annorum Juvenem exhibet, cum vidua illa frontem jam rugosam ostendat, & ultra quadraginta sex annos vivendo impleverit. *Ap.* id verum quidem, sed artificiosus penicillus rugas in fœminis studio occultat. *Cbr.* sed quare hoc? *Ap.* quia fœminæ volunt depingi, non quales sunt, sed quales esse optant, & viduæ præsertim semper videri volunt 20. annis ætate minores, quàm revera sint. *Cbr.* sed sic miseri mariti turpiter sæpè decipiuntur. *Ap.* sæpe amant decipi. *Fil.* nunquid & tu Pater deceptus es? nam mater mea certe non fuit formosa, & præter rugas etiam e collo strumam, gibbum intergo gerebat. *Cbr.* tace, inquam, puer, aut modestius saltem de matre loquere. Quæ hic imago? puto me agnoscere personam, cui hæc est simillima. Nunquid fili! simillima est filiæ vicini sutoris nostri? *Fil.* omnino gibbosus nasus, & os late patulum prodit. *Ap.* non erratis, effigies est sutoris filiæ. *Cbr.* ergo & sutorum filiæ se curant depingi? *Ap.* ipsa quidem se depingi non petiit, sed aliquis Dominus studiosus. *Cbr.* & cur hoc? *Ap.* de hoc interrogare non solet parens meus. Pingit ille, quod petitur - sed jam tuam ecce effigiem

giem. Omnem certe artem illi adhibuit parens meus, spero, placebit. *Chr.* fili! accede! an noscis in hac effigie parentem tuum? *Fil.* omnino tibi est similis. Geminos infra frontem oculos. In medio nasum. Infra nasum os exhibet, & geminas in capite auriculas satis longas. *Chr.* hoc formæ meæ primarium est distinctorium. Adhuc parvulum me mater à parvulo fratre hoc uno noverat distinguere, ex longioribus nempe auriculis. *Ap.* omnia studiose in vultu tuo observavit Parens meus, & studiose omnia, & fideliter expressit. *Fil.* quod vero pretium laboris posuit parens tuus? *Ap.* septem tantum florenos. *Chr.* quid ais? septem florenos? septem denarios vis dicere. *Ap.* pictores Itali non laborant pro denariis. Septem aureos potuisset petere. *Chrem.* potuisset petere, sed quis dedisset? septem florenos pro tribus palmis rudissimæ telæ lineæ, & aliquot allitis coloribus? *Ap.* non pro tela, aut coloribus, sed artificiosa manu sua septem florenos parens exposcit. *Chr.* Credo, quod parens tuus non venderet manum suam infra florenos septem. Sed non posco illius manum. *Ap.* non pro manu, sed artificiosæ manus suæ opere septem florenos pater exposcit, & optime meruit. *Fil.* Pater! si tantum picturis pretium est, vendamus illi majores nostros. *Chr.* ita est. Ecce omnes has tres effigies pro septem florenis cedam parenti tuo. *Ap.* vendere picturas solemus, non emere, præsertim tales. *Chr.* Recipe, recipe picturam tuam, meos ego retinebo florenos. *Fil.* recte facis pater.

Pro septem florenis quot poterimus comedere farcimina, quod unicum mihi gratius, quam omnes majorum effigies, & eorum memoria. *Cbr.* dixi. recipe picturam tuam, & domum redi. *Ap.* Non recipiet hanc parens. Tu perfici jussisti hoc opus, tu & solves, aut iudicem adimus. *Cbr.* solverem tandem, si in ea hæc esset effigies, sed non est mea, est mihi dissimillima. Nunquid fili? *Fil.* omnino est tibi dissimillima. *Ap.* Tu ipse dixeras, te in ea Patrem agnoscere. *Fil.* dixeram, quia nihil audieram de septem florenis. Nunc melius illam dum considero, invenio Patri dissimillimam. *Ap.* Bene, testes adhibebimus. *Cbr.* ita. Age puer, Dorylam testem voca.

Scena Tertia.

Chremes, Appellinus.

Ap. Quis iste Dorylas? *Chrem.* est peretissimus censor imaginum; nam adhuc puer cum patre suo pulcherrimos iconismos, & impressas imagines per pagos venales circumtulit, & etiam asini mei stabulum elegantissimis ejusmodi typis exornavit. *Ap.* Stabulum asini tui? *Chrem.* ita. Nam in domo mea omnia volo esse splendida, nec meum tantum, sed & asini mei cubiculum picturis exornatum, & præsertim majorum nostrorum effigies palam prostantes.

Scena Quarta.

Chremes. Appellinus. Filius. Dorylas.

Cbrem. Ades Dorylas! vides hanc picturam? nunquid est deterrima? *Doryl.* dicerem esse effigiem tuam, nisi filius monuisset, ut dicerem contrarium. *Ap.* Sic fraude agitis? *Fil.* stupor est Dorylas, vino adusto ebrius; nescit, quid loquatur. *Doryl.* Nunquid bene locutus sum ad mentem tuam? *Ap.* loquere jam ex mente tua, & dic sincere: nunquid pictura hæc ad vivum exprimit herum tuum? *Doryl.* here! perspicualia tua non nihil commoda. *Cbrem.* accipe. Videbo num apta sint oculis tuis, si nempe recte judices. *Ap.* Considera bene omnes herilis vultus, & omnes picturæ lineas. - - jam dic sincere. Nonne pictura hæc præsentem Dominum ad vivum exprimit? *Doryl.* hoc plane non. Omnino non. *Cbrem.* recte judicas. *Ap.* & cur non? quid deest? *Doryl.* non exprimit herum meum vivum; nam nec oculos, nec labia movet, nec aliud vitæ signum edit pictura. *Fil.* recte dicis. Magnum atque discrimen est inter vivum, & mortuum. An aliud discrimen non vides? *Doryl.* etiam. *Ap.* & quale illud? *Cbrem.* loquere, loquere. *Doryl.* pictura hæc est recentissima, & heri primum nata; Herus autem meus jam inveteratus dierum est. *Cbr.* ita est, & hoc solum sufficit, ut non sit meum ectypon. *Ap.* est ectypon perfectissimum. *Cbr.* falsissimum. *Ap.* artificiosissimum. *Fil.* ineptissimum. *Ap.* pulcherrimum. *Cbrem.* deterrimum.

rimum. *Ap.* tibi simillimum. *Cbr. & Fil.* Nihil minus. *Ap.* nihil certius. *Cbr. & Fil.* nihil minus. *Ap.* nihil certius; appello ad omnes pictores. *Cbrem.* & ego ad omnes lictores. *Ap.* est ectypon tuum verissimum. *Cbr. & Fil.* falsissimum. *Ap.* verissimum. *Cbr. & Fil.* falsissimum, falsissimum. *Doryl.* simus boni. Utraque pars recte dicit in suo sensu. Et ego sentio cum utroque, nempe pictura, & herus meus sunt dissimiliter similes, & similiter dissimiles. *Ap.* non disputabo vobiscum pluribus, alios brevi testes habebo plurimos. *Cbrem.* abi, abi tantum, & picturam tuam ad Patrem refer. *Ap.* referam. Tu tamenolvere debebis, velis nolis.

Scena Quinta.

Chremes. Filius. Dorylas.

Cbrem. Quanto labore stetit septem florenos in marsupio retinuisse! septem florenos pro una effigie! Quam impudentes sunt itali pictores. *Fil.* Faciunt, quod mercatores sabaudi solent, duplo majus pretium pro mercibus suis exigunt. Sulphurati ligni fasciculum quinque denariis pretio vendunt. *Cbrem.* Cave puer, de majoribus tuis male loquaris. Ponunt quidem sabaudi, & ego ipse excessivum merci pretium, sed si gnavum emptorem invenimus, demum ad infimum etiam pretium descendimus. *Doryl.* Here! si pictorem cupis, scio ego aliquem non italum, nec tam pretiosum. *Cbrem.* quis ille? *Doryl.* in proximo
pago

pago Saxhusano stabulatur. *Fil.* Pater! nec pictore, nec effigie tua nobis opus est; sufficiunt mihi hi majores mei. *Cbrem.* Tam parvi æstimas parentem tuum? omnino pingenda & hic suspendenda effigies mea, ut æternam mei habeas memoriam, & me saltem in effigie venerari discas.

Scena Sexta

Accedit Mopsulus.

Mops. Heus! an mercator domi est? *Fil.* est, & non est. *Cbrem.* Hic me vides. Quid petis? *Mops.* primo velim fasciculum sulphurati ligni. Secundo fomitem. Tertio calybem. *Cbrem.* his omnibus provisum est tabernæ meæ. En! in promptu, quæ postulas. *Mops.* & quantum petis pro his mercibus? *Cbrem.* pro fasciculo hoc quinque crucigeros, pro fomite totidem; quo calybe decem; summa summarum viginti crucigeri. *Mops.* Quid viginti crucigeros pro his quisquiliis? an emptorem puerum in me invenisse te credis? *Fil.* certe vir non es. *Cbrem.* Quantum ergo dabis? *Mops.* pro omnibus simul quinque crucigeros. *Cbrem.* Ma foy. Conscientiam meam testor, tali pretio dare non possum, ipso perderem. *Mops.* & ego conscientiam meam testor, plura non dabo, quàm quinque crucigeros. *Cbrem.* da saltem decem. *Mops.* nec obulum ultra quinque dabo. *Cbrem.* da saltem septem. *Mops.* dixi nec obulum ultra quinque, nec plures mihi pecunias mater dedit. *Cbrem.*

ma

ma foy. Non possum. *Mops.* Ergo retine tibi merces tuas. Alium ego mercatorem adeo, cui tenerior, quàm tibi sit conscientia. *Cbrem.* exspecta, pro hac vice accipe pro pretio, quod posuisti. *Mops.* en quinque solidos crucigeros. *Cbrem.* ma foy. plus quàm dimidium perdo. Sed tamen, ut hodie saltem aliquid lucrer. *Doryl.* Audi parvule! puto me jam sæpius te vidisse, nunquid natus es in pago Saxenhufano? *Mops.* an, & ubi natus sim, nescio, sed modo parentes mei habitant in dicto pago. *Doryl.* non nosti habitantem ibi pictorem? *Mops.* pictorem nostrum famosissimum non norim? *Cbrem.* famosissimum ais? *Mops.* utique. Omnes in pago nostro domos suis picturis illustravit. *Cbrem.* Estne autem pretiosus, & multam laboris sui mercedem exigit? *Mops.* nescio. Hoc scio, domum parentis mei totam penè coloribus oblinivit pro sex denariis. *Doryl.* Ergo minore pretio pinget effigiem tuam, quæ multo minor est, quàm Domus integra. *Cbrem.* Bene. dic ergo huic pictori vestro, si fortè in urbem venerit, ad me accedat. *Mops.* Imo jam est hodie. Vidi illum in foro. Visne forte, ut etiam domui tuæ inscribat: Laudetur Christi? *Cbrem.* nil domui meæ inscribi volo, sed me ipsum depingi. *Mops.* si denuo obviam habuero, monebo, ut veniat. *Fil.* si prior pictor Italus picturam suam non recipiat, sed utpote à te imperatam ad te remittat, quid ages cum gemina effigie tua? *Cbr.* centies ad me mittat, nunquam admittam. vos tantum constanter,

& strenuè testamini, esse mihi dissimillimam. *Doryl.* Ego tamen fateri invitus coram te tantum debeo. Videtur mihi satis similis tibi. *Fil.* Et est etiam reipsa talis. *Cbr.* Quidquid reipsa sit, vos affirmate etiam cum mendacio, si opus etiam cum Juramento, esse mihi dissimillimam.

Pars Secunda.

Scena Prima.

Chremes Philippulus.

Cbr. En! Domine Philippule; semiquadrantem prunorum rite appensum. Augmentum addo pruna tria. *Philip.* Nimis liberalis es sabaudus. *Cbr.* Quid præterea petis? *Philip.* papyrum. *Cbr.* Ecce. *Pbi.* Quàm nigra, & crassa est hæc papyrus! *Cbr.* Nempe in hac vicinia rari sunt etiam candidi, & subtiles centones, ex quibus papyrus conficiatur. Quid præterea petis? *Pbi.* pennas aliquot ad scribendum. *Cbr.* En! integrum fasciculum. Ex his optimas tibi selige. *Pbi.* Nolla ut video, multum valet. Habes certè in hac taberna tua merces non admodum bonas. *Cbr.* An mater tua, quæ etiam mercaturam aliquam exercet, meliores habet? *Pbi.* Non exercet mater mea mercatum, sed tamen vestes detritas, vel alias vendibiles colligit, & per domos emendas circumfert. Quantum jam tibi debeo pro his? *Cbr.* de his conveniam cum matre tua, cui condoleo, quod nuper facta sit vidua. *Pbi.* Non

Non condolere matri, sed gratulari debes. Ipsa enim ingentes cælo gratias agit, quod tali marito sit liberata. *Cbr.* An non jam cogitat, ut alium sibi maritum, tibi Patrem inveniat? *Pbi.* Nescio. Hoc solum scio, quod voto se mater obstinuerit. *Cbr.* Quo voto? castitatis? *Pbi.* hoc minimè. Sed voto non nubendi amplius alicui italo ut prius. *Cbr.* Et cur non? *Pbi.* quia, ut mater dicit, itali sunt homines maximè cholericis, & zelotypi. *Cbr.* Ego autem novum Matri tuæ sponsum possem proponere, qui non est italus, nec cholericus, nec zelotypus. *Pbi.* Quis ille? *Cbr.* ecce hic effigies majorum meorum, omnes Mère sabaudi. *Pbi.* Nunquid idem est sabaudus, & italus? *Cbr.* Erras mi bone. Toto cælo diversi sunt sabaudi ab italīs, ut galli ab hispanis. Jam explicabo plura. Hic est Pater meus, hic frater, hic meus ex fratre nepos. *Pbi.* Et hæc vacua Regula cujus effigiem expectat? an defunctæ, an futuræ uxoris tuæ? *Cbr.* neutrum potest dici; sed mea, mea propria effigies huic Regulæ est inferenda. Pictorem in momenta expecto, qui me ad vivum exprimet. *Pbi.* Ego Pictorem scio satis peritum, si vis. *Cbr.* illum nempe italum in urbe nostra. *Pbi.* Non est italus, de quo loquor, sed helvetus. *Cbr.* Helvetus? an ars pingendi etiam in helvetia discitur? *Pbi.* didicit hanc artem non in patria sua, è qua jam puer excessit, sed in vicinia nostra, & quidem Marte proprio. *Cbr.* Artem pingendi Marte proprio? *Pbi.* & in illa sensim ita profecit, ut jam in thea-

theatris etiam adhibeatur, & modo occupatus est in quibusdam depingendis pro scena, in quam proximè schola nostra prodibit. Mox illum ad te huc mittam.

Scena Secunda.

Chremes.

Cbr. Fili! Doryla! Fili! Doryla! an surdi estis uterque? habeo, de quo vos consulam. Tu quidem Doryla pictorem mihi proposuisti ex pago Saxenhusen; jam verò Studiosus aliquis alium mihi commendat peritissimum. Quem eligam ex duobus? *Fil.* Neutrum, pater! neutrum, nec enim opus est nobis effigie tua.

Cbr. At ego velim effigiem meam hodie adhuc suspensam: *Doryl.* illum cur non acceptas, quem ego proposui, & quem per puerum rusticum jam advocari petiisti? Hic enim non est italus, adeoque nec adeo pretiosus. *Cbr.*

Etiā alter non est italus, sed tantum Helvetus. *Fil.* Quid inde? etiam germani pictores

jam sciunt excessivum pretium pro suis laboribus exposcere tam benè, quam itali, nisi prius cum iis paciscaris. *Doryl.* Hoc ergo age, utrique pictori loquere, illique te depingendum committe, qui minus exget pretium.

Fil. Sed si utrumque pictorem advocas, utrique debesolvere, saltē laborem, quod te adiverit in Domo tua. *Cbr.* aditum ad me debebo solvere? *Fil.* etiam medicis, si vocentur,

solvendi sunt omnes gressus, et si nullam medicinam præscribant, aut saltē nil opis agro conferant.

Scena Tertia.

Accedit Pictor Saxenhusanus.

Saxb. Laudetur Christi. Audio in hac domo expeti penicillum meum, quem promptus offero ad obsequia. *Chr.* Penicillo non indigeo, ipse hic plures habeo vendibiles. *Sax.* Tamen affinis mei filius Mopsulus modo me monuit, in hac domo operam meam expeti. *Fil.* An pictor es? *Saxb.* Dei & Apostolicæ sedis gratia. *Fil.* Apostolicæ sedis? *Sax.* quia per summum Pontificem artem pingendi didici. *Chr.* Per summum Pontificem? an ergo Romæ, & in Italia fuisti? *Doryl.* Ipse Pontifex te artem pingendi docuit? *Saxb.* nec Italiam, nec Pontificem vidi unquam, sed cum nuperis annis Papa indulgentias concessisset salutationi Christianæ: *Laudetur Christi.* Rustici omnes hæc verba suis domibus appingi voluere. Tentavi ego penicillum, & ex hoc quasi tyrocinio ita hucusque profeci, ut pictoribus italis parum cedam. *Doryl.* Ego te hero meo commendavi, mihi debebis, quod feres lucrum. *Chr.* An nōsses imaginem meam vivis coloribus exprimere? *Sax.* vivis ego coloribus non utor. *Fil.* Hoc vult dicere parens: an illum possis ad vivum depingere? *Sax.* nuper in taberna uxorem meam nigris coloribus ita depinxi: ut jam omnibus sit notissima. *Chr.* At ego nolim nigris coloribus depingi. *Sax.* Depingam, quibus volueris. Varii enim generis mihi colores sunt, creta candida, flava, & rubra

rubra, & aliquid etiam carulei Berlinensis.
Chr. Et quantum petis pro conficienda effigie mea? *Fil.* sed ad vivum expressa. *Sax.* Quantæ altitudinis, aut latitudinis sit oportet? *Chr.* Ut huic Regulæ aptè includi possit. *Saxb.* duobus aureis contentus ero. *Chr.* Quid? duobus aureis? *Fil.* nec italus plus petiit. Integram domum rusticam coloribus oblinivisti pro sex denariis, & pro parva effigie duos aureos postulare audes? *Sax.* nempe olim, dum pictor eram rusticanus tantum, verecundè pretium labori posui. Nunc pictor academicus jam plura audeo exigere. *Fil.* Tu pictor academicus? *Sax.* ita, quia jam laboro in theatris academicis. En! opus recentissimum hesternæ nocte pro scena hujus Gymnasii elaboratum. *Fil.* Quid referat hæc pictura? *Sax.* quæris? caput angeli. *Fil.* Caput Angeli? vespertilionis, quàm Angelo certè est similior. *Doryl.* Mihi simillima videtur Diabolo. *Sax.* Ita videtur nunc, dum picturam è propinquo aspicitis, alia apparebit è longinquo, & in theatro ad lucem collocata. Et hoc ipsum artis præcipuum ita pingere, & oculos decipere, Angelus ut fiat, qui modo Dæmon erat. *Chr.* Abi, abi pictor academice cum tuo vel Angelo, vel Dæmone, vel vespertilione. fili! expectemus pictorem alterum, quem Philippulus adducet. Et ecce!

Scena Quarta.

Accedit Philippulus.

Chr. Ades iterum Domine Philippule? sed

cur sine pictore? *Philip.* quia, ut video, jam adest. *Cbr.* Erras Philippule, hic pictor est Saxheimiensis, ille autem de quo tu mihi, est helvetus. *Sax.* Rectè: ego sum helvetus. *Fil.* Dei, & Apostolicæ sedis gratia. *Philip.* nempe in Helvetia natus, & Steinhemii educatus. *Sax.* Et jam ibidem civitate donatus. *Deryl.* Civitate donatus in pago?

Scena Quinta.

Accedit Appellinus.

Appell. Redeo iussus à Patre. Quæro illius nomine ultimum: An effigiem tuam acceptabis, & petito pretio statim exsolves? responde ex stapede, *Cbr.* Nec modò conscendo asinum, ut respondeam ex stapede. *Ap.* Mitte nugas. Res seriò agitur. Quid respondes? dic ita, vel non. *Cbr.* Ita, vel non. *Ap.* Acceptabis? *Cbr.* ita, si parens velit, acceptabo. *Ap.* Et petito etiam pretio statim solves? *Cbr.* hoc non. *Ap.* Et quare non? *Cbr.* quia non est mea vera, & viva effigies. Hic ipse, qui Dei, & Apostolicæ sedis gratia, & marte proprio artem pingendi didicit, & intelligit, si videret, damnaret picturam tuam. *Sax.* Ostendite effigiem, feram sententiam sine partium studio. *Ap.* Quid tu Pollinctor iterum in urbè? in omnes domos irrepis, & urbanis Pictoribus panem surripis. *Sax.* Ars pingendi est opificium liberum, prohiberi non potest. *Ap.* Tu Pollinctor es, non pictor. *Sax.* Parcius ista viro. *Deryl.* Et viro, qui tot rusticorum do-

mos

mos sua arte illustravit? *Philipp.* qui in scenis etiam literariis laborat. *Fil.* Qui vespertilionem pingit tam artificiosè, ut in theatro Angelus appareat. *Ap.* Nolim cum cerdone certare. A te ultimum quaero. Effigiem tuam à Patre meo elaboratam non solves? *Chr.* non solvam. *Ap.* Et ideo, quia non est vera effigies tua? *Chr.* Ita, quia non est, nullo modo est. Nemo Diabolorum me in illa agnosceret. *Ap.* Dictorum testes vos omnes volo: attende tibi. *Chr.* Ita, ita. Testes hos omnes habeas, modò abeas. *Ap.* Abeo. Sed attende tibi. *Chr.* Tu quoque abeas, quo lubet, Saxenhemum, vel in Helvetiam, vel ad sedem Apostolicam. Nihil mihi negotii cum pictoribus, sive Itali sint, sive Germani, omnes suis laboribus ponunt enorme pretium, & contra omnem conscientiam. *Sax.* Facimus, ut vos sabaudi mercatores. *Pbi.* Veni ergò mecum ad Matrem, restant ibidem tibi perficienda. *Sax.* Laudetur *Christi.*

Scena Sexta.

Chremes, Filius, Dorylas.

Doryl. Here! si tandem depingi cupis, & quidem gratis, impono ego manum meam. *Chr.* Quid manum tuam? an pingere aliquando didicisti? *Doryl.* etiam marte proprio: modò quidem hoc opificium non amplius multum exercere soleo. Scis enim me puerum cum Patre meo varios iconismos per pagos circumtulisse, & vendidisse, Ex his iconismis

aliquos solebam etiam pulcherrimis coloribus obducere, & ut vocamus, illuminare. *Fil.* Si & Patrem meum illuminare poteris, rem mihi miram præstabis. *Doryl.* Tantum colores suppedita. Tentabo. *Cbr.* Colores habeo varios in tabernula mea. En cretam candentem, en & flavam. En etiam penicillum. *Doryl.* pretiosas sane merces habes here. Ful nuper in urbe quadam celeberrima, & tamen in tota illa urbe nec penicillum, nec quidpiam, quod ex porcorum setis conficitur, invenire potui. *Cbr.* Nostin colores dextre miscere? *Doryl.* tentabo, vel si prima vice res non statim succedat, adhibebimus colores novos. Vel exspecta, habeo adhuc aliquid jam præparati coloris, quo nuper imaginem asini illustravi: sufficiet adhuc pro te depingendo, quæro -- *Fil.* eodem ergo colore te Pater, & asinum exprimet? quàm bella hæc erit effigies, dignaque ut inter majores nostros pendeat!

Scena Septima.

Chremes, Filius, Philippulus

Philip. Quid est Chremes? nostine quid tecum agatur? *Cbr.* mecum? *Pbi.* quod suspensus sis in foro publico? *Cbr.* Ego suspensus? *Pbi.* suspensus in effigie, & quod caput rei cum asininis auribus longissimis in capite depictis. *Cbr.* Quid ad me hæc effigies? non est mea. *Pbi.* Tamen cives omnes, qui transientes te in via sine hæsitazione agnoscunt, quin

quin plena populo platea risibus insonat,
en! clamant, en chremes cum asininis auri-
bus. *Fil.* Strophæ hæc est, parens! quam in te
pictor Italus; patiêris hanc injuriam? *Phi.* non
curabis saltem, ut tam probrosa tibi effigies è
publico, & hominum oculis, sannisque sub-
moveatur? *Cbr.* abi Fili! rem totam explora,
& ad me refer. *Phi.* Me sequere, ducam antè
pictoris domum, ubi videbis. *Cbr.* Luet, juro,
luet hanc injuriam Pictor Italus.

Pars Tertia.

Scena Prima.

*Baro, Scriba, Chremes, Filius, Dory-
las, Apparitor, Philippulus.*

Scrib. Si vera est, gravissima est accusatio
tua. *Apparit.* Et justissima.. *Cbr.* Testes ha-
beo omni exceptione majores. Hunc D. Phi-
lippulum, hunc Dorylam meum servum, &
denique proprium meum filium. *Scrib.* Nec
tellibus nobis opus, quod urbs tota affirmat.
Fil. Adhuc pendet ante pictoris domum pro-
brosa Patris effigies. *Baro.* Si Dominus Parens
Toparcha adesset, reparare cogeretur pictor,
& certè ubi redierit, curabit etiam me urgen-
te, ut tibi abunde satisfiat. *Cbr.* Ero obstrictis-
simus, & hanc benevolentiam compensare stu-
debo. * - - cito vade, & redi. *Fil.* sed inte-
rim Pater cura, suspensus ne publice maneat
cum asininis auribus. *Philip.* certe periculum

K 4

in

* Chremes tacitè loquendo Dorylæ, illum dimittit.

in mora. *App.* si periculum in mora, adsum ego, adest Dominus scriba, adest denique Dominus Baro. Nos duo ferre possumus sententiam, quam filius illustris Parentis Nomine poterit approbare. *Scrib.* recte dicis. Auctoritas nostra in casu hoc sufficit, & illustris etiam Toparcha meæ prudentiæ solet committere causas similes. *Philip.* Causas similes? asininas nempe. *Scrib.* - - sed ut juxta leges, & jura numero sexto procedamus, audiatur & altera pars. Pictorem advoca apparitor. *App.* an non forum adibimus, ut habeamus visum repertum? - - hoc post latam sententiam facimus.

Scena Secunda.

Personæ, quæ priu, excepto Doryla, & apparitore.

Scrib. Sed quomodo satisfieri tibi petis, si pictor reus vincatur? an multam petis pecuniariam? *Fil.* ita Pater; vel denique pete, ut pictor non tuam tantum imaginem jam depictam tibi cedat, sed omnes majorum nostrorum fumosas imagines renovet, & gratis omnes. *Philip.* Ut omnibus his etiam aures asininas appingat. *Baro.* an tot majores numeratis, & fumosas avorum ceras? *Fil.* utique avus meus fuit vir fumosus, quia caminis purgandis assuetus. *Scrib.* & unde prosapia vestra, ex qua Patria? *Chrem.* ex sabaudia. *Scrib.* ergo italicus es tu? *Baro.* talem

te

* alit apparitor.

te probat etiam oris sonus. *Chrem.* protestor, non itali, sed sabaudi fuere omnes majores mei. *Fil.* Pater meus mallet esse Saracenus, quam italicus.

Scena Tertia.

Accedit redux Dorylas.

Doryl. En here! quas petisti prius, merces selectissimas. *Chrem.* Illustris Domine, liceat tibi offerre aliquam dulcedinem, galli dicunt une douceur. Est dimidium Pondo prunorum. *Baro.* Grates tibi pro hac dulcedine. Pruna, nisi sint recentia, non admodum amo. *Chrem.* Placeat tantum gustare, & hæc, licet arida, sunt sapidissima, etiam saccharo, uti vides, condita. - - tibi strenue Domine scriba offerre liceat hunc fasciculum calamorum, recipe. *Scrib.* Iudex sum hodie, nec ex eorum numero, qui manus sibi patiuntur illiniri his muneribus. *Philip.* his muneribus credo. Sed - - *Chr.* fistulam hanc serva Doryla, & apparitori, dum redibit, offer. *Fil.* Nimum liberalis es hodie Pater.

Scena Quarta.

Accedunt Apparitor, Apellinus.

Apparit. Ingredere, & ad tribunal novis iudicibus te siste. *Apel.* ignoscite, si Parens ipse non appareat, morbo impeditur. *Scrib.* quo morbo? an capitis dolore? hoc enim & ego laboro sapius, si noctem integram scibendo ex-

traham, & atramentarium non unum subin
evacuem. *Pbilp.* Bibendo volebat dicere.

Apel. Catharrus nescio quis subitus illum op-
pressit, & linguæ usum ademit. *Apparit.* vi-
detur mihi legitima hæc excusatio. Quid enim
in tribunali compareat, qui loqui non potest?

Baro. Tu ergo pro Patre advocatum ages,
dum ego pro Domino Parente meo Judicem
ago. Primum tamen quæstionem proponet

Dominus scriba. *Scrib.* ut ordine procedamus
in hoc processu criminali: ostende sis, quam te-
cum habes effigiem. *Apel.* si placet, spectate.

Chrem. vah probrosa effigies! *Scrib.* artificio-
sa tamen manus est, & penicillum nunquid
italicum, vel belgicum? - - nosco - - - pla-

ceat & Domino Baroni inspicere. *Baro.* for-
mosæ sunt hæ auriculæ, ad vivum expressæ.

Apparit. Cedite & mihi picturam ad lapidem
lydium examinandam. *Scrib.* dixi artificiosa

est imago, sed etiam malitiosa. Iam respon-
de in forma, & ad ea, quæ ex juris formula
interrogabo. Reliqui omnes nisi interrogen-

tur, altum teneant silentium excepto me, &
apparitore, & Domino Barone. - Hanc Pa-

ter tuus publice suspendit? *Baro.* & hominem
honestissimum urbi toti irridendum exposuit?

Apel. nullum honestum hominem in hac effi-
gie irridendum parens exposuit. *Baro.* præ-

sentem hunc urbis nostræ civem & mercato-
rem negas esse honestum hominem? *Apel.* pa-

ce mea poterit honestissimus esse, quantum
fabaudus potest. Sed non est hæc effigies hu-
jus hominis, ut ipse asseruit, dissimillima est,

nec

nec ulla. linea oris sui expressa; ne Diabolus quidem Chremetem in hac effigie agnosceret. Nonne hæc ipse prius affirmasti, & hinc acceptare, & solvere, quam tamen perfici iusseras, imaginem negasti? nunquid testes etiam Filium, & hunc servum tuum appellasti? *Dor.* testis quidem fui, sed iussus loqui ad mentem Domini. *Apparit.* Sile tu, donec appelleris à Judice. *Baro.* tu ipse loquere. *Cbrem.* S. *Baro.* ita loquere, modo ex jure licet. *Apparit.* etiam per me licet. *Cbrem.* est similis, & dissimilis. *Scrib.* & quomodo hoc? *Baro.* mihi videtur prototypo suo simillima. *Apparit.* & talem urbs tota agnoscit, & inde tibi illudit. *Apel.* si similis non est, nec agnoscenda pro tua effigie; quid ergo factam tibi Injuriam quereris? si simillima est, & ritè perfecta, ergo quam perfici ocius iusseras, acceptare debebas, & solvere. *Scrib.* Stringis potenter adversarium argumento cornuto. *Baro.* qui perfici iussit opus, ut semper audiui, illud debet solvere perfectum, hic mutuus est contractus. *Scrib.* ita clarissimè jus docet in tracto de sponsalibus, in quo nuper legi casum huic simillimum. *Apparit.* Teneris utique, teneris acceptare, & solvere, si rite pictam, & prototypo similem fateris. *Cbrem.* ergo iterum dico, non est mea effigies, est mihi dissimillima, melius, quidquid homines dicant, utique melius me ipsum novi, quam omnes alii. Non est mea effigies, nullo modo. *Apel.* hinc ergo tollam, & publice suspendam hanc effigiem, nec tu conqueri ultra poteris, nec quis.

quisquam alius, si imaginem ignoti hominis quomocunque publice exponamus. *Baro.* quia nemini sit injuria. *Apparit.* ego, quantacunque sit autoritas mea, prohibere non possum. *Scrib.* nec ego salva conscientia. *Baro.* vestrum nomine Patris mei judicium approbo. *Fil.* Ah Pater! tantum à te probrum amove, nec novo urbis Ludibrio te patere exponi; redime potius imaginem quocunque pretio, ut hominum oculis submoveatur. *Cbrem.* ergo septem florenos perdam pro unica pictura? *Fil.* pro fama tua. *Baro.* an septem tantum florenos expetit Parens tuus pro hac effigie? *Scrib.* leve hoc nimis pretium pro penicillo italico. *Apparit.* ego certe non pingerem pro septem florenis. *Baro.* est Domino Parenti meo in atrio imago penicillo belgico expressa, quam non venderet pro centenis aliquot florenis, etsi vetulam tantum deformem repræsentet. *Apel.* audis hæc? *Cbrem.* Cede ergo effigiem, solvam. *Apel.* præsentis ære exsolves, prius non cedo, sed pendeat in publico hæc effigies, donec præsentem illam pecunia redemeris. *Cbrem.* tantum præsentis æris mihi plane non est. *Apparit.* Sine multa pecunia ad judicem appellare audes? non scis stylum curiæ? *Cbrem.* Doryla! da mutuos mihi septem florenos. *Doryl.* nec septem Denarii mihi sunt. *Cbrem.* ergo tu Domine apparitor pro me interim solve; Filium meum oppignoro tibi. *Apparit.* non indigeo vivo, & voraci pignore, nimios jam pueros domi alo. *Cbrem.* Ergo tu Domine scriba,
vel

vel Domine Baro. *Scrib.* pecuniæ nostræ non sunt pro te, sed tuæ pro nobis. *Cbrem.* ergo tu Philippule matrem tuam accede, dic rogare me per pristinam inter nos amicitiam, & per novam brevi arctiorem contrahendam, velit mutuos dare septem florenos. *Apel.* siste, non sufficiunt septem floreni solvendæ huic imagini. *Cbrem.* quid? non sufficiunt? tamen prius plures non petisti? *Apel.* pro priore effigie plures non petii, sed pro appictis de novo auriculis, quæ multo & improbo labore steterunt parenti meo. *Baro.* Sunt eleganter pictæ, & capiti tuo aptatæ. *Scrib.* præsertim umbra lævæ auriculæ. Quam ex arte, & ad vivum expressa! *Apel.* Pro hoc ergo novo labore præter septem florenos parens exigit duos thaleros imperiales. *Cbrem.* novum & totum asinum etiam me majorem non emerem duobus imperialibus. Non, non solvo auriculas. *Apel.* Ergo imaginem mecum refero, & iterum in foro publicè suspendo. *Cbr.* suspende, suspende, quantum velis. Non est effigies mea. Non solvo. *Philip.* Tamen cives omnes dicunt, esse vivam imaginem tuam. Idem & mihi videtur, præsertim modo post additas auriculas videtur simillima. *Fil.* Pater! nisi imaginem redimas, ut publico moveatur, non amplius meum te Patrem agnoscam. Nolo Patrem habere asinum, aut qui talis ab urbe tota proclamatur. *Cbrem.* expecta igitur. Cede imaginem. *Apel.* Non cedo, nisi prætere præsentem. *Cbrem.* solvam, ubi præsentem erunt pecuniæ. *Fili!* tabulam hanc Domum defer.

defer. *Fil.* An vero talem, qualis est, appendes domi inter majores nostros? *Cbrem.* non, non, delenda prius auriculæ. Dic Patri deleat. *Apel.* Faciet hoc, sed pro novo labore iterum exiget duos imperiales. *Cbrem.* pro delendis asini auriculis duos imperiales? *Apparuit.* pictores nihil faciunt gratis. *Philip.* uti vos mercatores nil gratis datis. *Cbrem.* ô miseria! quo trahis me - - sit. Deleat cito has aures parens tuus, tum ad me relatum effigiem solvam. Vos Domini valete. *Apparuit.* expecta sis bone vir. *Scrib.* satisfacisti pictori, satisfacias modo & iudicibus & pro hoc confesso, & causa gravissima attente audita, sapienter disjudicata debitum, aut saltem consuetum persolve stipendium. *Baro.* Ego quidem pro labore nihil exigo. *Scrib.* Etiam ego nihil exigam; honorarium tamen, & gratuitum munus dabis; Domino Baroni tres aureos, ego duobus contentus ero. *Apparuit.* & ego unico. *Cbrem.* Cospeto di baggo! quid? sex aureos pro honorario, & septem thaleros imperiales cum dimidio pro imagine? - - *ad Fil.* ocius Filium pictoris revoca. Sex aureos! meam testor animam. *Scrib.* Quid? non es contentus, dum tibi ultro debitum remittimus stipendium? *Cbrem.* sex aureos pro Honorario? *Apel.* quid vult Dominus chremes? *Cbr.* tuam tibi imaginem retineas volo, ego meos mihi retineo thaleros. Effigies non est mea, suspende eam pace mea, ubi volueris. Pro vobis quoque mihi non sunt aurei. Bene valete. *Baro.* Quid? tu nos ludere paras & inani-

inanibus nugis circumvenire? *Scrib.* hodie adhuc ante noctem pictori petitos thaleros, & nobis aureos solves, secus apparitor turri te includet, donec solveris novissimum quadrantem. *Cbrem.* ubi, quæso tot aureos, & thaleros corradam? *Scrib.* videris ipse. *Fil.* en Pater! fructum tuæ imaginis! *Cbrem.* tunc etiam insultare Patri? *Baro.* pro salutari vero poenitentia, & in poenam sordidæ tuæ avaritiæ effigiem hanc cum asininis auribus inter majores tuos ad perpetuam infamiam suspendes volo, quam tamen per summam gratiam decem aureis redimere poteris. *Cbrem.* ita ita suspendite, non obsto. En Regulam. *Scrib.* apparitor! suspende sine mora effigiem. *Fil.* ah Pater! ne patere tantam tibi, & filio, totique familiæ infamiam inuri. *Philip.* Quam nulla certe ætas oblitterabit. *Cbrem.* silete. Suspendatur imago. Non mihi sed judicibus æterno erit dedecori. Apeline! ocus scutum depinge cum hac epigraphe. *En symbolum iniquorum judicum.* *Baro.* Apeline! ocus scutum depinge magnis his characteribus: *en symbolum sordidæ Cbremetis avaritiæ.*



POENA NEGLECTÆ EDUCATIONIS.

Argumentum

Suppeditavit nobis civium non nemo, qui filium suum, etsi pessimæ vitæ puerum, tam cæco amore deperiit, ut, quidquid ille petulanter egisset, non modò stolidè approbaret Pater, sed & hunc solum in oppido suo probe, pièque educatum affirmaret. At ubi se demum turpissime delusum vidit, aliter sentire doctus est.

Scena Figitur in urbe, & domo civis.

Personæ.

Hircasius, Pater.

Luridastrus, Hircasii filius, studiosus.

Edmundus, Coosulis filius.

Bertrandus, Luridastri Con-
discipulus,

} Opulenti cuius-
dam civis
filii.

Vitulinus,

Scribaci.

Alexander,

Tabaccalus,

Potander,

Pistorellus,

} Luridastri Condiscipuli &
Socii.

Faber, Lignarius.

Liphippulus, filius Propolz.

Capreolus, Hircasii tyro.

Cellarius.

Apparitores.

Actus

Actus Primus.

Scena Prima.

*Hircasius sartor. Capreolus, ejus tyro.**

Hircas. Quid ibi hæres Capreole? me sequere. *Capr.* Equitem hunc consideravi. *Hir-*

cas. Nunquid mirabilis equus? an non præstat tibi, sartorum scamnis insidere, quàm tali asino? *Capr.* immites tamen sunt, & nimis rigidi officiales bellici, qui in suos milites ita sæviunt.

Hirc. Imò id ferè solum est, quod mihi probatur in officialibus bellicis, quòd nempe suorum militum insolentiam tam severâ sub disciplina contineant, & nihil impunitum patiantur.

Utinam Capreole, utinam parentes, & patresfamilias in urbe nostra æquè severè agerent in suos filios, præsertim studiosos, non videremus pueritiam tam effrænem, tam corruptam moribus, ut modò.

Capr. Approbares ergo, si parentes filios suos etiam studiosos asinis imponerent? *Hirc.* Non filios tantum, sed ipsos etiam parentes, & patresfamilias, qui suorum curam non habent, hac poenâ affici oporteret.

Capr. Parentes? cives? asinis? *Hirc.* Ità sanè melius, quàm milites merentur. Et brevè Capreole, plures in urbe nostra cernes asinos, huic similes.

Capr. Quomodo hoc? forsan equorum locò plures introducentur asini, ut in vicina urbe factum audio? *Hirc.* Non, non

Exer. Theat. Tomul. II. L hcc.

Exer. Theat. Tomul. II. L hcc.

Exer. Theat. Tomul. II. L hcc.

Exer. Theat. Tomul. II. L hcc.

Exer. Theat. Tomul. II. L hcc.

Exer. Theat. Tomul. II. L hcc.

Exer. Theat. Tomul. II. L hcc.

* Scena figitur in platea.

hoc. - - En Capreole, hac occasione auribus
tuis arcanum aliquod committo. Libellum sup-
plicem heri consuli obtuli, quò ardentissime
rogavi, ut & ipse pro sua sapientia ad exem-
plum militum in urbe nostra asinum vel asi-
no militari similem, vel alium quemcunque
curet erigi, cui parentes, & patresfamilias
in educatione negligentes cum filiis, & sub-
ditis imponerentur. Comprobabit, spero,
senatus consilium meum in hodierno, quem
celebrant, conventu. *Capr.* Tene aliquid
effecturum speras? *Hirc.* Dubitas? etsi ho-
die fors consilium meum eluderent aliqui, qui
prudentiæ meæ hanc gloriam invident, id
tamen certè efficiam proximè, si, quod spè-
ro, ipse in senatum adlectus fuero, primò-
que in senatorum confessu iterum, iterum-
que proponam, ut coram quavis domo talis
equus ligneus erigatur. *Capr.* Ergo etiam
coram nostra? *Hirc.* Sola domus mea non
indiget. Filium quippe educavi piissimum,
Solut hic est in nostra urbe, qui literis vacat,
qui pietati, qui obedientiæ studet: qui cer-
tè cum tempore aut pius Religiosus, aut doc-
tus in urbe nostra senator erit. *Capr.* Certè
patri dissimilis non est filius tuus Luridastus,
& nullus patrum educavit filium, sui magis
similem, quàm tu. Quod caper inter eves,
hoc tuus filius inter studiosos huiates. *Hirc.*
Ità est, ad pietatem, & literas adeò pronus
est, ut fræno, non calcaribus indigeat.

Scena

Scena Secunda.

Accedit Vitulinus, Lanionis filius.

Vitul. Opportunè mihi advenis Magister Hircasi. *Hirc.* Quid me vis Vituline? *Vitul.*

Acus tua expetitur in domo nostra, ut fratri meo Bertrando novum conficiat pallium. *Hirc.*

Novum pallium? meretur? *Vitul.* Enim verò, quia est probus, & diligens studiosus,

& hinc pater nihil illi in rebus omnibus vult deesse, sed liberalis ei suppeditat, quæ exoptat. *Hirc.* O stolidum parentem! Capreole,

hic primus est parens, qui inter equites illos, de quibus nos priùs, cum filio suo meretur

statui. *Vitul.* Quales inter equites? *Capr.* Priùs vidimus militem altissimo insidentem

equo. *Hirc.* De his plura proximè. Nunc autem, an cupit parens tuus, ut pannum

apud mercatorem pro pallio coëmam, & cujus coloris? *Vitul.* Jam omnia ipsa coëmit

mater, & pannum hollandicum, & argenteas fimbrias. *Hirc.* Pro puero adeò petulante?

Vitul. Quid petulantix notâsti in fratre meo? *Hirc.* Plurima, plurima, quæ parens tuus

notare debuisset, sed quia amore cæcus est, ego dicam, tu dein parenti, quæ hodie pri-

mum ante horam notavi, cum studiosi sacrum accederent. *Vitul.* Quid ergo tunc frater?

Hirc. Primò coram nullo prætereunte, etiam me, detexit pileum. *Vitul.* Etiam coram

Capreolo non? *Capr.* Neque. *Vitul.* Grave crimen! *Hirc.* 2dò continuò cum socio gar-

rientem

rientem vidi, usque ad templi januam. Quid sub re divina fecerit, non vidi: sed divinare facile potero. Refer hæc, refer parenti tuo. *Vitul.* Et quid si referam? ridebit me, & te. *Hirc.* Ridebit? O meretur sanè, -- meretur -- & spero adhuc hodie videre. *Vitul.* Quid? *Hirc.* Capreole, sequere Vitulinum, & pannum pro pallio defer in ædes meas. *Vitul.* Non. Illud statim conficies in domo nostra? *Capr.* Omninò Magister, melius est laborare in domo lanionum, quàm in nostra. Apponuntur subin farcimina. *Vitul.* Hæc apponuntur & hodie. *Hirc.* Nimiis hodie laboribûs jam domi occupor, cras autem statim conficiendo pallio manus admovebo, licet ægrè pro tali puero. *Vitul.* Si ægrè, mox alium sartorem advocabo. *Hirc.* Non, non. Abi Capreole, pannum pro pallio ad me defer. Interea caligas has mihi trade reficiendas.

Scena Tertia.

Vitulinus. Capreolus.

Vitul. Est mirabilis homo Magister tuus Hircasius. Omnes studiosos petulantia, parentes omnes neglectæ disciplina arguit, & tamen filium ipse habet Luridastrum, lurconem luridissimum, cui similem gymnasium non habet. *Hirc.* Magister tamen meus longè alia prædicat de suo filio, nempe morum probitate in toto gymnasio studiosum non esse similem Luridastro suo, sicut & in urbe nemi-

neminem civium sibi parem in educandis liberis, & hinc porrecto libellò supplici consulem urget, urgebitque fortius, quando senator erit, ut sicut pro milite ad prætoriam, ità pro civibus ad curiam erigatur asinus ligneus, cui imponantur parentes, filiis suis nimium blandientes. *Vitul.* Hircasius hæc, quando senator erit? necdum, Deo sint laudes, ad tantam inopiam redacta est urbs nostra.

Scena Quarta.

*Accedit Bertrandus, Vitulini frater.
Edmundus, filius Consulis.*

Edm. Capreole! Capreole! an necdum Hircasii manus vestem meam confecit? *Capr.* Necdum. *Edm.* Num parat illudere mihi consulis filio? certè jam ante octiduum absolvendam promiserat. *Capr.* Multa Magister meus promittit, ut labor illi committatur, sed deinde - - nisi quotidie urgeas, diu expectare poteris. *Edm.* Urgebo quàm maximè, & adhuc hodie. *Bertr.* Et meum an conficiet pallium in domo nostra? *Vitul.* laborare renuit in domo nostra, sed per Capreolum suam in domum pannum deportari petiit. *Edm.* Latere Bertrande, secus novis identidem adversus te querelis, quæ mira est hominis indoles, patris tui aures implere non cessaret. *Vitul.* Omnino paulò antè novum in te crimen observavit Hircasius. *Bertr.* Quid ergo de me caper? *Vitul.* Quòd nempe hodie, cum Missam accederes, prætereunti nemini

pileum detexeris. *Vitul.* Quòd cum socio ad usque templi januam garriveris, &, ut divinatur, etiam sub sacro. *Bertr.* Divinat tantum. *Capr.* Et hæc me parenti tuo deferre jubet. *Bertr.* Defer Capreole, defer parenti meo. Sed & hæc Hircasio tuo indica, filium ipsius Luridastrum ne quidem sacro adfuisse hodie. *Edm.* Et si compareat, quales libros sub sacro legit? mecum hic habeo, quem nuper in templo ex oblivione à Luridastro relictum inveni librum. *Vitul.* Qualis hic liber? fors libellus precatorius, aut leges, quas dicunt Marianas? *Edm.* lege tantum titulum. *Bertr.* * *Industriæ carthuschianæ, id est, vita Carthuschii, & sociorum aliquot.* . . Nempe Carthuschius est ille in gallia nebulo, qui furum integram societatem erexit. *Edm.* Hunc deferas Magistro tuo. *Capr.* Deferam, sed non credetur. *Bertr.* Interroget totam scholam, omnes habebit testes. *Edm.* Testem etiam consulat hunc ipsum librum, quem reddo. Hircasio tamen celes velim, quis tibi librum tradiderit. *Vitul.* Interim mecum.

Scena Quinta.

Bertrandus. Edmundus.

Bertr. Certus sum Edmunde, quoties conficiendo pallio meo acum hodie admovebit Hircasius, toties etiam linguâ me, & parentem meum perforabit; me ut tali beneficio indignum, patrem ut prodigum arguet. *Edm.*
Quid

* Legit.

Quid si nōſſet etiam liberalitatem novam, quā pater tibi, & familiaribus tuis lautam à prandio merendam parat, ad quam & me parentis tui veniā invitaveras? *Bertr.* Rumperetur ex indignatione, credo, vel consulem parentem tuum hac adhuc horā adiret, ut edictō consulari focum in domo nostra juberet extinguī. - Interim rogo, Edmundē, ut statim post horam primam, vel saltem ante secundam in domo nostra compareas. Nam & reliqui, quos invitavi, condiscipuli, in tempore se adfuturos promiserunt. *Edm.* Adeo, ne sis sollicitus. An autem multos invitāsti? *Bertr.* tres tantum præter Scribam cognatum nostrum. *Edm.* An verò hunc venturum putas? *Bertr.* Dubitas? num scriba lautam merendam negliget? *Edm.* Dignabitur forsan studiosis tantum gymnasiis comitem se jungere, præsertim cum ipse, postquam gymnasio nuper valedixit, jam sit quasi Academicus, & ubique gladium ad latus suspensum trahat. *Bertr.* Tam superba Scribillacio non est indoles. In circumstantiis hodiernis adhuc condiscipulus noster haberi cupit. *Edm.* At non etiam invitabis Luridastrum? *Bertr.* Luridastrum? puer tam procax haud convenit ingenuo nostro conventui. Eligat per me puer hic petulans socios sui similes. *Edm.* Sic, facilem posses tibi reddere Hircasium, ne amplius te apud patrem argueret. Imò probissimum te adolescentem diceret, si illius filium in familiarem amicitiam admitteres. *Bertr.* Quidquid

Hircasius de me blaterat, tam parùm curo, quàm si caper clamet gme, gme. - - At ecce! prodit cum egregio suo sodalizio, Abeamus.

Scena Sexta.

Accedunt Luridastrus, Hircasii filius. Aleander. Tabaccarius. Pistorellus. Potander, ejus socii.

Tabacc. Bertrande! Bertrande! *Lurid.* Quid hunc advocas? *Tabacc.* Bertrande, ad momentum subsiste, habeo, quæ tibi dicam. *Bertr.* Quæ illa? sed paucis expedi. *Tabacc.* Non placet odor brasilius? ubi pyxis tua? implebo. *Bertr.* Tabacco non assuevi. Nec velim assuescere. Dic, quid me velis. *Tabacc.* Ne superbus dedigneris alloquium condiscipuli. Hodiernam nôsti diem recreationi destinatam, adeoque hilariter transigendam. Ego verò occasionem scio opportunissimam, quâ miris modis recreare te possis, in conventu nostro. *Bertr.* Hac recreatione tu per me fruaris licet. Mihi de alia opportuna satis provisum. Vale.

Scena Septima.

Luridastrus unà cum sociis.

Lurid. Quid tu cum Bertrando? an ad nostrum fortè conventum invitare voluisti? *Tabacc.* fateor, libenter illum in nostram sodalitatem pertraherem; esset enim cætui nostro
uti-

utilissimus, & simul benefactor. *Aleand.* Bertrandus? *Tabacc.* Natus patre opulentissimò pecuniis, quibùs abundat semper, conventus nostrì inopiam posset sublevare. Præterea Lanionis est filius; posset facillimè in domo sua colligere sparsa farcimina. *Pot.* Posset, sed non faceret. Novi hominem, est teneræ nimis conscientiæ, plus quam ego. *Lurid.* Non, non quadrant Bertrandi mores moribus nostris. Dissolveret citùs conventum nostrum, quàm stabiliret. *Pot.* Nos solos vocationis gratia optimè conjunxit. *Lurid.* Deinde parens meus non probaret cum Bertrando societatem meam; omnem, quam de me æstimationem concepit, exueret, quippe nequissimum puerum hunc judicat. *Tabacc.* An verò tuam nobiscum initam amicitiam parens probat? *Aleand.* An nos probos credit? *Lurid.* Nondum omnino probos, nam talem me solum æstimat, sed tamen probitatis capaces, & mea societate, & exemplo ad morum probitatem deducendos. Ut tales enim patri meo vos descripsi. *Pot.* Enimverò capaces sumus, nunquid, qui mores, & exempla tua strenuè sequamur? *Aleand.* Et quas novas hodie ad omnem virtutem instructiones dabis, Magister morum? *Lur.* Post prandium in hodierna schola, hoc est, in taberna novas vobis instructiones tradam; ad virtutes varias, præsertim, sobrietatis in potando, fidelitatis in ludendo. *Tabacc.* In qua autem taberna scholam hodie aperiemus? *Aleand.* Quaris? in ordinaria, ad porcum

nigrum. *Lur.* Hanc hodie minùs tutam credo. Nam gymnasiarcha molestissimo me examine de hac taberna, aliisque rebus plurimis detinuit. *Pot.* Sed benè respondisti in hoc examine? *Lur.* Ascensùs notam promerui, & quidem Alatinissimum. Minitatus est mihi exclusionem, & ipsam domum castigatoriam, sed rideo has minas. Etiam vos, si hodie ad examina vocemini, nil fateamini. *Pist.* Prima pœseos fundamenta fatis egregiè, ut puto, hausi; ut aptè, & ad rem fingere didicerim. *Lur.* Ut autem magis tuti simus, in tutiori loco conveniemus, nempe in altera nota caupona, quam dicunt ad septem peccata capitalia. *Pot.* Omninò hic locus est tutissimus pro studiosis; nam, quod in aliis fieri amat hospitibus, hic neutiquam timendum, ut ipsi domestici nos prodant iis, quales non decet. *Aleand.* Unicum tamen, illudque maximum hac in caupona mihi displicet, quod symbolam statim præsenti ære solvendam exigant, nec fidem habeant diuturniorem tam honestis hominibus, quales nos sumus. *Pot.* Hoc sanè & me sollicitum facit; nec enim obolus est in marsupio, quem post prandium expendam. *Tabacc.* Nec mihi supersunt, nisi tres crucigeri. *Lur.* O stupores, ô stolones! nunquid monui sæpiùs, ut, quas parentes negant, pecunias ipsis clam surripiatis? Et id quidem bonâ conscientia. Sumus enim hæredes legitimi, & parentum bona etiam ad filios spectant. *Pot.* Tentavi, sed nulla occasio se obtulit. *Aleand.* Nec mihi. Nam
parens

parens mea arctè nimis custodit pecunias, cistæ ferreæ inclusas. *Pot.* Domi meæ non multa invenio, quæ possem surripere. *Lur.* Si pecunias non potuistis subducere, saltem alterum, quod dedi, documentum observa- te, & ex domestica suppellectile, quidquid venit obvium, subducite, & divendite. Vel desique etiam comestibilia nostris hodie usi- bus servitura. *Tabacc.* Hoc benè. Ego pa- tri meo mercatori subducam Tabaccum. *Aleand.* Vide, potiùs subducas novas char- tas lusorias. *Lur.* Et quid Potander Pistoris filius? *Pot.* panes ego adhuc calidos ad con- ventum afferam. *Aleand.* Ego ex Matris corte pinguem anserem evocabo, in taber- na dein assandum. *Tabacc.* Quid verò Lu- ridastrus? *Lur.* de me ne sitis solliciti. In domo sartoris nunquam deest furti occasio, si non patri, saltem exemplo patris. Aliquot fimbrias argenteas, aliæque ex pretiosis e panno frustula dextrè subtraham, quibus venditis nigram cerevisiam solvere poterimus. Agite ergò rem strenuè, & hodie post pran- dium horâ prima ad scholas, hoc est, taber- nam proximam convenite: qui seriùs vene- rit, graviter luet tarditatem suam, & tu qui- dem Tabaccale per horam integram Tabacco abstinebis, tu Aleander toto tempore ab alea- rum lusu, tu denique Potander per horam integram nobis potum infundes, quin ipse interea vel guttulam haueris. Jam valete, *Pot.* tam graves Pœnitentiæ nos omnes ad-
lecho.

scholam compellent. *Aleand.* Haud memini, me seriùs venisse unquam ad conventus similes.

Actus Secundus.

Scena Prima.

*Hircasius. Capreolus. **

Capr. Hic ecce pannum pro Bertrandi pallio. *Hirc.* - - - tam elegans, tam pretiosus pannus pro lanionis filio, & puero sordidissimo? ô stolidum parentem! an verò detulisti ipsius patri, quæ priùs jusseram de Bertrandi petulantia? *Capr.* Detuli fideliter omnia, de garritu usque ad templi aditum, *Hirc.* & quid ad hæc Lanio? *Capr.* Risit. *Hirc.* Risit? ô patrem! ô patrem! si talis non meretur equitare cum suo filio in equo ligneo, quis merebitur? *Capr.* Bertrandus etiam addidit quædam tibi nuntianda de filii tui socordia. *Hirc.* Socordia? in quo ille filium meum socordiæ arguere? *Capr.* Quòd sacro omnino non interfuerit hodie, imò quòd singulis septimanis minimum ter soleat deesse. *Hirc.* Mendacium hoc est crassissimum, quod mera invidia Bertrando suggestit. Luridastrus meus certè prandio carere mallet, si alia audiendi sacri occasio non esset. *Capr.* Testes hujus omnes condiscipulos asseruit. Librum insuper hunc testem tibi deferendum tradidit, quem filius tuus in templo legere solet. *Hirc.* Quid testabitur hic liber. *Cart. cartuce.*

Scena

* Scena figitur in Domo Sartoris.

Scena Secunda.

Edmundus, Hircasius, Capreolus.

Edm. Bona dies Magister Hircasi. An confecta est vestis mea? *Hirc.* Cras, cras, summô manè, antequam scholam adibis, confectam afferet Capreolus. Mone me crastinâ puer, si fortè oblitus fuero. *Edm.* Summô manè non indigeo. Non enim induam novam hanc vestem, nisi die proxima veneris, Natali domini parentis mei. *Hirc.* Incidit in proximam diem veneris natalis dies domini consulis nostri? oportebit & me hanc diem humillimè, & facundissimè gratulari. Mone me crastina puer, ne in leges humanitatis peccem. *Capr.* Monebo, nisi & ipsus obliviscar. *Hirc.* Si primùm die veneris Edmundus veste indiget, non opus est Capreole, ut cras me moneas de conficienda veste. *Edm.* Imò moneas tamen. Jam ante octiduum promiseras, & tamen necdum manum admovisti. Certè si die veneris summô manè ex integro confectam non attuleris, urgebo D. parentem consulem, ut te turri civicæ per triduum includat, solô pane, & aquâ reficiendum. *Capr.* Vel per triduum jubeat equitare. *Edm.* Equitare? *Hirc.* à propos edic, an nihil ex domino consule parente tuo audiisti de consilio quodam toti urbi saluberimo, à cive boni publici studiosissimo ingeniosè excogitato? *Edm.* De extruendo forsan asino? *Hirc.* De hoc ipsissimo. *Edm.* Audi

divi aliqua, sed quis civis ille, qui tale distavit consilium? *Hirc.* Fortè hinc non procul abest. *Edm.* Esne tu ipse? *Hirc.* forte. Quid autem dixit D. parens de hoc consilio? *Edm.* Dixit prorsus admirabile, & stupore dignum. *Hirc.* Penetravit hic ingenii sui acu hoc publicum urbis bonum. *Capr.* An factor fuit? *Hirc.* Nescis autem, an illud hodie in senatu Magistratui prælegerit, communi plausu excipiendum? *Edm.* Haud dubiè. Justò longiùs hodie senatorum confessus protrahitur; necdum è senatu rediit pater. *Hirc.* Omninò.

Scena Tertia.

Edmundus. Hircasius. Capreolus. Luridastrus.

Hirc. Opportunus ades fili. An hodie jam interfuisti sacro? *Lur.* Edmundus me prodiderit. - Fatebor, sacro ordinario non interfui hodie. *Hirc.* Et cur non? *Lur.* De hoc me cras jam excusabo in schola. *Hirc.* Et quam excusationem afferes? *Capr.* Nox jam suggeret mendacium. *Lur.* Excusationem legitimam. Sacerdotum non nemo, dum consuetam adire Missam cogitabam, ex itinere me rogaverat, ut illi ad aras servirem in sacello suo domestico. *Hirc.* Legitima excusatio pro die hodierna. Sed nunquid sæpiùs intra hebdomadem aberas à sacro ordinario? *Lur.* hæc ipsa est absentiae meae causa. Et vel in sacello domestico, vel in vicino monasterio

nasterio Carthusiensi ad aras servii. Nunquid
 Edmundè hanc ipsam nuper excusationem
 Magistro attuli? *Edm.* Allatam audii. *Hirc.*
 Et hanc nunquid approbavit Magister? *Edm.*
 Hoc audii, quòd ex te quæsierit, quis fuerit
 ille Sacerdos, & quale, & ubi hoc sacellum
 domesticum. Quid responderis, non attendi.
 Hæc enim ad me nihil. Domum nunc redeo,
 finito fors senatu domum redierit pater, quid
 de tuo statutum consilio, explorabo. *Hirc.*
 Urge, quantum potes, urge zelosissimi civis
 studium indefessum. *Edm.* Urgebo, ne du-
 bita. Etiam tu non turrin, sed equum con-
 scendes, si vestem meam ad præstitutam diem
 non confeceris. *Hirc.* Accepto conditionem.
Capr. Risum certè tenere non possem, si te
 equitem spectarem.

Scena Quarta.

Hircasius, Luridastrus, Capreolus.

Hirc. Sed adhuc aliquid fili. Quis liber
 iste, quem in templo legere soles? cart - car-
 tuschiuz. Num tractat fortè de miscendis char-
 tis? *Lur.* Minimè gentium, pater. Liber
 hic sanctus est. *Hirc.* Liber sanctus, qui
 docet artem lusoriam? *Lur.* Nescis, pater,
 me Carthusiani ordinis candidatum esse? &
 hinc sancti Cartucii, & sociorum vitam sum-
 mô studiò perlego, ut præclara illorum ex-
 empla, & facta illustria imitari discam. An
 malè hoc factum? *Hirc.* Imò optime, fili mi,
 optime. O quàm egregie diluis calumnias,
 quas

quas in te sparsit invidia. Omnem jam suspicionem sinistram depono, & novam de te æstimationem concipio. *Lur.* An sinistram de me opinionem concipere pater potuisti? *Hirc.* Non, nunquam concepi, etsi à multis tentatus. - - Ut autem videas pupule mi, charissime fili, domine Carthusiæ candidate, ut videas, quanti æstimem probitatem tuam, ecce argenteas fimbrias, quæ nupet in domo nostra remanserunt superfluxæ. *Capr.* Ex vestibus nempe Domini. - *Hirc.* file tu puer, & labora. - Statim poteris hīs uti, jam ita aptavi. *Lur.* Liberalis es nimium. *Capr.* Ex alieno. *Lur.* Patere, exosculer paternam manum. *Hirc.* Hoc frustulum serviet pro cingendo pileo. Hoc pro genibus. *Lur.* Iterum exosculor paternam manum. Hīs tamen ornamentis nolim hodie superbus incedere. Servabo pro solenniore die festa. *Capr.* Vel donec dignus sis sodalitatis præfectus. *Hirc.* Hæc certè præfectura dignior esses aliis omnibus sodalibus. *Lur.* Certè etiam illam assecutus forem, nisi tantum syntaxisista forem. Cæterum ambitiosus non sum. *Hirc.* Benè facis. Humilitas virtus est Religioso, & ordini tam severo, quem ambis, maximè necessaria. * Ad prandium, ad prandium, jam parata est ossa. *Capr.* Etiam ego sum paratus. *Hirc.* Prius tamen Capreole ad cauponam. Inde afferas mensuram cerevisiæ pro me & filio. *Capr.* Et pro me? *Hirc.* pro te aquam.

Actus

* Intra Scenam.

Actus Tertius.

Scena Prima.

Liphippulus. Betrandus.

Lipb. *. Alld alld guete wahr, schöne riehmld, schöne porten, fästs ey, gibts ganz wohl feil. *Bert.* Quid clamoris tollis per plateas puer? *Lipb.* En fimbrias, quas & pileo & pedibus applies. Eme, dabo pretiô sanè levissimo. *Bert.* Emerem, nisi furtiva subductas manu crederem. Unde tu has puer? *Lipb.* Non nosti patrem meum? notam hic loci mercaturam exercet; quisquis nempe habet, quod vendat, seu vestes, seu alias res laceras, & detritas, seu superfluas, ad patrem meum deferit. *Bert.* Et pater tuus emit omnia? *Lipb.* Non emit ipse, sed per urbem circumferens emptores inquit. Pretium pro divenditis reddit fideliter suis dominis, aliquo tamen pretio retento sibi pro labore. *Bert.* Novi hominem. Nonne pater tuus Liphippius dicitur, quem judæum christianum nominant, & baptizatum? *Lipb.* Est ipsissimus. *Bert.* Quod ergo pretium exposcis pro his mercibus? *Lipb.* Quod tu ponis pretium? *Bert.* Lanionis ego sum Filius, qui merces ejusmodi æstimare nunquam didici. Et ecce opportune.

Scena

* Clamat.

Exer. Theat. Tomul. II.

M

Scena Secunda.

Bert. Liph. Hirc. Capr.

Cap. Magister hircasi, tu rerum peritus es, quanti æstimas has merces? *Hirc.* Quis has tibi fimbrias? *Bert.* puer hic venales mihi proponit. *Hirc.* Et à quo tu has? *Liph.* A patre meo, quem nosti, Liphippio. *Hirc.* Et à quo pater tuus accepit? *Liph.* Id equidem ignoro, has solum iussit me pater per urbem circumferre, & emptores inquirere. Plura nec velim, nec ausim interrogare à patre. *Hirc.* Capreole, inspicere hæc, quid censes? *Capr.* Puto, quòd - - *Hirc.* Et quanti vendere hæc iussit pater tuus? *Liph.* Iussit me petere florenos duos. Pro uno tamen possum empturo cedere. *Hirc.* Bene. Emam ego. Capreole, non habes, quem mihi interea mutuum des florenum? *Capr.* Per amorem Dei! unde ego florenum? quoad vivo, nunquam ultra duos crucigeros in meis oculis numeravi. *Hirc.* Hinc tu Liphippule, mecum in domum meam. Exolvam petatum pretium. *Bert.* Protestor. Prior ego tempore, prior jure oblata emam. En florenum præsentem puer. *Hirc.* Quin mihi cede. Addam floreno decem crucigeros. *Bert.* Addam ego viginti. *Hirc.* Ego triginta. *Bert.* En thalerum imperialem integrum præsentem. *Liph.* Et tu aureum hungaricum? *Bert.* Quomodo aureum dabit, qui tota in domo sua florenum vix invenit. - - Mihi cede. *Liph.* habe. - - Surrexi hodie bonis avibus. Quam gratus parenti veniam!

Scena

Scena Tertia.

Hirc. Capr.

Hirc. Imperialem integrum statim Bertrandus? improbissimum puerum, si patri clam hæc subduxit; stolidissimum patrem, si tot pecunias tradat puero. *Capr.* Digni nunquid pater & filius, qui equitent? *Hirc.* Dignissimi omnino. Sed num constat tibi, Capreole, quæ me causa impulerit, has merces ut emerem? *Capr.* Nempe ut majore iterum pretio divendas. *Hirc.* Non sola lucri causa, sed aliud me impulit. Num bene tuis considerasti oculis oblatas à Liphippulo merces? *Capr.* Consideravi, & quod jam prius volebam dicere, has ipsas putabam esse fimbrias, quas ante prandium Luridastro donaveras. *Hirc.* Hoc ipsum mihi persuasissimum putabam. Sed unde ista in manus Liphippuli? *Capr.* Dixit utique à manu parentis sui Liphippii. *Hirc.* Sed unde in manus Liphippii? *Capr.* fors Luridastrus Liphippio vendenda attulerit, qui sæpe studiosorum mos fert. *Hirc.* De omni alio studioso non dubitarem, sed de filio meo possem hoc non credere, imo nec ausim suspicari. *Capr.* Si de alio studioso hoc crederes, cur non & de filio tuo? *Hirc.* Quia hic solus probus est ex omnibus studiosis. - - Sed age, pannum hunc deferas in domum nostram. Ego Liphippium adeo, ut certiora explorem. - - - Jam avidus audiam, quid tandem rei subsit. At forte Liphippius non sincere fatebitur. At ecce! ipse Luridastrus. Hunc prius severe examinabo.

Scena Quarta.

Hirc. Lurid.

Hirc. Unde tu modo fili? *Lur.* E domo.

Hirc. Ornamenta pilei, & argenteas fimbrias, quas prius tibi donavi, cur non induis, dum domo egrederis? *Lur.* Cur indoam hodierna

die, quæ festa non est? *Hirc.* Num domi ergo caute asservasti? *Lur.* Non nisi festo so-

lennissimo in lucem protrahenda. *Hirc.* Mecum domum redi. Vellem ea adhuc semel

videre. *Lur.* Et cur hoc? *Hirc.* certas ob

causas. *Lur.* An poenitet te donasse, & re-

vocabis data? *Hirc.* Non poenitet, si - - sed

certas ob causas vellem videre, & statim mo-

do. *Lur.* statim modo non possum ostendere.

Hirc. Cur non? *Lur.* Quia modo domi non

habeo. *Hirc.* Ubi ergo sunt? venit paulo an-

te ad me condiscipulorum quidam, cui in cra-

stina, quam syntaxis major dabit, commœdia

persona est sustinenda. Hic ubi vidit ornatum

pileum, rogavit amicissime, ut pro crastina

illi hæc ornamenta commodarem. Negare

non volui; nec honeste potui impense rogan-

ti. *Hirc.* Ah fili! quid fecisti? quid fecisti?

Lur. An male hoc factum? charitatis obse-

quium proximo exhibere? præsertim cum pau-

ci sint in urbe nostra, qui erga Comicos opus

charitatis exercent. *Hirc.* Candida, & sin-

cera nimium tibi est indoles, ex qua & reli-

quorum mores metiris, & sic pessime delusus

es. *Lur.* Delusus? in qua re, aut à quo? *Hirc.*

Nostine satis studiosum illum, cui dicta dedisti

mu-

mutua? *Lur.* Novi tam bene, quam me ipsum. Adolescens est morum probitate vix me inferior. *Hirc.* Et tamen hic ipse pessimus nequam, & fur est, quæ mutua dederas, hic nequam puer omnia ad Lippium detulit vendenda. *Lur.* Divendidit? *Hirc.* Ipsus ea modo vidi per puerum Lippii venalia circumferri, quæ etiam Bertrandus jam emit, & iis, quæ tibi donaveram, pilei ornamentis superbus incedit. *Lur.* Falleris pater, Ornamenta vidisti meis simillima, at non eadem. Cernis utique plures studiosos, & Juniores hic loci opifices pileos suos ejusmodi argenteis exornare. Ex horum numero fors aliquis sitibundus frater sua Lippio vendenda dederit. *Hirc.* Mihi tamen videbantur hæ fimbriæ, non tantum simillimæ, sed omnino eadem, quæ tuæ. Eadem latitudo, eadem textura, eadem in omnibus forma, ut nec ovum ovo sit similis. *Lur.* Recte. Ovum est per omnia simillimum alteri ovo, & tamen non est idem ovum: sic licet fimbriæ similes aliis, tamen propterea non sunt eadem. *Hirc.* Magno metu, & suspitione me liberas. Jam levior domum redeo. Ut tamen omnino securissimus sim, age fili, studiosum illum accede, explora, an adhuc secum habeat, quæ eidem commodasti. *Lur.* Obsequar, & recta accedam. *Hirc.* Quo alias properabas modo? *Lur.* Cum dies sit recreationis, & tempestas serenior, volui non nihil deambulare, & inter deambulandum historiam ediscere, aut legere quidpiam ex pio hoc libello de vitis Char-

tufianorum. *Hirc.* Hæc industria tua planè nulli alteri studiosorum tecum communis est. attende tamen, ne nimium studium, & continua lectio cerebrum tuum lædant. - - en - condimentum aliquod, quo languidas studiis reficias vires. - - *Spira* est Butyro, sacharo optimè condita, quales certis tantum diebus à pistore quodam pîntuntur. Ipsemet genium meum defraudavi, ut te Salebustum meum pascere. *Lur.* Grates paternæ liberalitati. Ubi domum redieris, statim ad me accede. Nigræ cerevisiæ haustu nos refocillabimus. *Lur.* Grates liberalitati tuæ. Sed statui nuper extra prandii, & cænæ tempus potum nullum admittere, ut nempe assuescam mori Religiosi ordinis, ad quem aspiro. *Hirc.* Optime facis, non impediam tam sanctum propositum. *Lurid. solus* vade, vade, caput simplicissimum, & solo caprino cerebro refertum. At mihi quàm felix ingenium! quam in tempore suggessit mendacium de comœdia!

Scena Quinta.

Tabacc. Lurid.

Tab. Ubi solus tam diu hæres *Luridastre*? jam omnes oviculæ congregatæ sumus in consueto ovili, tu solus dees, dux gregis, ipse caper. *Lurid.* Parens in ipso aditu obviis molestissimo me examine retinuit. *Tab.* Sed feliciter evasisti? *Lurid.* Promptissimo mendacio. *Tab.* Veni ergo, lætior, quam ulla alia fuet hæc nobis, vespera. *Lur.* Bonam intentionem
jam

jam præfixi hodierno labori. Sequor. *Tab.*
Imo, præi sus, dux, auctorque.

Actus Quartus.

Scena Prima.

Scriba. Hircasius.

Scrib. Festina Magister Caprasi, nam me lætus expectat conventus. *Hirc.* Non opus est, ut D. scriba ipse mecum mercatorem accedat. Tantum placeat indicare, cuius coloris pannum pro nova veste velit coëmi. Jam solus cum mercatore omnia transigam ad vota. *Scrib.* Colorem nondum determinavi. Nuper adhuc studioso præplacuit viridis. Nunc scriba quid eligam, hæreo. *Hirc.* Color ruber & scribam non dedeceret, utpote fors brevi futurum alicubi iudicem. *Scrib.* Rubri coloris vestem nunquam induam. Præsertim si præfecturam oppidi alicujus obtinuerō. *Hirc.* Cur non? *Scrib.* Quia hic color obnoxius est Rusticorum, & civium sannis, qui dicere non verentur: ecce hic D. præfectus etiam vestem suam sanguine rusticorum, & civium pinxit. *Hirc.* Si medicus esses, vestem nigram suaderem notas ob causas. *Scrib.* Accedimus mercatorem, explorabo, quos pannos habeat in taberna sua. Inde eligam pulcherrimum, & simul pretio tenuissimum. Sed qualem mercatorem adibimus? *Hirc.* Hic proxime habitantem Italum. Iste est certe honestus vir, saltem inter Italos.

Scena Secunda.

Scrib. Hirc. Bertrandus.

Bert. Te ipsum D. cognate quærebam. Jam Collecti reliqui sodales omnes te unum avide expectant. *Scrib.* Nec minus avidus ego ad vos propero, charissimos nuper condiscipulos, sodales vero etiamnum fidissimos. *Bert.* Constituti etiam Phonasci, qui fidibus suis communem lætitiâ animent. Hilariter, ut spero, transigetur à nobis hæc dies. *Scrib.* Spero & ego, qui multis tandem precibus à domino meo extorsi aliquot horas liberas. Diutius longè hærendum mihi in cancellaria, quam olim in schola. *Bert.* Crediderim, nunc ergo me sequere. *Scrib.* Si ad paucula momenta expectare me velis, conficiam cito cum proximo mercatore negotiolum. Panos duntaxat inspicio; de pretio mercis dein Magister hircasi cum mercatore convenis. *Hirc.* Hoc mihi tutus committe. Novi mercatorem, & ille me. Conficiemus omnia ad votum nostrum. *Bert.* Hic ego reducem expectabo. *Scrib.* Dixi, redux ero in momento. *Bert. Solus.* si hircasius sciret, quanta liberalitate hodie nos pater haberet, quantas in illum effunderet querelas! quàm stolidum illum Parentem, quàm improbum me proclamaret.

Scena Tertia.

Bert. Vitul.

Vit. Vocavi jam phonascos. *Bert.* An venient etiam in conventum nostrum? *Vit.* An dubi-

dubitasti venturos? avidis faucibus, & jejunis stomachis in vicina taberna expectabant jam diu, nūm quis illos conduceret hodie. Vixque invitaveram, omnes illico exiliere, raptisque celeriter instrumentis musicis in domum nostram properarunt, jamque illuc advenerint, me præcurrentes. Redeamus jam & nos domum. Aut an deest adhuc aliquis, quem quæsitum ibi? D. scriba cognatus noster an non obvius tibi factus? *Bert.* factus obvius; mox aderit, hic illum opperiamur. *Vit.* An non recusavit invitationem? *Bert.* tam graviter in humanitatem peccare non audet, præsertim ubi jam scriba factus. Dein habet etiam honestum titulum mensæ, quia cognatus noster. *Vit.* Ego adhuc meliorem, quia frater tuus. Utique patiemini vos Domini studiosi, me licet lanionem eidem vobiscum mensæ accumbere?

Scena Quarta.

Bert. Scriba. Vitul.

Scrib. Nunquid bene exsolvi fidem tam cito redux? *Bert.* Fidem mihi datam exsolvesti, an etiam mercatori suas merces? *Scrib.* hoc patri meo relinquo. *Bert.* Et qualem colorem elegisti? *Scrib.* Candidum. *Bert.* Scriba candidum? omnes atramenti maculæ notantur in veste candida. *Scrib.* Non induam has vestes, dum scribo, sed tum duntaxat, cum nobiliores, quas convenit, personas visitabo. *Bert.* Intelligo, & quantum pendere

debebas pro ulna hujus panni? *Scrib.* Pretium hoc mercatori et sartori reliqui; melius intelligunt, quam ego. *Bert.* Omnino. Uterque est vir industrius. Neuter se ipsum decipiet. *Vitul.* Pergamus jam ad socios.

Scena Quinta.

Bert. Scrib. Capr. Vitul.

Capr. Heus domini, non vidistis M. meum Hircasum? frustra ubique illum per omnes tabernas inquirō. *Scrib.* Apud proximum mercatorem Italum invenies. *Bert.* Placeat præcedere, D. Cognate. *Scrib.* Inter amicos non soleo disputare de præcedendi prærogativa.

Scena Sexta.

Capr.

Capr. Quàm falsum est, quod mater mihi sæpius, dum domi adhuc eram, minitata est. Exspecta, dicebat sæpius, exspecta puer in quiete. Dum proxime te sartorum tyrocinio tradidero, disces quietem, & affixus scamno tota die adhærere. Falsissimum hoc est, apud Hircasum tota die debeo currere. Nunc jubeor obire domos civium, & interrogare, utrum nullæ sint illis vestes vel conficiendæ, vel refarciendæ. Nunc lustrare jubeor hospitia, & tabernas, &, an nulli, aut quales ibi divertant studiosi, explorare. Nunc - - at.

Scena

Scena Septima.

Capr. Hirc.

Capr. Magister, quæsit te - - *Hirc.* Quis?

Capr. Apparitor. *Hirc.* Apparitor? *Capr.*

Ita. An conscius tibi es delicti alicujus civilis, & propterea forte turri includendus? quam tibi condolerem! Vix retinere possem lacrimas. *Hirc.* Hunc metum pone. Divino, quid me velit. Non delicti causa, sed ob grande in patriam totam meritum.

Scena Octava.

Hirc. Capr. Apparitor.

App. Submittit tibi Hircasius meus gratosus D. Consul chartam hanc. *Hirc.* Nostine jam, quid in se contineat? *App.* Quid contineat, mea parum interest. Caterum si fors tibi sinistrum quid per me contingeret, nolim irascaris mihi. Consulis imperium exequi debebo etiam invitus. *Hirc.* Non probrum hodie, sed laudem publicam à Magistratu exspecto.

Alldierweilen dan, und nachdem unser liebe getreue Mitburger Hircasius aus allhieffiger wohlthöblicher Schneider Compagnien einer seits uns nit wollen entvor behalten - - audis præconia fidelitatis meæ? wie daß etliche in unser allhieffigen hohen Reichs Statt anseßige Eltern, und Haus Vätter in gebührender Kinder education zimlich negligent gefunden worden. Wie nichts destoweniger auch anderseiths ohne Maas gebung durch Erbauung und ædification eines Sels

fels nach bescheidener Beybehaltung des oben respective angezogenen Hircasii diesem in unsere Stadt leider schon eingeschlichenen Ubel kunte entvorgekommen werden. als geduncket uns nach reifster Überlegung bestermassen befuegt zu seyn diser durchaus spitzfindigsten eingelieferten supplication ein gnädiges Gehöre darzureichen: ertheilen mithin gnädigst tenore præsentium ihm Hircasio als einem dise Ehr bestermassen meritirtem Vatter völlige commission baldigst einen Esel empor zu heben, daß man vileicht heut noch in einem seinen Sohn nit allerdings nach Gebühr aufziehenden Vatter ein zum Schauder aller Väter, und Söhnen heilsames exempel statuiren könne, und möge. Gegeben in dem Burgermeister-Ambt, den letzten Aprill 1755. hoc fiat, & fiet. Jam assignavi quosdam, qui merentur, sed de his postea. *Hirc.* Nunquid patet ex hoc Decreto, quam prudens fuerit, quod suggessi, Consilium. *App.* Certe prorsus admirabile. *Hirc.* Ab omnibus cummuni plausu excipiendum. *App.* Quin toti civitati risum non mediocrem moturum. *Hirc.* Præsertim cum viderit primum equitem, in quo hoc consilium executioni mandabitur: nunc ipse fabrum lignarium accedam, ut celerem operi manum admoveat. -- sed unum adhuc Consul non addidit, qua nempe in forma, qua figura alinum extrui jubeam? *App.* Eo ipso consul id tuo relinquet ingenio, & arbitrio. *Capr.* Quid multum de-liberas? haud deest utique forma similis cum alino

asino militari. *Hirc.* Cum asino militari? hoc non, nam debet, interesse discrimen inter asinum militarem, & civicum. *App.* In quo? *Hirc.* Asinus civicus debet esse longe capacior, ut eo commodius ipsi parentes una cum filiis, & tota sæpe familia huic equo possent imponi. *Capr.* Sed unicus asinus num sufficiet, putas, tot hominibus? *Hirc.* Bene mones. Cum tempore tamen, dum sic mea florebunt in patriam studia, facile poterunt plures confici. *App.* Imo hoc alio modo facile posset compensari. *Hirc.* Quo modo? *App.* Si pedes asini non terræ infingerentur, sicut ad prætoriam; sed sint liberi, ut sic equitans per omnes urbis plateas circumductus omnium civium ludibrio magis exponeretur. *Capr.* Hoc, Magister, mihi omnium maxime placeret. Sic & ego quandoque ejusmodi equitem possem circumducere. *Hirc.* Imo esset ad imitationem, dum die palmarum in vicino pago nostro pueri asinum fune illigatum per compita circumducunt. *App.* Et hoc solenne festum, spero, per annum sæpe celebraretur. *Capr.* Quis erit forsan, qui hoc in equo solenniter equitabit? *Hirc.* Quis? parentes & patres familias hic loci ad unum omnes cum omnibus suis filiis, me, & te excepto, præsertim illi, qui studiosos noctu * - Ju! Ju! Ju! Ju! *Capr.* Audite, quàm læti sint hac in taberna rustici. *Hirc.* Non sunt rustici, sed studiosi. Pro pudor! studiosi sunt, scio, & quales sint, scio, & quales sint. Curre capreole, vicinum
La-

* Clamant intra scenam.

Ianionem mone, Bertrandi patrem. Hucip-
sus veniat visurus, quàm egregium educarit
filium. Citò, inquam, curre, mone, urge.

Scena Nona.

Hircasius. Apparitor.

Hirc. Tu verò Domine Apparitor, digne-
ris mecum hic expectere non nihil, dum
deprehenderimus hos potatores in flagranti.

App. Quid ad me, si in tabernis potent, aut
saltitent studiosi? nil juris mihi in studiosos
est, potestatis nihil. Ad solos cives, si for-
tè graviter rixentur, mea se extendit aucto-
ritas.

Hirc. Testis saltem esse poteris, &
Domino consuli visa referre. *App.* Neque D.
consul se studiosorum causis immiscet; habent,
qui illis invigilat, gymnasiarcham suum.

Hirc. Si non studiosos, tamen ipsorum paren-
tes corrigere, & punire consul potest, & debet.
Parentes enim talia suis indulgentes filiis ma-
gis rei sunt, quàm ipsi filii. * *Vivat, bibat no-*

ster Dux: dum potamus, dum voramus, dum
fumamus, dum saltamus, ô quàm leta fluit
lux, vivat, bibat noster Dux.

Hirc. Au-
distin hæc, & quibus auribus? *App.* meis.

Hirc. Et quid tandem sentis de lurcone illo,
de Bertrando, Ianionis nostri filio? hic enim
præses est tam venerandi cætus. Hic, h c
est, de quo cecidit: vivat, bibat noster

Dux. *App.* An suspicatis tantum, an certus
es? *Hirc.* Plusquàm certus sum. Bertrandus

est,

* Cantant intra scenam.

est, & cum illo, quod miror, etiam scriba.
App. Ego non mirarer. *Hirc.* Dixi, certus
 sum ex iis, quæ prius ab ipso Bertrando ad
 scribam dicta accepi. Et ecce! puer Cella-
 rius hujus tabernæ. Ex hoc plura expiscabor.

Scena Decima.

Hircasius. Apparitor. Cellarius.

Hirc. Læti sunt vestri hospites. *Cell.* Hac
 de causa ad nos accedunt, ut læti sint, &
 hilares. *Hirc.* Præsertim D. Scriba, & D.
 Bertrandus. *Cell.* Quis iste Bertrandus? *Hirc.*
 Lanionis filius, Dux, & coryphæus nunquid
 hic totius agminis? *Cell.* Recens ad obsequia
 cauponæ hujus assumptus sum. Haud novi
 hospites, & si nossem, candide dico, tibi
 non proderem. Quid enim ad te Lanionis
 filius? imò si ipse filius tuus in hac caupona
 esset, tibi non dicerem. *Hirc.* Filius meus
 vitat hospitia, ut dæmon crucem. *App.* Pi-
 scatus es? quid cepisti, nempe nasum.

Scena Undecima.

Hircasius. Apparitor. Capreolus.

Hirc. Quid est Capreole, an monuisti la-
 nionem? *Capr.* Ut jusseras, omnia narravi,
 etiam amplificavi. *Hirc.* Et quid ad hæc il-
 le? num veniet visurus ipse. *Capr.* Non
 credo, venturum. *Hirc.* Non? quid ergo
 respondit? *Capr.* Nihil. Sed ad relata risit,
 ut vix non rumperetur, & se in cubiculum
 suum

suum recepit. *Hirc.* Risit? risit in tali casu pater? vix me contineo consulem, ubicunque sit, adeo. Consilium oblatum hodie adhuc in lanione dandum est executioni. Unius exemplum terreat parentes reliquos, ut filiis minus indulgeant. Equitabit lanio, equitabit adhuc hodie. *Capr.* Credo facile, quia equitabit, & extra urbem vitulos conquirit. *Hirc.* Non, non. In urbe equitabit, nec tamen extra urbem. Sequere me, obsecro, Apparitor, ut testeris. *App.* Quid testari possum, dum nihil vidi? *Hirc.* Hinc intremus, ut videas. Age, exsere auctoritatem tuam. Fac pandantur fores, & cubiculi janua. *App.* In studiosos ego nulla auctoritate, uterentur illi & sua in tergum meum, quod nuper expertus sum. *Hirc.* Quid nostræ civitatis pane frueris? si nil animi tibi superest in petulantes pueros, *App.* tu si audeas, intrato. *Hirc.* Non me contineo diutius: irrumpo.

Scena Duodecima.

Hircasius, Apparitor, Luridastrus cum sociis in caupona.

* *Cell.* Foras caper, foras.

Scena Decima tertia.

Hircasius. Apparitor. Capreolus.

Capr. Puto, Luridastrum me vidisse, non Ber-

* Repetitur cantilena.

** Erumpit ex caupona Luridastrus cum Sociis.

Bertrandum. *App.* Vis, consulem moneam?
& quid viderim, tester? *Hirc.* sum impos
mei, sum impos mei, talis filius meus? sed
faxo, patrem non impune deceperit. Dabo
exemplum urbi, ut videat, quid agere oporteat
genuinum patrem. Si delicta filii non
impedivi, quæ ignoravi, saltem severè puniam,
quæ novi modò delicta. Interim tu
Capreole curre, fabrúmque lignarium in domum
meam evoca. Afferat secum trabes, asciam,
& longiores clavos. *Capr.* Cur? vis, ut
patibulum fabricet, ex quo te, vel filium
suspendas? *Hirc.* Fac, quod jussi. Rum-
por furore. *App.* Et ego risu.

Actus Quintus.

Scena Prima.

Hircasius. Faber lignarius.

Fab. Nunquid dexterè à me confectum vides,
quod petieras? satis suaviter equitabit,
quem hic equus portabit. Solum caput modò
deest, quod sculptor melius conficiet,
quàm ego. *Hirc.* De capite non sum sollicitus.
Sed tergum equi non videtur mihi satis
exasciatum. Transversas has tabulas velim
acutiores. *Fab.* Satis acutæ sunt. Experire,
si velis. *Hirc.* Experiar, * - Est, est satis
strigosus hic equus, & ephippium non molle,
Fab. Ut autem magis sentiat imponendus eques,
impediatur, ne liberis manibus se ipsum juvare,

Exer. Theat. Tomul. II.

N

&

* Ascendit asinum.

& corpus valeat sublevare. *Hirc.* Et quommodo hæc? *Fab.* Sic facies. *Hirc.* Benè. *Fab.* Deinde militum, ità equitantium pedibus vidi, quòd appendantur sclopetà, sic tu pedes tuos vario pondere gravabis, verbi gratiâ. *Hirc.* Satis, satis est. Jam me solve denuò. *Fab.* Statim. Monebo priùs sculptorem de perficiendo capite. *Hirc.* Expecta, expecta -- sic tu agis cum honesto viro? *Fab.* Et tu sic egisti nobiscum honestissimis civibus, quos omnes asino imponere voluisti. Ecce nunc merces tua.

Scena Secunda.

Capreolus. Hircasius.

Capr. Quid hoc Magister? *Hirc.* solve me Capreole citò. *Capr.* Quis te ligavit? *Hirc.* Quisquis ligaverit, tu modò solve. *Capr.* Nescis, ubi modò filius tuus? *Hirc.* Non est amplius filius meus. Certè non amplius patrem, sed severum in me vitricum sentiet. At tu solve. *Capr.* Apparitores undique in filium tuum inquirunt, & jam nostris vidi imminere ædibus. *Hirc.* Apparitores? *Capr.* Et quidem, ut dicunt, ex consulis mandato. *Hirc.* Utinam in carceres, aut in domum castigatorem Lurconem includerent. At tu tandem me solve, aut dentibus te discerpo. *Capr.* Ergo non miseret te filii tui? *Hirc.* Tace jam de filio, & me tandem exsolve. *Capr.* Unde incipiam exsolvere, undique ligatum? *Hirc.* Ulnam hanc extrahe, ut libera

bera habeam brachia. *Capr.* Hac ulna nunquid sæpiùs peccâsti? hinc Deus te punit modò. *Hirc.* In rabiem agor, Vel extrahe aut.. *Capr.* Si in rabiem ageris, non ausim propiùs accedere, ne nasum mihi admordeas, aut dentibus discerpas. *Hirc.* O maledictum puerum! non solves?

Scena Tertia.

Bertrandus, Vitulinus, Hircasius.

Bert. Adsum Hircasi, & jam satis fieri mihi peto pro tot injuriis, quibus hætenus me toties, & præsertim hodiè affecisti. *Vit.* Idem & ego peto nomine parentis mei per totam urbem à te diffamati. *Hirc.* Solvite priùs. Tunc respondebo. *Bert.* Non, non. Opportune hic sedes. Dic modò, an puer ego sum impius, omni parentum favore indignus? *Vit.* An pater meus stolidus, & filio nimium indulgens? *Bert.* An in hospitio fui hodiè? an Dux & coryphæus ganeonum? *Hirc.* Ah solvite me, & dicam, te adolescentem omnium esse probissimum, & patrem vestrum civium omnium honestissimum.

Scena Quarta.

Scribaciùs. Bertrandus. Vitulinus, Hircasius.

Scrib. Quid est insolens caper? tune hodiè coram Apparitore affirmare es ausus, me cum

Rusticis, aut ut rusticum in taberna clamare, & saltare, & nescio, quomodo græcari? *Hirc.* Quid inde, si de scriba hæc dicam? Licet his utique tabernas frequentare. *Bert.* Domine cognate, consulem juncta manu accedimus, ut honori nostro satis fiat, urgemus. *Hirc.* An non satis factum jam vobis per præsentem miseriam, in qua me cernitis. *Capr.* Ego certè sine lacrimis te videre non possum. Recedo. *Hirc.* Ah solve me prius. solvite, obsecro, & satisfaciam, revocabo omnia. *Vit.* Ad consulem, ad consulem.

Scena Quinta.

Cellarius.

Cell. Quis novus hic eques? & quousque hodie tam festinus? cæterum opportunè te invenio, missus à caupone meo, denuntiat ille tibi per me, ut, si tergum te titillet, redeas, & iterum in tabernam importunus irrumpas, excipiet te, ut tales decet hospites. *Hirc.* Caupo tuus seductor est, filium meum perdidit olim innocentem. *Bert.* Olim, nempe in cunis. *Cell.* Criminaris etiam, postquam hospites è taberna nostra fugasti? aufugere enim cum filio tuo territi per te socii, non dum soluta symbola, pro quâ tu satisfacies. *Hirc.* Ego solvam pro his lurconibus? *Bert.* Quid olidus sartor, studiosos lurcones? eja ad consulem.

Scena Sexta.

Redit Capreolus.

Capr. Scisne Magister, quid factum egregio

gio tuo filio? exclusus est cum omnibus suis sociis, & à gymnasiarcha scholâs penitus ejetus. *Hirc.* Etiam exclusus? *Capr.* Ne quidem ad gymnasiarchæ alloquium amplius admissus, cum sociis suis è gymnasio exesse jubetur, schedâ publicè ad gymnasii januam affixâ. Ità nunc mihi ejus socius Tabacculus pariter exclusus, qui omnes in filium tuum seductorem pessimum evomuit iras. *Hirc.* O maledictum puerum!

Scena Septima.

Accedit Edmundus, Consulis filius. Apparitores.

Edm. Hircasi, legit & parens meus, quod obtuleras, consilium, & totum approbavit quàm maximè. Hinc statim hodie vult executioni mandatum. Age Apparitor, quæ tui sunt muneris. *Hirc.* Ah! solve me, obsecro, D. Apparitor, tunc loquemur plura. *App.* Non solve, sed si necdum sederes, tali equo te jubeor imponere. At quis ausus est auctoritatem meam prævenire, & te equitem creare? *Hirc.* Ergo & vos sic mecum agitis? an semper & ubique fartores habentur ludi? *Edm.* Non tanquam fartorem, sed patrem filio nimis conniventem te punire jubet pater. *Bert.* Et nunquid hæc ipsum domino consuli consilium obtuleras? *Edm.* Jam & altera consilii ejus pars debet adimpleri. Eja viri Dei! perficite jussum opus, & natum patri adjungite.

Scena Octava.

Accedit Apparitor secundus cum Luridastro.

Lur. Vobis, Apparitores, potestas est in me nulla. *App.* Cum lurcone, non cum studio, so agimus, & quidem e scholis ejecto. *App.* Reluctaberis ultra? an necdum sensisti satis hunc stipitem? *Lur.* Sentio. Hinc quæso Edmunde, fac, pænarum sit satis. *App.* Imo patri socius assidebis. *Hirc.* Removeatur impius hic lurco è meo latere: qui me tantas in miserias. Abstrahatur in domum castigatorium. Aut omnino ab urbe ejiciatur. *Edm.* Id factum esset, & ut D. parens meus id faceret, Gymnasiarcha hodie suasit, & monuit. Dum autem parens meus prudentissimum tuum consilium illi proposuit, Luridastrum hoc supplicio pro hac vice puniendum censuit pater meus, & Gymnasiarcha. Eja viri Dei! *Lur.* malim omnia perpeti, sed hoc uno a dedecore liberate &c. * *Hirc.* Non à tergo, sed ante me collocate, ut magis videatur lurco. *Lur.* Tibi pater, tibi debetur honor. *App.* Et pater nimium indulgens filio magis reus est, quàm filius.

Scena Nona.

Accedit reliquis faber lignarius.

Hirc. Redis tandem? ô solve me aliquando, qui me ligasti. *App.* Non, non. Prohibeo

* Imponunt.

beo tota mea, & baculi mei autoritate. *Fab.* Perficiet sculptor, si desideras, adhuc hodie pro hoc equo caput asini. Interim aliud, quod domi jam habebat, offert, forte non inconueniens. Ecce! * *Bert.* Ad hoc quadrat optime. *Scrib.* trunco illud affige. ** *Edm.* Nunc ut publicum sit supplicium, & ad terrorem salutare, statuatur hic equus cum equitibus suis in platea publica. *Vit.* Eja levamus truncum. *Hirc.* O Domini mei, omnes respective gratiosi, strenui, doctissimi, & ornatissimi, spectatissimique tantum non publice tantæ nos infamiæ exponite. *Bert.* Publice nos, & parentes nostros traduxisti, publice calumnias lues. *App.* Publica dedit Luridastrus scandala, reliquos seducendo, hæc luat & publicè. *Hirc.* Ah publice ego revocabo omnia, quæ dixi. Domine Bertrande, te pronuntio studiosorum omnium alpha, & Omega. *Vit.* Et patrem nostrum? *Hirc.* Civem dignissimum, qui hodie senatoribus adnumeretur. *Scrib.* Et de me quid? *Hirc.* dignum, qui fias iudex totius oppidi. *Bert.* Et studiosos adhuc prodes, in hospitio a te visos? *Hirc.* Nec vos, nec studiosorum quempiam prodam ultra. Tantum liberate me à publica infamia. Capreole, etiam pro me ora. *Capr.* Oro, atque jam diu oro tacitis suspiriis, & oculis vix non madentibus. *App.* Et tu Luridastre quid statuis? hæres? *Cell.* Num solvetis cauponi meo? hæretis?

* Profert caput hirci cum cornibus & barba.

** Illudunt omnes.

retis? *App.* Eja levamus truncum, in publicum efferimus. *Lur.* Sistite, obsecro, sistite. *Hirc.* solvam ego omnia, modo me solvite. *App.* Et tu num institues deinceps conventus malos? *App.* Et patrem tuum decipies? *Lur.* Faciam deinceps omnia, quæ pater voluerit, dummodo à publica infamia me liberetis. - - *Edm.* Gratiam D. parentis loco vobis faciam. Non exponemini publico, domi tamen equitabitis ad vesperam. Tunc apparitor solvet. *App.* Veniam ante cœnam, tum simul cœnabimus. *Hirc.* Ecce in has demum misérias redigit & patrem & natum nimius, & cæcus meus amor.

Q. A. M. D. G.



MAG 2023578